

常昭合志

卷九

人物

國朝

蔣伊字渭公號莘田父葵字畹仙崇禎初舉鄉試第二又六年成進士知南海縣催科有法猾吏不得乾沒賦入爲諸縣最慮囚痛懲捏控誣供者擒治妖人熊順吾不致蔓延煽變丁艱服闋補建安縣尤著聲績時多盜警葵濬城隍行保甲募鄉勇得勝兵數百屹成雄鎮撫臣張肯堂舉廉幹第一陞儀部主事未赴會流氛告警亟請募兵入援按臣陸清源疏稱其雄才壯節云舊志伊登進士選庶吉士改監察御史巡視中城疏陳六部積習請減白糧之價嚴誣逆之條又請勤撫卹務開墾賑荒濟饑皆切中機務彈劾大吏不避權要時三逆

常昭合志

卷之九

人物

一

未平征調四出伊以蘇州內地不必防禦所駐滿兵二千力請撤回又集民間疾苦曰暴關疲驛耕耘水災旱災催科鬻兒流民暑獄冬獄讀書廢書繪十二圖以進

聖祖覽之動容京師地震應

詔密陳三疏又以捐納例廣正途壅滯請澄汰疏通直聲震海內旋卽外轉出爲廣東糧儲叅議當兵燹後供億繁苦吏緣爲奸伊禁陋規革耗羨蠲滌煩苛粵人便之遷河南副使提督學政釐正文體杜絕請託所獎拔皆寒雋

御賜懷蓋興文額卒於官中州士立祠於大梁書院東伊爲諸生時卽負經世志甫釋褐上所著玉衡臣鑒二錄生平見義

勇爲篤於倫誼居家孝友待親族故舊有恩惜未究其用云

有文集十八卷

府志

弟佶字吉人副貢生

蔣陳錫字文孫號雨亭伊長子登進士除富平令關中大饑力請賑濟他邑或委胥吏實惠及民者十不得六七惟富平戶散而人給之官帑不繼佐以家財故饑而不害治最擢禮部主事監督海運倉除糧艘例納篷席銀紵軍弁力遷員外郎用總河張鵬翮薦佐理河務授濟甯道革河夫供給各衙門薪柴弛湖陂葑茭水利之禁歷天津淮徐道遷河南按察使讞決平恕不輕奏當部有老爪賊雜平民中戕殺行旅嫠面抉目使不可認識慘毒甚於響馬痛捕窮治絕其根株道路

常昭合志

卷之九

人物

二

以安陞山東布政使旋晉巡撫郡縣災荒不待申報而請賜緩征之疏已上山東鄉試解額時不過六十名疏以爲先聖舊邦不宜居江西福建下因得廣至七十餘名舊給買補營馬價不足所司苦累賠疏請得優給長蘆鹽使請增引臨清關使請添設收稅所並疏陳其不可事俱不行久之擢雲貴總督滇南土酋常應運者有叛萌興兵擒斬應時撫定礦廠或硎老山空而課額不減疏請礦旺則開礦衰卽止隨收隨解勿爲定額常德至鎮遠險灘數十處怪石峯峒倡屬捐金鑿平之又旁開溪路以避灘險鎮遠至雲南三十二驛山路峴嶽郵驛不勝其苦下令非緊急公務不得濫索夫馬諸所

施設禁止遐方無不稱便陳錫自以年力向衰方思乞休會
銜命勞軍衛藏未至衛藏百餘里億甚不能前語從者曰我
死不足惜恨未達

王命奉職無狀耳遂卒天性孝友接物和易待故舊有恩義居
官不爲崖異以釣奇立名而所至盡職奉有

御賜清慎勤及敬一堂額前後褒賜無算子漣河澍浩

志

蔣漣字檀人號省庵陳錫長子登進士選庶吉士授編修與修
康熙字典分修詩經傳說彙纂充康熙乙未會試同考官時
征策妄阿拉布坦漣捐橐駝佐軍有

詔褒美進中允督學河南輯中州視學記畧校閱勤慎文體一

常昭合志

卷之九

人物

三

歸醕正遷侍講請易

先師廟以黃瓦又請做朱子綱目義例纂明史綱目累陞太僕
寺正卿奏添牧廠二十四處馬駒日益蕃盛以年老乞歸漣
勤學好問自少至老修長者之行出言煦煦惟恐傷人周卹
親舊不以囊乏辭篤於行義明邑令王鈇死倭難葬西山年
久墓湮立碑以表之卒年八十四

陳世倌狀

仲子楷字端木舉人

孫熙字載榮任山東按察經歷選嘉魚知縣未赴歸卒照字
鏡寰任浙江鹽大使陞安化知縣卒於官勳慶陽知府曾孫
基培字厚載終東平知州

蔣洄字愷思陳錫仲子少以諸生隨父任卽究習經國之務登

進士授工部營繕司員外郎歷郎中時西陲用兵洄承命製皮衣帽數千及駱駝鞍屨俱尅期竣事薦擢雲南學道革棚規除苛令以父任總督當迴避生童奔籲巡撫得畢試去任奉

命赴軍前辦事至陝購糧運往西鳳河捐增價值迅速辦竣補涼莊道時軍出七路皆集城外河徙民入城捐資賃屋以棲兵兵民皆安檄調西密衆環留不得發諭以軍命乃聽行大將軍益器之大軍西行由大通河河恐病涉倡建大橋以濟行軍無阻尋丁內外艱以西陲未靖請終制不許羅卜莊丹津者番夷渠魁也涼莊生熟西番連結蠢動河以涼莊五郡

汛兵俱赴戍城中空虛乃疾馳至莊浪料簡精壯千六百人造給鎧仗火藥又團練涼州永昌鎮番古浪各村堡得六千餘人聲勢壯盛大將軍倚之檄委統領涼鎮各鎮官兵各土兵及新練民兵會同進剿副將以下咸聽調雍正元年十月誓師於定遠城分兵爲三諸道並進轉戰於棋子山山爲賊之門戶勢陡險河佯若仰攻而別選銳卒繞出其背遽奪其山梁前後夾擊殺賊無算餘衆遁入鐵包城城四面峭壁前有仄徑後臨大通河河兵攻其前礮轟其後殲賊之半於時羅卜莊丹津進逼西密分躡甘涼諸處番族應之河又檄涼屬鄉勇捍禦而自移師武勝爲聲援逆夷遂遁猶恃阿擯一

族爲凶暴乃統兵銜枚躡其插帳處出不意殲之遂搗其巢
阿損平諸番帖服會蘭撫綽奇劾河虧帑

上嘉其功置不問陞山西按察使轉布政使臨晉民抗糧負固
方調兵往勦河疏請親詣其處至則曉以禍福民皆釋械誅
首惡六人餘釋不問奏免大同十一州縣重出草束脚費一
萬二千兩並免馬邑縣邊地積欠地丁萬餘兩尋以侍郎銜
往肅州協辦軍需河念籌邊必先裕餉裕餉莫善屯田體訪
河道有高臺張掖口外數處皆宜種植黍麥引黑水資灌溉
可闢田千頃繪圖以奏報可於是開三大渠列斗門數百以
引水而蓄洩閘壩大小橋梁復以百計五閱月工成留屯二

常昭合志

卷之九

人物

五

年墾田三十餘萬畝請銷工本僅七萬兩三年中與屯戶平
分之糧得十五萬餘石公私饒給言者以河侵帑誤工望吏
議總督查某鄂某交章雪其誣河已卒

蔣櫟
志銘

弟澍字音傳好

學能文才名與伯仲埒以例授刑部員外陞兵部郎中用薦
試詩文稱

旨授長蘆運使管天津關以廉幹稱卒於官弟浩字廉叔官德
安知府洄子榆字玉材有至性母病日日餽之五年得愈任
寶坻知縣澍三子柟榕欒柟字廣蔭九歲能文登進士官工
部主事監督裕豐倉榕字韓庭以通判授兵馬司指揮降補
東阿縣丞藺字桂洲舉人歷任直隸行唐邢臺知縣皆以醇

謹世其家風

蔣廷錫字揚孫號西谷伊仲子少穎敏折節向學負才名舉順天鄉試以薦南書房行走康熙癸未

特賜進士選庶吉士授編修遷贊善歷侍講侍讀學士

經筵講官雍正元年遷禮部右侍郎尋調戶部四年晉尚書主

順天鄉試丁母艱起復視事六年拜文華殿大學士仍兼理

戶部事加太子太傅充

聖祖實錄及明史總裁官庚戌典會試

特恩加一等輕車都尉世襲卒於位廷錫當內直時

聖祖方稽古右文編纂羣書並付勘校博學精敏同輩推讓

常昭合志

卷之九

人物

六

車駕所至皆參扈從備顧問佐禮部時凡上

尊諡廟號

山陵升祔

郊壇配享諸鉅典諳練典故參考經籍議上多稱

旨及爲戶部筦三庫與怡賢親王協心一力剷除宿弊部務肅

清明習吏事周知四方利病案牘必親裁嘗患運河水淺糧

艘挽運阻滯留心體訪以臺莊至濟寧天井閘資沂泗泲三

水灌注天井閘至臨清會通閘則資汶水灌注自會通閘北

至青縣則衛水經流而皆微弱因條具泉湖節宣濬蓄之道

兼採前人分漳濟衛之說五事上請曰濬泉源開復山東湖

地嚴定開壩築壩日期修築汶上坎河灘壩復分漳資衛坎道奏下九卿集議多採行又奏查京通各倉共存歷年漕米一千三百五十餘萬石計每年進倉米四百餘萬石除支放俸餉約餘米一百餘萬石今各倉廩座充盈若再加以遞年餘積必至露囤紅變請每年挨陳發米一百萬石分給局廠領糶所賣錢文每錢局留一萬串循環兌換餘交戶部於八旗兵餉內按數多寡卯錢酌量搭放有餘則各衙門公費照例悉給錢文倘遇裁漕蠲免之年量行酌減發糶通計京通倉常有一千三百萬石之米足備四年有餘之蓄而每年以百萬石或數十萬石出陳易新則

常昭合志

卷之九

人物

七

天庾無紅變之粟民間米價亦無昂貴之事錢法又常得流通得

旨允行輦下翕然稱便西陲用兵軍需調度機政填委廷錫勇於任事應時立辦無少瞻顧以此最被恩遇所

賜御書扁額曰黼黻絲綸鈞衡碩輔萬機賢輔他賞賚不可勝紀及屬疾醫藥勞問之使相望於道病狀日再馳奏訃聞輟朝一日遣大臣臨奠內府庀喪事加祭一壇諡文肅所著有尚書地理今釋一卷載入四庫全書有青桐軒詩集破山集皆少作通籍後多未編錄尤工寫生神妙與宋元人爭躡性豪爽所得俸賜周卹親舊知交不少吝

賜第外田宅無所增歿後人多思之子溥洲

張廷玉墓
志新府志

蔣溥字質甫號恆軒廷錫長子雍正庚戌

殿試二甲第一名進士改庶吉士直

南書房連丁內外艱服未闋授編修充日講起居注官進侍講
今上卽位擢左春坊庶子陞侍講學士己未充會試同考官未
撤闈遷內閣學士兼禮部侍郎陞吏部右侍郎尋轉左兼刑
部侍郎兩部事多所釐正辛酉典浙江試壬戌充

經筵講官旋

命署湖南巡撫值歲儉奏出常平穀平糶不爲限制民食以給
楚南舊不知蠶織溥泣湖之歲長沙諸處野蠶成繭大者如

常昭合志

卷之九

人物

八

雞卵繅治之每顆得絲數銖以上因下令民間收採遺種教
以餉蠶練絲之法明年蠶事大興織紵遍湖湘矣楚南泉布
少流通民多盜鑄又薄小不任使用雖嚴禁不少息溥察知
辰永山谷間多產銅試採有驗遂奏請設鑪座開局鼓鑄兼
買黔粵餘銅廣儲工木錢出益饒兵餉役食孤貧廩給悉資
配撥餘者發肆平賣俗用小錢悉以官錢易歸鑪冶僞鑄之
風不戢自止洞庭湖濱曰文洲圍者故官地也豪民爭擅爲
利藪植芟養魚歲收厚息往往結訟溥親往履勘爲築隄加
防涸以成田得上腴若干頃分給貧民耕種限以三年起科
利興而訟哀止嶽麓有南軒書院年久傾圯溥規而新之奏

請

御書道南正脉扁額懸懸於講堂延名宿爲山長校進生之能
文者進院讀書一時彬彬稱盛越二年仍入爲吏部侍郎軍
機處行走戊辰充會試總裁官進戶部尚書加太子少癸酉
保七月淮陽水災有

詔截留江蘇漕米四十萬石復酌留本年秋撥銀兩以備賑濟
溥慮秋撥冊檔到部尚遲請將春撥所留協濟鄰省之項先
儘本省濟用

俞旨允行賑務無誤十二月奉

旨協辦大學士兼署禮部尚書掌翰林院事

常昭合志

卷之九

人物

九

車駕行幸溥頻扈從賞賚幾無虛日己卯正月晉東閣大學士
兼戶部尚書庚辰會試充總裁官時已得疾日益劇以辛巳
四月卒於位溥性寬厚而警敏絕倫自通籍後精心奉職凡
所陳奏無不深契

上目前後

賜扁額曰經邦濟美曰韋平世澤

上親臨視病者再及卒

駕親奠醢入門哀慟悲感左右加

贈太子太保

賜祀賢良祠並祀鄉賢諡文恪

聖駕南巡追念溥世臣舊勞歷次遣官至墓所致祭著爲令典
子櫟賜棨尚桓元樞惟枚大椿

蔣櫟字作梅溥長子舉京兆試聯捷進士選庶吉士授編修乾隆丁丑分校會試得士丙子己卯典試山西雲南尋擢司業翰林侍講旋丁外艱襲輕車都尉卽家授左副都御史晉兵部右侍郎轉左侍郎以疾卒於位

賜祭葬如禮櫟歷奉典試分校鑑空衡平稱得士奏對以實克膺

聖眷盛年遽沒人咸惜之弟元樞字仲升以舉人任福建知縣歷陞臺灣府知府重建木城培單爲複濱海處增創堞樓礮

常昭合志

卷之九

人物

十

臺規畫經久護理學政添立澎湖人應試者爲澎字號歲科取進一名增葺文廟學宮禮樂器皿咸備俸滿歸卒弟惟枚字春巖好學工詩氣體清羸言動整肅無貴介習以例分發福建知州迴避改浙江歷署州縣丞倅所至有聲借補諸暨縣築潮隄興書院教養著績卓薦候陞遽卒弟大椿候補府同知人亦端謹風雅先枚卒櫟子曰烜永寧知州繼耀通判蔣果字華林廷錫孫父洲字履軒由二品廕生刑部郎中累官至山東巡撫果少爲世父文恪嘉許屢試不售以例授河南知縣陞任許州路經祥符適當紅紗閘河流泛溢立措錢三千緡以應工需或有阻之者果曰事關民命寧有畛域耶上

官益器之乾隆辛丑青龍岡決口果於下流設救生舡並置糗糒活者無算尋擢開歸陳許道坐累開復歿於京邸果性醇厚慷慨周卹宗黨親知故舊求無不應歿鮮餘資人咸感

泣子光祖光弼俱舉人

嵇璜墓志

歸允肅字孝儀祖德明字升之兄爲仇家所誣德明急其訟七日夜髮盡白母病足瘍而歿每自捫其足淚下不能止平生爲德隣里緩急可倚父起先字裔興崇禎末進士官刑曹指陳疑獄平反者數章提牢一月察創視折挺重益食丁艱歸杜門著述著易聞詩通解允肅少凝重寡言笑康熙己未

廷試第一人及第授修撰辛酉主順天鄉試糾諸同考官誓曰

常昭合志

卷之九

人物

十一

毋奪於威毋誘於利毋牽前恩毋邀後報所拔皆眞才刑部尙書魏象樞昌言於朝慶其得人曰講缺掌院屢列名上請未俞允

聖祖忽於袖中出片紙則允肅名也進講周易毛詩進止端詳敷奏明暢睢州湯斌嘆曰講筵得正人天下有賴矣陞中允歷侍講侍讀至少詹事與議政事持正不阿以病告歸卒於家子宗敬字端士諸生恭謹撲茂推鄉祭酒歸氏自起先以進士起家祖孫父子三世列祀鄉賢

府志 縣志 參

允哲字濬瞻允

肅兄性落拓不營俗務居恒奉其家訓到處省躬隨力及物二語人稱爲老佛子復佺字松期貢生文品端雅士林交推

善事母曲體親心以友愛弟妹周卹族黨歿後以孝行旌鴻
字旣垣允肅從子父煥爲人質直記覽該博詩文詳贍著有
經疑史測鴻登進士知西華縣報最內擢未謁選遽歸鴻少
貧窶旣官貧如故坦率有父風詩文書法俱工楷字令樹亦
允肅從子諸生束修好古以名檢自持已上俱
昭文志
歸宣光字念祖號峴懷允肅孫宗敬子以舉人授內閣中書遷
侍讀擢御史轉兵科凡所論建大率謹廉隅杜積弊不爲苛
刻近名之舉奉

命巡察湖廣請墾鄖襄各處及苗徭谿峒可耕曠地給民牛種
前後共墾水旱田十八萬四千二百餘畝民賴其利以新闢

常昭合志

卷之九

人物

十二

永綏苗地米少山水險迅苦於輓負兵民日用不供諸於藩
庫撥銀二千兩交官採米運倉平糶以備不繼又陳沿江沿
湖水汛塘房旣慮水患移居高阜兵隔水次不便巡警請添
巡船往來駕駛以備倉猝擢鴻臚寺卿右通政

今上卽位進通政使己未充

殿試讀卷官故事非曾任翰林官不與宣光以乙科三任其事
陞戶部右侍郎歷吏兵工各部遷禮部尙書署吏部調左都
御史終工部尙書辛巳

皇太后七旬萬壽

上集諸王大臣年至耄耄者爲九老之會并繪以圖宣光名在

第六

御製詩三章賞賚最渥明年卒於位年七十二

諭賜祭葬

賜諡昭簡宣光性謹恪遇事和平練達未嘗矜已傲物亦不肯

詭隨從人敷歷中外所建白多奉

俞允晚年創立常昭會館里人至京者有所依庇史貽直狀子夢燧

字寶傳以舉人歷官陝甘江西知縣擢興安直隸州精於吏

治所至有政績次熙字緝之能書任山東鹽運司經歷次朝

煦山東運河道次景照浙江布政使次恩燕正定通判燧子

升基字寅谷茶陵州知州元培字曾毅能文章喜作詩賦善

常昭合志

卷之九 人物

十三

書尤精於篆以四庫館議敘任廣西州同

王澧字楚先號蘭陔父曰俞字喜廣少勤學父母憐而節之乃

帷燈潛誦以舉人教諭六合時游兵蟻聚漸及學舍曰俞呵

斥之不敢近崇禎末與子澧同登進士知餘姚縣期年去官

澧順治九年用薦始起爲行人奉使河南丁酉分校京闈時

科場事發舉主皆得罪澧獨超然事外遷工部都水主事權

南新關陞屯田員外郎治河南旺搜堙浚新使岱畎之水皆

歸運道陞刑部郎中凡成案過當卽與改正不更駁回所平

反甚眾終金華知府弟漢字文雲以舉人官溧陽教諭

王守烈字大武澧孫少與其兄守勳有文譽以選貢舉京兆試

第二登進士授司經局正字補刑部主事遷員外郎執法不
少假洗心泣職不受私謁陞禮部郎中出知贛州府尋卒

陳陶

二志合參

之麟字對揚亦澧孫舉於鄉任安東教諭子崇本字近

仁以副貢任貴州州判

蘇祖蔭字芑詒父希式舉鄉飲賓每貸米於貧人不取其息來
糴者使其自量里中稱爲蘇自量祖蔭少出瞿式耜之門儀
狀秀偉議論高亮雄於文辭順治中登進士授戶部主事督
理清江糧餉廉辦精強爬剔利弊有梗之者內計鐫一秩補
山東藩幕官署泰安州事強項如故卒於任

蘇翔鳳字苞九祖蔭子讀書嗜古爲文務有根柢惡佻巧不求

常昭合志

卷之九

人物

十四

速化屢黜於試勵志不衰嘗當食報罷遂不復飯噉粥及餅
餌者數年翔鳳雖久不遇吳下名士交推爲宿學學者多師
事之性伉直議論不少假借然好稱人之長見俗士或面斥
之及過而忘具爲誰何晚歲始成進士知沂水縣甫抵任而
卒子佑字受先強直類祖父久困場屋往往發憤罵坐屈身
爲小吏必以氣陵其上嘗運口外所進羊毛至武備院暴露
待命又不給運費佑持狀伏闕欲奏之主者大駭卽日遣歸

陳陶各志參
虞邑先民傳

佑子本忠本潔本忠孝友廉讓以子去疾官贈

內閣中書宗芑翔鳳從子諸生課徒養親母張氏疽潰不治
顓天求代夢一老人指往興福寺求醫次日果遇老僧畀藥

二丸而愈及再往問寺中並無此僧也孝行題旌祀忠孝祠

志通

蘇本潔字幼清舉順天鄉試雍正五年以保薦試用閩省署晉江令戎帥縱卒虐民擒治不少貸幾爲所構旋得直調知侯官縣值歲祲首請題留江南漕米十萬石運閩接濟行順莊滾催法民便而課足閩省至今通行焉七年擢福州府知府引

見時條陳便民四事

上喜顧大學士曰閩中州縣第一人言不虛也賜賚有差既抵郡大吏倚如左右手凡十郡疑獄必令覆讞手批口答判決

常昭合志

卷之九

人物

十五

若神將題陞臺灣道以母老力辭未幾得疾請告弗許請調簡許之移守興化聞母病驚悸疾遽革本潔體貌豐碩美鬚髯善談論聽者忘倦詩有黃楊草少攻左氏傳撰疑義一卷論者謂可與顧亭林杜解補正並傳子可恩貢生邵齊然狀之楸字眞牧本潔從孫幼穎敏能詩文兼善書畫以貢候銓司訓早卒

孫承恩原名曙字扶桑明高州府同知森孫自爲諸生負重名於時以選牘文體不正除名復以明經魁順天鄉試魁南宮賜第一人及第先是承恩弟暘舉丁西北闈被劾遣戍臚傳前一夕

世祖閱承恩卷甚稱賞拆卷見其名問學士王熙與孫暘一家否遣熙疾馳至寓面詢學士故與承恩善因語之故且曰升天沉淵決於一言回奏當云何承恩慨然曰禍福命耳不可以欺君父學士歎息既上馬復顧曰得毋悔平承恩曰雖死無悔學士疾馳奏

世祖喜其弗欺遂定魁首承恩秀眉聳肩目光四射臚唱日見者皆稱得人授翰林院修撰數被

顧問眷遇優渥己亥分校禮闈

駕幸南海子賜駿馬騎從大風揚沙馬驚逸遽中寒疾卒遣內大臣唁問賜金歸葬承恩性孝友文工六朝詩學温李書法

常昭合志

卷之九

人物

十六

歐陽年僅四十人咸惜之弟暘字赤崖少遊文社名與兄埒以科場事爲人牽連謫戍尙陽堡

聖祖東巡獻頌萬餘言

召至幃前賦東巡詩試以書法深加贊賞大學士宋德宜疏薦不果用久之還里所著有蔗庵集弟昱字玉池爲諸生有聲暘坐累時奮身救解傾家財佐之平生醅謹篤誠雖當窮困

浩然自得

府志參
縣志

孫魯字孝若明布政朝肅子登進士授衢州府推官西安民祝廿五爲從子所殺埋屍滅跡獄久未竟魯廉得其實案治如律其餘多所平反累陞知大同府附近邊而俗朴民未知禮

魯首行鄉飲設立義學值三藩叛征調旁午魯飛芻輓粟民皆安堵以母老乞終養尙書魏象樞歎曰家有孝子國少一廉吏矣歸里後貧益甚杜門侍母色養備至會母病卒魯哀慕逾年亦卒

府志 卷三 縣志

弟藩字孝維高情雅致弱冠卽以文章

聲氣名動公卿間著有貽燕集魯子德威字畏侯積學食貧

與嚴太僕虞惇善嘗邀至京爲掌院納蘭揆敘分纂書籍凡

所撰次皆稱

旨方欲薦聞以哀老辭歸著有自怡薊門竹西諸稿幻叟筆記知量錄識小隨筆稽古要畧彈詞輯註若干卷德威子渾字岳生工書法宗邑中馮氏之傳渾子旃蔭乾隆辛酉副榜爲

常昭合志

卷之九

人物

十七

諸生祭酒以孤介稱

府志及 陶志稿

璟字畏之魯從弟讀書汲古雖

貧甚猶命僮嘯侶宿德錢陸燦嚴熊輩樂與之遊詩以逸致

勝

海虞 詩苑

璟子沆字師靖諸生孝友能文操行類其父

陶陳 志

尙

德字超雲魯從孫生而弱足不良於行賦性和理善事父母

父憐其疾不令就傅逢人問字輒了解文義不出戶庭通曉

世務母兄欲室之固辭終身子處將歿以田產付昆孫供殯

葬勿立後

陳祖 范傳

孫天寅字雲含魯冢孫少聰穎讀書過目不忘十歲能詩負其才目空一世年四十八舉京兆試甲寅舉博學宏詞兩江第一赴京未及試得疾卒著碧蘚齋詩集從弟瀧字巨源少從

嚴太僕虞惇遊矻矻汲古貧不能省試太僕官京師寓書招之且資以行李却不赴著有讀史談助藝圃春華若干卷並散佚弟淇字寶洲才名與兩兄相頡頏時稱三孫曾一應院試卽棄去肆力於古邑中推作手著竹鄉詩集若干卷天寅子穉字元之亦博學能詩鵬字南溟朝讓曾孫弱冠補諸生試輒高等以歲貢教習八旗學授桐城訓導年逾七十卒於官有來復堂稿行世弟鳴字廷元與兄鵬皆負雋才領鄉薦一上春官報罷旋病卒從兄泰字儒宗候選州佐性倜儻達於世務而臨事不苟從戚屬遊滇黔雍冀間名譽甚著嘗拒奔女於旅館卻投金於暮夜進士湯愈志其墓云

陶志稿

常昭合志

卷之九

人物

十八

趙延先字讓卿中允士春子由副貢授安陸推官遷眞定郡丞時積寇高鼎踞常山趙郡間詭言受撫延先突入賊寨慰諭之見其詞色不定疾馳還入平山城申儆守禦賊猝至以有備得完擢東萊守陞副使備兵鄜延時方強仕之年以親老

遽歸色養高堂人爭歎羨焉

錢志

趙廷珪字禹玉號五修鄉會聯魁選知林縣時編審人丁胥縣請增丁博紀錄廷珪曰我豈以一級功名爲百姓子孫之累且開除六百餘丁行取授河南道御史請敕學臣修舉實政請禁郡縣捕盜小吏逼勒供扳株連無辜又言子報父仇不告官而擅殺者依律杖六十蓋爲未經審抵者言如擬抵結

案遇赦免死者又復擅殺是目無國憲相報何時已乎請分別定例使情法均盡又遇赦減等人犯既邀再生妻孥去留宜聽自便事俱施行以艱歸未及小祥卒

陳陶兩志

孫友夔字爾

諧登進士官鞏昌知府友沆字亮工與夔同科舉人友夔子

貴斯字協恭雍正癸卯

欽賜舉人工詩古文詞名流推重年八十九卒著有炳燭齋詩集七卷貴彤字仲呂舉京兆亞魁貴輿字扶青舉人薦授國子監學正品詣沉靜無疾言遽色文如其人有先正典則游陞戶部郎中保用知府以病乞休乾隆五十年恭逢

萬壽盛典開千叟宴

常昭合志

卷之九

人物

十九

錫賚便蕃貴輿與焉輿子曾齡安化令本嶠字子厚貴彤子少孤貧勵志苦學登進士知洛川縣調繁蒲城擢潼關同知時兩金川跳梁

王師西下本嶠供億轉輸不擾於民所屬朝邑被水星馳勘驗亟請賑貸有孀婦憎其孫潛陷之於井而誣其媳本嶠廉其實獄以不寃路旁屍有傷本嶠偵視草徑血漬循其跡里許入村民家有凶 一鞫而伏擢知潮州府亦多惠政築隄護城力拯災荒修核郡志振興書院嘗自榜其楹曰十年考下催科拙百事持平聽訟難歿於任潮人惜之

陶敦和傳稿

再恩字

申卿用賢曾孫個儻有大志讀書不屑章句通申韓之學康

熙十二年赴楚制府蔡毓榮之招會滇逆犯境陷賊中得間
脫歸謁制府具陳賊中形勢及僞將李長祥張足等計謀蔡
遂偕見督師順城王因共密奏奉

旨召見授饒州府通判歷任九載署浮梁信豐尹咸有政聲

曾志

子廷珂字聲佩少時卽博學多能琴棋醫術無不精通尤工
於詩善書壯歲游京師與太倉吳暲等相倡和刻燭賦詩卓

絕流輩澤州相國陳廷敬有當今第一人之目令校秘館諸

書後謝病歸有雲海集

王峻府志參
雲海集序

祿字慎卿再恩從弟性

孝友母病刲臂肉以進讓產於兄恆至斷炊處之怡然也嘗
自郡歸見一婦啼岸側若將投水者亟呼詢之曰夫所遺三

常昭合志

卷之九

人物

二十

金暮被竊今無以爲生復恐夫歸受辱耳卽罄篋中修脯畀
之以孝廉終著有澗南詩草二卷子聲武循謹有父風

汪應銓傳

趙徵介字星瞻士錦孫聰穎博覽早負才名以五經舉進士選

庶吉士丁內艱歸卒子知十字淵修少孤貧讀書砥行不隨

流俗亦善書法以諸生終

趙嗣孝字太原祖士功生二子世鐸世鉞世鐸字聖傳登進士

志高氣銳奮欲有所樹立每云當使科名以人重勿使人以

科名重年未四十卒以世鉞長子嗣卽嗣孝也嗣孝父歿母

陳欲殉嗣孝哀籲乃緩死以天年終母歿廬墓五年以賢良

方正薦教習宗學授青陽教諭陞鹽山知縣未赴卒疾

以田千畝分給本生諸弟七人鄉里稱之雍正十三年旌門
志府子宏誠字晉陽持躬端謹刻志勵學年逾八袞精勤卷軸
乾隆丙午鄉試

恩賜舉人明年會試

賜檢討卒次宏漳字潤夫貢生淳厚孝友具有家風錫孝字寶
文父世鉞字憲章強學績行喜爲詩錫孝魁南宮任常州府
學教授以艱歸服闋補鎮江府學卒於官錫孝性行謹質少
攻苦力學制義膾炙人口講求吏治著賦役議通達古今眾

咸隲之稿陶志

趙永孝字漢忠號謹凡錫孝弟幼讀論語君子喻於義章問塾

常昭合志

卷之九

人物

二十一

師曰喻字關頭當作何把握師大驚異稍長以聖賢志事相
切劘甲辰與兄錫孝同舉京兆嘗以平昔講求經世要務著
萬年保泰鴻謨欲獻未果徵試博學鴻詞亦報罷成進士年
五十四矣不樂爲吏請授教職謁選得常州府教授勤懇訓
士如其兄晉陵稱二趙焉時博野尹會一視學江南咨以學
政永孝力請行小學謂內外篇該括經史爲學者造道之基
尹隲其言亟施行焉卒於官著有鑑古堂文集六卷詩四卷
子琦璟璟後更名王槐舉人歷任山東知縣孫貴覽湘潭知
縣陞辰州府乾州直隸同知

趙森初名貴樸字再白曾祖廷爽諸生嘗上書請減蘇郡浮糧

祖茂良讀書砥行壽逾八十父友情善醫術爲人已病不責
酌貧者更與之藥森九歲能屬文嘗準長卿上林作虞城賦
數千言宿老歎服旣舉於鄉名益高賣文長安大書榜其壁
云聖賢豪傑在我不干命事功名富貴由命不干我事其明
達健決如此先森是嘗受知於鄂太傅爾泰及戊辰司衡者
爲太傅長君知者咸爲森慶森投筆起曰試固未必遇果遇
我無以自白矣竟不試甲戌考授內閣中書試理閣務尋以
他累罷森舉意濶遠好爲其難有乞請者罄橐周旋弗恤卒
以是絀與仲永擅同年仲劾九門提督鄂善

天子以爲直超遷僉都御史森與書以爲薦賢受上賞古有之

常昭合志

卷之九

人物

二十二

矣劾人受高官未前聞也此位宜辭宜薦賢者時人稱之著
有蔚子詩文集蔚子小學顧鎮墓志弟貴棡字可法才亞於兄詩
詞絕妙性行醇謹舉人與兄同考授內閣中書遷處州府同
知擢福甯知府以目疾乞歸陶傳森子同翼幼聰俊如其父
早卒

趙同翮字振六森子性至孝學有根柢以舉人宰甘肅徽縣通
省捏災冒賑翮任五年獨無染及事發牧令多撻網大吏重
其廉調張掖有惠政潔已如故謝事後以交代不能卽歸張
民醵金代償歸理故業承家學工詩古文詞善楷法人爭師
之及門成立者眾分脩脯以餉親支居官居家不激不隨人

敬而愛焉年六十一始舉一子爲物望所歸卒時莫不惋惜
錢朝鼎字禹九號黍谷父永達字益之服賈荆襄載米歸值大
澇飢死者相枕藉永達倡同舟散所糴折閱而還客南陽白
洋河漲溺死無算又倡同舟捐棺埋之客淮上同舍生病革
以千金橐屬永達卒返其柩與金封識宛然傳見舊志朝鼎登進
士授刑部主事歷員外郎中陞廣東提學道粵當湯火之餘
敷教以寬端士習正文風爲天下學政第一轉浙江按察使
誓於神曰歸橐名一錢立殛死桐廬有僕弑主移獄於主妾
與一童子曰奸殺也朝鼎視妾一弱女童子尤孱羸而僕爲
之証其事日動言詐旣而得間乃厲聲詰曰弑主者汝也僕

常昭合志

卷之九

人物

二十三

驚具服湖有盜黨竄名官署爲吏每鞫是獄恒左右之嚴訊
則與諸盜互爲奸利刺探獄情也超擢副都御史忌者託詞
稽留欽案露章叅之會丁內艱服闋補鴻臚卿遷大理少卿
時山右有烈婦不受隣人挑縊死已題旌而隣人僅議遣戍
朝鼎爭之曰戍者異曰得生還出入節婦坊下有佚罰焉不
亦辱朝廷而羞執法之吏耶乃改論死朝鼎三爲刑官執法
持平物望歸之歸而署其扉以自警曰此生竟出古人下有
志尙如年少時子瓚字孚美以舉人知館陶縣夏苦旱蝗蝻
生羽翼猶未成亟命捕之與民約捕蝗一斗給米四升民間
老幼男婦一日捕得數斛予米如約吏恐米不繼請損之瓚

不可又三日得數十斛予米仍如初民歡呼力捕不數日蝗
無遺種僅費米五十石耳上官乃通行州縣捕蝗皆如陶邑
遂獲有秋瓊嚴保甲革陋規其俗喜斂錢賽神名曰打網瓊
懲而止之陞戶部主事遷員外郎

錢陸燦字湘靈泮之元孫父顯忠諸生有文行

舊志

燦高才嗜古

爲經義清真老硬以副貢舉順治丁酉鄉試第二科場事發
覆試者再燦皆前列未幾以糧案絳誤友教畏陵金陵間弟
子通籍甚眾學者稱圓沙先生詩歌骨力雄厚一掃浮靡古
文不名一家磊落自喜晚年偕徐乾學王日藻秦松齡周金
然尤侗黃與堅爲耆年會燦無位而齒最宿名最高諸公皆

常昭合志

卷之九

人物

二十四

兄事之賦詩贈答善畫者繪圖紀其盛年近九十兩眸青碧
無疾而卒有調運齋集若干卷邑志二十六卷子蜚熊舉人
錢裔信字嗣希明副使時俊子與兄子祖壽同登進士知嘉祥
縣居二年歲凶賊夜入郭無所掠而遁裔信具文自劾時祖
壽權臨清盡獲入郭賊巡方御史曰庫帑無恙也印未失也
令且歸矣對曰失庫與印當死賊闌入郭當罷敢僥倖乎遂

歸

錢祖壽字福先號三峯時俊孫少勵志讀書釋褐官戶部主事
歷員外郎中初權臨清關再權北新關斂輸惟謹公私胥濟
晚歲耽味老莊之旨幅巾藜杖摩娑古物酬接後進正色直

辭不爲崖岸曾作晚秋詩寓意有菊黃蜂意懶蘆白雁聲高
之句子象鼎雋利能文象臨敦厚有孝行嘗試京兆以不見
要人被詘意泊如也皆以諸生終曾字遵王亦時俊孫少力
學能詩文購述古堂藏書多善本撰讀書敏求記識其源委
所著有交蘆集判春集

府縣志

錢延宅字大士時俊孫登進士授行人出使寧夏湖廣陞祠部
主事常例考選臺員部曹不與順治庚子特與一體考選授
御史巡視陝西茶馬請蠲苑馬各監積欠錢糧陳東南民力
困竭請蠲荒糧禁預徵皆時之急務孫孫詒字庭堅醇謹篤
學以選貢教習八旗子弟需次知縣卒

陳陶二志合纂

常昭合志

卷之九

人物

二十五

錢鋈字貢金延宅元孫父祁字秩斯恪謹修長者行嘗舉孝廉
方正力辭謝生平以忍讓訓其家鋈以五經卷舉順天鄉試
授撫寧縣撫邑百餘年未有鄉舉者自鋈爲令教其邑士不
數年舉者不絕以才調江夏羅田奸民馬朝柱與陽邏吳南
山謀不軌鋈率眾搜捕犯皆就縛擢知蘄州歲大稔米踴貴
鋈請出荊州儲軍米一萬斛平糶民以無饑治行累最擢知
黃州府尋監司浙中以夏歸服闋補甘肅哈密道會改滿缺
移陝西旋陞陝西按察使調四川綜西征軍餉不一月就陞
布政使凡置郵稽速兵器利鈍輸輓更代下不病百姓上不
誤軍國悉心調度御之以整感之以誠累年如一日隨時以

機宜人告無不稱

上意凡五年統計金川口內口外支用軍需八百七十一案銀五千二百五十九萬有奇千頭萬緒勾稽考覈秩如也倥偬中不忘文教修禮殿葺講堂與書院士講學不輟奏請

陞見中途疾卒

恩加侍郎銜鑿居家恪慎位益高心益下宦跡所到輒繫人思其去黃州也傾邦士人舟送數百里其監司巴里坤將去耆民抱哈密瓜以獻鑿祇留其一士夫嘉歎曰前有一錢太守今又得一瓜觀察送者皆涕泣而別狀家子受鴻候選運同能詩文次受椿歷任湖北陝西貴州知府今福建臬司

常昭合志

卷之九

人物

二十六

王履昌字鏡宮明叅議嘉言曾孫父傅臣里校宿儒篤志力學履昌稟承庭訓登進士令南漳郭外巖谷深廣據險結砦者長子孫於中每相仇殺有徐必達者與其屬王純不協純忽手刃必達大吏奏聞純負固不赴質履昌用計擒之國法伸焉著有四書原旨讀書燈子恪武進士任四川遊擊曾志家震字雷伯明保定知府夢鼐子少孤出入恭謹嘗置一冊座右題曰砭心錄書其心所受病者若干條又薈萃古今人事可法可戒者爲一編朝夕省覽當事禮聘講學與錢陸燦同修邑志孫蘭字芳谷選貢少從父奕昌宦廣西奕昌死亂兵孫蘭瀝血上書下所司獲二賊斬之奉母居興平剪刀原後令

其弟侍母先歸孫蘭獨留扶櫬從水道返後居巡撫慕天顏
幕興水利豁荒糧諸善政孫蘭贊成之力居多錢陸燦修邑
志孫蘭亦與焉孫苈字瑞生諸生嚴於誨課學者有微過輒
對案不食俾悔悟乃已昭志譽昌字露涓爲諸生攻詩又善畫
詩刻苦工鍛鍊其風藻似玉溪其骨理近元英著崇禎宮詞
二卷含星集十二卷話山自選詩四卷府志縣志合參
周慶曾字燕孫父士宏有孝行慶曾中順治戊戌會試念父母
年老試訖卽歸辛丑父遣赴

殿試仍乞假歸居十二年連丁內外艱以篤孝聞康熙壬子補
內閣中書分校京兆試戊午舉博學鴻詞科授翰林院編修

常昭合志

卷之九

人物

二十七

分纂明史攷核精詳甲子主浙江鄉試未人闈卒著有研山
遺稿祀鄉賢子涵貞字乾一在永州通判孫元棻字大章以
監生修書議敘授義烏縣知縣任事勇決擒治豪惡孟選臣
斃之杖下合邑稱快以憂歸補廣西灌陽縣陞梧州通判卒

於官

錢陳志參
陶志稿

汪繹字玉輪號東山原籍休寧父新都知縣錫爵始來徙繹姿
性英敏康熙丁丑魁南宮聞父病亟星馳南還已不及視含
殮哀毀特甚庚辰進士一甲第一人繹文章閎深雋偉莫可
遏抑書法秀潤與趙文敏爭席榜下咸推國士授翰林院修
撰會丁丑庶常散館同列者方利於敘俸繹獨持議必讓前

輩先就職士論尤以爲賢凡館中著述皆稱

旨賜賚有差癸未分校禮闈得查慎行等十人旋充纂修朱子全書官以母思歸決請假乙酉

聖祖巡幸江南簡在籍翰林官十人校刊全唐詩繹與焉事竣旋卒臚唱曰馬上口占有歸計詎謀千畝竹浮生只辦十年官之句官翰林十年適符其讖著有秋影樓詩集

府志參彭定求集

子國士字芋堂清姿玉立風雅不羣早卒孫玠幼孤尋失恃號泣思親竟咯血死

汪應銓字杜林其先亦休甯籍祖九漪字紫瀾邃皇極經世之學以爲祝泌發邵子之覆而說多異同亦有異而不相悖者

常昭合志

卷之九

人物

二十八

爰本廖氏纂由聲音起叅祝氏之說布圖系解錯綜經緯歸於三才理數自然冥合以開究萬事又著七音類集立誠書雪中集述梅圃詩文集平生論學以心得爲宗晚遷常熟列祀鄉賢應銓幼英敏甫就塾課書四十行語師曰我尙能讀稍長從陳董策曾倬遊所學益進康熙戊戌登進士一甲第一人授修撰直南書房未及散館

特擢左春坊贊善分校禮闈所得皆知名士應銓於經史靡所不窺發爲文章蒼古典奧詩淵源選體而出入於韓蘇書法圓勁秀逸八爭寶之歸里後主講鍾山書院與修湖廣江南通志著有容安齋詩集六卷子世灝副貢

蔣漣狀

陶元淳字子師其先自崑山來徙世有隱德父世澤字彥節性
度宏達精醫家貧爲德不倦女甥鬻爲婢稱貸贖歸舊志元淳
少英敏過人於三才萬物之理古今因革利病無不講求精
審志欲有爲於當世舉進士

廷試對策請減東南田賦詞極剴切閱卷者抑之除廣東昌化
知縣始至逢歲旱徒步禱峻靈山雨立降縣有浮糧賠累數
百年力請蠲除不能乃勾稽本末作浮糧考奸民隱佔飛灑
愚民重困乃行清丈法兩年始竣作魚鱗冊剷除公私陋弊
作會計經費錄創立墟市招流亡集商賈禁戢土司加恤窮
黎時行村隴間問民疾苦海外武弁驕橫崖州尤甚元淳署

常昭合志

卷之九

人物

二十九

事三月盡發其奸狀將吏由此斂戢以勞卒官年五十三邑
人請祠名宦著南崖集四卷廣東志十卷明史傳數卷其制
舉文風行海內學者方之金正希陳大士子貞一正靖府縣各志
陶貞一字駿文性聰悟幼時卽工舉業徐乾學何焯輩深加咨
賞登進士改庶吉士授編修念母老欲乞假先是

聖祖謂詞臣不共官次將有處分大臣止貞一投牒貞一曰若
以養親獲罪何恨遂歸

世宗嗣位被薦與修明史分纂仁宗朝紀傳稿具投牒乞歸張
廷玉時爲大學士固留之許以推挽貞一不可乾隆初就職
半載休致歸居鄉凡邑中利病必向當事侃侃言之常昭初

議分晰境壤貞一按全邑大勢以東西分治條七議上諸當事疆域以定白茆久湮議濬貞一言宜濬白茆之裏河至北港口導之使歸徐六涇入海建巨閘以拒渾潮則費省而功可久其他有益桑梓者知無不爲云時藝神似隆萬古文辭波瀾意度最近廬陵集稿皆手自刪定有退庵文集若干卷虞邑先民傳詳慎緻密論者謂有陳范之風孫廷墀廷堉同舉於鄉皆任教職

王峻府志墓志
參正靖行狀

陶正靖字穉衷號晚聞幼岐嶷爲父鍾愛隨宦昌化元淳以事謁幕府滴邑有寇警城陔壤正靖遂集匠日夜繕葺完固父歸奇之文筆爲何焯孫勳諸名宿器重與兄貞一齊名擬之

常昭合志

卷之九

人物

三十

眉山蘇氏雍正四年常昭初分縣當事聘延陳祖范修昭志正靖修常志迫計偕稿未梓庚戌成進士改庶吉士授編修壬子分校北闈

世廟上賓王大臣議禮推翰林習掌故者二人正靖同江右萬字兆所議皆施行乾隆丙辰典四川鄉試涪州周煌其所得士也明年擢監察御史首疏請豁昌化浮糧得

旨俞允克成父志凡所論奏俱得體要輪進經史說悉遠稽古義邇陳時事其論相業人才學制幕僚等篇皆言人所難言一歲中由鴻臚卿歷右通政左僉都御史尋擢太常寺卿謝恩召對以論魏廷珍事鐫級歸教授吳門逾五年卒正靖天資

超朗讀書務在實用不喜華縟所作古文奏疏雅健條達一時罕及性高伉官翰林七年桐城張廷玉堂院事因兄貞一房考師避嫌弗登其堂西林鄂爾泰雅重正靖強招一見不再往也遇人無粉飾是非所在盡言不避篤於友誼能赴人之急而自不治生宦歸囊空如洗中年喪偶不再娶不置姬妾著晚聞存稿晚聞制義詩經春秋說常邑志稿各若干卷

王峻府志顧鎮墓表參自敘

子敦和字魯直舉人知南平縣調龍溪陞敘

永同知性孤介與人少可多否居官屏絕苞苴甚得民譽顧不善事上官左遷鄧州州同歿於中州旅次著讀左隨筆於三傳得失疑誤多所發明刻有吉光編古文稟承家教典茂

常昭合志

卷之九

人物

三十一

深雅嘗纂修邑乘人物士論謂其敘次有識

參魏兆蕃行狀

許瑤字文玉明祭酒士柔子順治初舉於鄉授綏寧教諭登進士歷工部都水司郎中管衛輝等處河務擢知廣平府分巡河西轉川北叅政著孝經約註一卷竹廣詩集十二卷子世忠字貞服世孝字念皇俱副貢以詩名世忠詩力撫香山世孝著有偶一集六卷進益字禹峰士柔五世孫少孤貧力學工制義詩古文詞數困童子試中年始補弟子員既鄉薦以母老一上春官不第遂不赴乾隆辛卯會試年七十歲矣志不少挫從一小僮坐籃輿抵京試畢蒙

恩授國子監學正歸數年卒進益事母至孝家貧不能常具甘

旨就館授徒遇飲饌之精腴及新鮮者恒徹歸奉母門弟子多登科入仕者性硜介安貧守拙泊如也著有詩文集若干卷山山字青浮父宸章以副榜官金華同知爲人朴率老成事母至孝山甘貧苦吟清新觸目舉體無俗韻有棄瓢集兼工花鳥子三人並嫺吟詠徹字暘谷尤知名有秋樹軒詩集永字南交畫筆鮮秀人咸珍之康熙中修

幸魯盛典議敘州同知易字朔方弱冠遊太學以石鼓賦知名京師同里嚴虞惇亟稱之謁選得嘉善主簿著有惕關詩艸

二卷 海虞詩苑

許穀字詒孫瑤從曾孫父豐有孝行歲饑潛典什器易粟供父

常昭合志

卷之九

人物

三十二

而私啖粗糲且每食不飽對父忻然不使知也手鈔六經課子穀少攻經義風發泉湧推應舉利器登進士選庶常出知垣曲縣垣爲僻邑訟庭清簡穀以師道自任口講指畫生儒環侍迄無倦容文風遂冠全晉士人稱爲許夫子康熙乙酉分校晉闈所舉皆雋才濬東鄉沅河使旱地俱成腴田民賴其利稱許公渠丁外艱歸囊橐肅然罕入城市列祀垣曲名宦政績載山西通志子朝字光庭號紅橋九歲失怙又三年失恃族祖漣教養成立 昭文縣志 年十六工詩古文辭鄂文端爾泰任蘇藩試七郡士第朝文爲冠成進士授廣西懷遠知縣陞太平府通判署鎮安府

恩旨發回安南凶犯宣揚

聖諭安南饋土物力却之兼署太平府以累罷起補山東德州通判謁鄉賢祠黜明嚴嵩黨楊順主順害沈鍊父子者也衆
違之輯州志若干卷乾隆丙子充校官稱得土書法得十七
帖神著有紅橋古文集十六卷紅橋詩集四十三卷

參唐
墅志承

恩字雄文穀季子出嗣爲易後能詩書法得外舅翁振翼之
傳以諸生爲經師世家爭相延致年八十一應乾隆丙午科
鄉試

恩賜舉人丁未會榜後

恩賜檢討年八十六卒

吳蔚
光傳

常昭合志

卷之九

人物

三十三

邵燈字薪傳世有名德父梁字公輿髻鬣好學浹熟經典抗顏
爲人師所獲束修悉供甘旨燈習冠登賢書江南賦稅舊簽
大戶收解往往破產燈議按畝貼役以官吏董其事條上遂
爲定例登進士除中書量移比部明敏無留獄律比務從輕
條康熙庚戌分校禮闈拔士皆時望外轉僉臬視河汴宋間
向開引河所上工狀率不以實燈 馳閱視計所當濬者十
之二三餘皆罷之省官帑萬計河工夫柳諸項派在八郡協
供頗有乾沒燈發諭戒飭不致浮冒勤其官以歿著有河防

要畧

曾錢陳
各志

翁長庸字玉宇少貧甚日或不舉火登第授戶部主事權蕪湖

關溢稅四萬餘金盡數解部轉山東運同分司濱樂陞長蘆
運使叅政河南臨事敬慎待百姓如家人聽訟不厲聲色諄
諄勸諭多感泣謝去先是中州下治田令州縣僞報起科至
數千頃察之石田也亟請於大吏復其租役秩滿當遷按察
使不願典獄遂告歸其貧不異爲諸生時也著春秋因是詩
文有蓼野集子大中字林一舉進士知上杭縣縣號難治大
中潔己卹民輸賦向有額外公費大中盡革之民遂大悅又
令納戶自封投櫃民更稱便歲旱米價踊貴大中開倉平糶
且損米以給不能辦值者埋胔掩骼善政釐然可紀卒於官
杭民醵金歸其櫬祀名宦

錢志參
陳陶志

需字雲將蕙祥孫性方嚴

常昭合志

卷之九

人物

三十四

不苟言笑與長庸同舉於鄉教諭和州遷上杭令正風俗革
羨耗禁蠱毒每當讞決反覆諭以情理訟者嘗涕泣釋爭而
去

昭志

兄貢字康成貢於鄉

廷試第二晉子與之字曰可登進士官澄海知縣

翁漢麀字子安憲祥子流寇四起朝堂方爭門戶漢麀伏闕上
疏不報崇禎末舉於鄉祈中丞彪佳撫吳關禮賢館延之論
事鼎革後築東田書屋觴詠其中久之有司敦促至都授南
安推官平生治春秋鈎微纂要嘗謂三傳如鼎足後儒因傳
廢經因註廢傳莫睹大全著春秋詳節孫振翼以舉人官內
閣中書工詩文藝術靡不精究書法入晉唐人堂奧著論書

廿則尺幅寸縑至今人爭重之陳志嗣聖字克凡懋祥孫舉人官無錫教諭爲人伉直力復先祠

翁叔元初名梅字寶林號鐵庵憲祥孫父毓芳少孤家難屢作伯氏亡匿毓芳慮驚其母洋洋如常而陰以其所有爲伯氏費會大疫鬻屋以施棺槨有名家女鬻爲婢贖歸嫁之遇被劫者僵臥雪中解已絮衣衣之忍寒而歸叔元績學工文尤精制舉業天下傳誦其文與韓茨齊名康熙丙辰魁南宮

賜一甲第三名及第授編修戊午典山東試得人最盛以俸深厯坊局詞臣敘俸由此始陞祭酒疏請復積分法令諸生習禮容肅觀聽而嚴懲其不率者尋定朔望釋菜禮嚴課試謝

常昭合志

卷之九 人物

三十五

請託六館之士咸彬彬焉三遷爲吏部侍郎充

經筵講官旋拜工部尚書部多積弊有十年不銷算者大工至四十三案乃請六部司官分董其役半載積案一清請假歸再起刑部尚書所平反全活甚眾叔元在翰林爲某院長排擊後某董下河之役赴部銷算啖叔元以利却之不苛覈也某御史遍劾京朝官且及其子叔元微言於眾口仁人所弗忍也御史呼名辱詈之無何坐規避事當送刑部叔元獨不署名曰罪止革爾無可加遂免情恕理遣多類此致政歸卒賜葬祭祀鄉賢叔元少貧困補諸生以例除名連蹇不得志屢瀕於死年及艾始登第十餘年致位正卿歸田後優游林壑

者又數年著鐵庵文稿十二卷梵園詩集若干卷

陶志參
先民傳子

是揆字敘百是平字壽天俱有雋才能詩善畫蔭藉高華而樂親風雅所交多素士是揆仕沂州知州是平仕廣安知州陞刑部員外俱有政績兄弟先後歸里日與親故歡讌以壽終是揆子悅祖仕桐城縣丞是平子企祖續祖企祖官廣東鹽運知事續祖舉人歷任四川浙江知縣企祖子建基建臺續祖子建堂見仕籍是龍字允信言叔元從子廣西懷遠知縣推強字弱甚得民心負其才氣多所凌忽以累去

陶志

邵世茂字羽萬祖復貞居邑東華滙村眾水所聚田苦不登復貞傾貲築隄捍水歲獲有秋鄉里德之父文禹樂善好施兩

常昭合志

卷之九

人物

三十六

舉鄉飲賓世茂登進士除韶州推官除煩苛剔奸弊絕苞苴勤訓六邑之士申明道誼嶺表文風丕變康熙癸卯分校稱得士以疾卒官

縣志

曾孫世泰字季醇以舉人考授內閣中書

陞侍讀歷刑部山東司郎中東省有爲父仇殺死怨家者已照殺人律定擬世泰駁之曰齊襄復九世之仇春秋大之今子復父仇情旣實應減等

世廟是其議遼陽創復者不問首從概配煙瘴至則多死世泰惻然欲差等其罪請以財主及頭目罪始律從犯概減一等從之擢貴州平越守值苗疆兵燹之後氓俗凋敝前官請發籽種千石大吏以軍需不許世泰曰民固而後能守今此數

百萬窮氓其迫與軍需等力請給三千石歲亢旱奉檄採買屯餉復力疏寢其事經畧素重世泰故所請靡不從百姓德之世泰居官十三年敝車羸馬衣裘僅蔽體卒後官橐罄如苗民裹糧舁櫬至鎮遠登舟始去子玉瓚字廉夫諸生父歿承父志不受賻萬里扶櫬歸克盡哀禮性謙謹生平不談人短讀書至老不釋嘗纂歷代沿革輿地說年八十三終

家述

曾振甲字鷺公父道生字立甫副貢生三歲失恃事繼母盡孝弱冠與顧郎仲諸人同事拂水文社貫穿三禮嘗言朱子以曲禮內則少儀玉藻深衣爲一類世子禮運禮器特牲明堂位大傳爲一類經解儒行哀公問燕居閒居坊記爲一類學

常昭合志

卷之九

人物

三十七

庸學記表記緇衣爲一類義例可考惜晚年未成書也乃因其意纂輯爲十四卷振甲少與兄肇甲相切劘以孝友聞恬靜寡言喜愠不形常誦程子人能克己則仰不愧俯不忤二語初登進士時有要人欲招致門下豔之以利對曰人臣委質之始何敢僥倖除貴溪令未任卒子倬字漢瞻早孤母周有賢行誨以道誼倬亦能自疆學性嗜濂洛諸書讀書古寺山光潭影怡然自適垂二十年探求立體致用之學氣象靜恭和易一時名士皆才華議論風發泉流倬獨以涵養勝之文法其家子固尙理要而鄙雕繪補綴之習鄉舉後赴春官試或求士於汪修撰繹以倬對曰可得致乎繹曰此人不可

以私致也倬聞之曰此可謂知己矣叅議王繻屏騶從到門請爲其子師設帳官署無所私請著有左氏分編左氏列傳又羅古今文集撰習是編若干卷修邑志八卷孫敦復字敬之舉人舊志肇甲字先乙副貢考選知縣淡於仕進性孝友弟振甲等六人咸賴成立年逾八十樂善好施彌老彌篤子祖愛字飴孫以恩貢任當塗宿松學博愛士如子陞涼州衛經歷以終養乞歸曾孫立誠字信民諸生爲人惇厚周慎言笑不苟教子有義方二子濟涉相繼登科第年七十餘無疾令終

嚴虞惇字寶成號思庵兵部主事棧之孫父熊字武伯少爲名

常昭合志

卷之九

人物

三十八

諸生棄去縱情詩酒人以比之徐渭虞惇康熙丁丑第二人及第授編修己卯科場吏議牽連左官歷大理寺副正故事廷尉屬惟爲刑曹署紙尾不能有所執爭虞惇遇會讞務覈實情內務府二格殺人移獄於塾師某奏當將成虞惇方在告廉其冤上書爭之且曰腕可斷題不可畫也力疾強起執二格訊之流汗伏罪京師稱神明辛卯典試四川同事拱手仰成三遷至太僕少卿癸巳典試湖廣搜闈牘萬餘卷榜發雖被放皆厭服竟以勞卒虞惇爲人秀眉長髯瘦弱如不勝衣及至論列是非辨文字得失掀髯抵掌矯尾厲角能使人氣懾不敢發聲其學原本經史搜擇百家尤精於毛鄭之學

會萃羣說參互折衷著讀詩質疑三十一卷附錄十五卷載
入四庫全書刪定文獻通考詳節二十四卷詩古文詳瞻有
體經義以理氣勝後學多師尊之居間曹蕭然四壁無酒食
貨財以悅人而士之贄文字就品題者履交於戶客退卽兀
坐一室丹黃不去手至老彌篤列祀鄉賢昭志子鏊字汝礪增
貢生宗學教習密字宏道英敏好學舉京兆試旋卒年僅弱
冠士林惜之

嚴有禧字厚載鏊子登進士授河南涉縣令時總督田文鏡政
尚嚴厲屬吏望風懾憚有禧強直敢任事擢知山東濱州田
故與東撫岳濬不相能陰屬有禧察動靜有禧曰吾豈能譖

常昭合志

卷之九

人物

三十九

人以求進乎久之竟無所白遷萊州守擢登萊青道調糧儲
道丁內外艱服除補湖南岳常澧道民隄湖旁涸陂爲田水
勢盛輒潰漫而民以墾闢請者相繼兩院下有禧勘狀有禧
言此皆游食好事之徒欺隱愚魯恣爲科歛及至決溢告災
求賑與胥役表裏爲奸因條上其弊圍湖之議遂格澧民蕭
六表告所怨劉太玉譚如山及諸生車禹殿等有逆謀軍門
某聞知遽捕繫生等會將肄兵於澧民訛言兵至相率驚竄
有禧察其誣立爲伸雪縱遣而歸馳書帥府止其兵澧民乃
安擢河南按察使調貴州以疾解職疾平復爲河南按察使
調湖南坐累鐫級歸有禧持風裁容止威重及居憲司綱紀

肅然與兩院平議庶政進退屬吏正色爭辨無所回撓而讞
鞫之際更務矜恕常恐枉縱人皆憚其剛而服其平少貧困
及仕居處儉約歷官三十餘年家無贏資平生不妄取與然
敦重氣類死喪孤貧多所贈贍家居矜厲風概州里敬事諮
訪地方利弊侃侃直陳修葺先世祠墓編纂宗譜刊刻太僕
遺書不惜傾囊所著有延綠存稿東萊紀畧淫刑兩鑒等書
行世

邵齊燾墓志

龍翔字闇公虞惇族兄幼聰敏既鄉薦淡於仕

進杜門却掃詠歌自得疾革神思凝定以九思戒其子著有
雲軒集德屋字麟洲虞惇從兄文名亦相埒生平足跡半天
下借山川之勝以發抒其抱負故於詩尤工著有學吟草以

常昭合志

卷之九

人物

四十

舉人終

沈德潛序

文豹字贊夏德屋孫少時作秋日洞庭賦有風

騷遺韻長益好學嘗病三通浩漫積十年之功成合編一書
又著編年要覽十六卷測天要法八卷叢書輯要六卷兼善
書法得李北海筆意舉於鄉游京師考充官學教習因親老
假歸生平與湯進士愈陸孝廉士坊相友善互相切磋湯之
學精嚴之學博陸亦天姿秀發然皆不永年士林惜之子大
給能詩文有幹材父歿時家赤貧負米四方以養繼母及諸
弟妹克敦孝友乾隆癸卯舉人早卒本中甲寅舉人

陳祖范字亦韓號見復祖煌圖字鴻文少受業楊廷樞之門以
副榜授翰林院典籍遽引歸順治甲午徵前時仕宦之家居

者煌圖年甫壯以親老不起晚舉鄉飲賓亦不赴工大小篆著隸釋篆韻六卷詩集十卷從年隨筆六卷印可四卷父逢午字方中篤行好學祖母范病足日踈而摩之范撫之曰兒壯矣何其似幼時也他內行多類此平日不苟言笑及語道義輒反復極論終日不倦教子讀書以立行爲重曰當知文藝外大有事在易簣時命其子毋請諛墓文毋作佛事所著詩文甚富兼工楷隸通志府志祖范生而穎異年十二賦錦衣歸故里詩落句云緼袍吾亦適長揖對公卿是概其一生行檢爲舉子業得江都郭嗣齡長洲韓莢同里嚴虞惇指授而祖范意在抉經之心見道之卓其形於言者允修而踐之而非

常昭合志

卷之九

人物

四十一

徒外之文也年四十八中雍正癸卯

恩科舉人會試連捷遽以足蹇告歸僦居江臯研究經傳於時天下開設書院遠近爭致書幣邀主講席然皆終歲爲期不獲已再往旋託故去蓋以士習難醑師道難立不欲以此糜廩祿也晚歸邑居年七十三矣乾隆十六年

詔舉經明行修之士中外署四人名以上祖范裒然居首

賜國子監司業以年老不赴祖范冲淡元素與之交如飲醇耐雖囂陵躁妄斷斷不可人者對之輒心融意釋經舊典訓於六經三史及唐宋以下諸儒論著披尋研味纂鈔不倦爲文謹於持擇而於說經加慎謂摭拾餘瀋旣不可安憑臆妄談

彌成痼瘡著有經咫掌錄文稿皆經進呈

御筆評隲經咫載入四庫全書又詩文集昭文志若干卷今並行世子瑩字道光歲貢孫景字介爾廩貢候選訓導俱有文行能世其家

參顧鎮傳畧

祖范族孫之白字心粹好學敏記覽勤

於課子力行善事惟恐人知以子進士士林膺封

陳桂森字和叔號耕巖父昌期廩生祖范序其文稱爲文行完粹及沒哀辭歎其爲族中知學知禮義第一人桂森幼喪父家徹貧刻苦自勵受業祖范得其端緒登進士第選庶吉士授編修改御史轉吏科給事中擢光祿少卿歷太常少卿遷大理少卿一爲正考官三爲同考官兩爲學政巡城巡倉者

常昭合志

卷之九

人物

四十二

一巡漕者再桂森起自單寒崖岸自峻未嘗干謁當路而膺聖主特達之知乃益自刻勵其在翰林也遇大比之年四方士子雲集憚其清正不敢有所請託視學陝甘不收供應一切所需悉發價值任御史時有議更天下寺僧度牒者奏停領牒公費巡視倉漕嚴飭廉從不得交通屏除陋規謝絕餽遺督學廣東未及按試疾卒疾亟時撫軍郭世勳來視入卧內練帳蕭然太息良久而去詩文和粹如其人書學得力於李

北海趙吳興

邵齊熊墓志

席永恂字漢翼父啟寓字文夏官虞衡主事自洞庭東山徙居常熟性孝友居宜治辦以將母歸生平好施予賑貧救荒率

先倡導列祀鄉賢永恂生而沉靜寡言笑與弟前席受業於陸清獻公皆能深思默念求實踐之學爲陸門高弟追隨十有六年清獻歿刊其遺書行世候選國子監助教前席字漢庭八歲能詩時值暮雪父命賦詩應聲云光搖窗不夜風定樹飛花父大奇之以例候補內閣中書府志席釗字對揚永恂仲子性敏工文詞登進士選庶常以薦與修一統志授編修以艱歸遽卒釗敦孝友之行生平重然諾常爲人貸錢二百萬其人遠宦不歸破產代償遂至大困釗亦不悔也兄鎬字渭南附貢生博學工詩不樂仕進弟鏊字寶箴才華畧如其兄以舉人授內閣中書書法適古詩文清雋

常昭合志

卷之九

人物

四十三

有竹香詩稿四卷

陶志

雍字喈仲前席仲子以例授刑部員外

郎遷郎中出知鄖陽府時方議開墾屬邑承風增數虛報雍行部覆勘汰其不實者顧謂諸令曰君等一時邀功獨不爲小民異日計耶擢陝西督糧道權按察使事臨潼大猾康某淫殺數案問官聽其巧脫別捕民陳姓當之雍察其冤督屬詳鞫論康如律尋入爲刑部郎中告歸卒於家子紹元字大之嗣雍兄京爲後以四川鹽庫大使署彭山縣民間轆轤引江水灌山田不勝勞紹元鑿通山泉築堰溉田萬頃民德之紹凱子獻之以舉人歷知山西聞喜安徽宿松等縣精於治獄所至民懷工文詞時藝直造古人堂奧襄字成叔雍弟任

兩浙運副襄子紹容字敬堂以例授戶部山西司員外郎慷

慨好施周卹親族有祖父風

陶志

沈淑字立夫號頤齋先世吳興人嘉靖中有名校者爲福山營遊擊卒於官遂家焉祖萬育字和卿九歲失怙哀毀如成人事母至孝鼎革時負母行於野遇盜奪其糒母不與盜將殺之泣而求代並免之鄰失火延母寢母疾方劇萬育號痛呼天風反火息母年八十餘病危篤醫者皆曰法不可治萬育割股以進弗瘳夢緋衣人告曰疾非藥可治有凌某可速致之凌至用針治脫然愈其他建湖橋設義冢皆成母志也卒年九十四臨終惟呼父母不置雍正四年以孝行旌門淑天

常昭合志

卷之九

人物

四十四

資過人自幼卽能遍讀諸經註疏宋元諸儒經解雍正初元聯捷進士選庶吉士授編修以峭直少合又善病乞歸養母杜門却掃日以著書自娛嘗論世嫡承重之義大宗小宗之辨支庶爲後之禮張蘿峯繼統繼嗣之謬其言如懸河倒峽咸爲傾倒所學尤長於詩周禮儀禮撰周官翼疏六十卷又輯陸氏經典異文春秋三傳異同分國地名職官器物及註疏瑣語約二十卷名曰經玩制義貫穿箋疏扶翼經傳非僅爲制舉樹軌也雖病手不釋卷歸四年而沒年三十有三桐城万苞與淑同給事

武英殿稱契合郵寄墓銘三致意焉

府縣志參
方苞墓志

沈棻字欽伯號宗婁淑子乾隆丁卯舉於鄉值生祖母喪不預計偕勸駕者謂服生祖母承重律無明文棻泫然曰禮順人情而已父既不獲終養棻代父守制可乎辛未登進士二甲第一改庶吉士授編修署日講起居注官擢右春坊庶子兼翰林院侍講先後典雲南湖北省試充鄉會試分校者再出爲河東兵備道夏縣白沙河發源中條山出巫咸谷西流而南入姚暹渠水盛時漫延村落并浸及鹽池棻議建石堰水患以弭蒲州南郊柳溝山地爲民間業營弁請作牧場棻親勘得實不聽擢河東鹽運使河東自鹽池被災後鹽產不旺商力頗疲棻請開六小池并買運蘆鹽以接濟又以隰州大

常昭合志

卷之九

人物

四十五

寧永和三處土鹽不過池鹽半價奏請改食土鹽民無抑配之擾商亦不累卒於官棻以祠臣而於吏事精敏工詩文雋逸清新變其家風書法酷似張文敏子廷焯理問四庫謄錄

廷瑛刑部員外嗣其弟棻後

彭啟
豐狀

王峻字次山號良齋祖應祥父志學世有隱德力行善舉峻少敏慧受業司業陳祖范之門陳雅重之舉京兆試授內閣中書尋登進士第改庶吉士充一統志纂修官散館授編修歷典浙江貴州雲南鄉試稱得人改御史拜命三日卽抗章劾臺長官素行不協人望直聲震都下會丁內艱遂歸杜門養疴十餘年當事重名德爭延爲士子師歷主安定雲龍紫陽

書院以古學提倡後進所賞識後多知名性剛褊視時俗依阿齷齪畏蒞者流不欲爲伍而人有一事一節之長則稱賞不置究心經史考訂詳審尤精輿地之學於九州山川形勢曲折向背雖足跡所未到咸瞭如指掌嘗謂水經正文與注多混淆欲一一釐正之而唐以後水道之變遷地名之同異鄙注所未及者則撫正史及傳記小說近代志乘以補之名曰水經廣注手自屬稿未暇成也詩古文直抒性靈不假修飾書法初宗北海後師東坡晚年自謂窺古人用筆之妙所書碑碣盛行吳下有良齋詩文集行世峻少貧甚數歲時借人書讀日受訾詈後登清要不名一錢歸田後猶以教授自

常昭合志

卷之九

人物

四十六

給環堵蕭然門無雜賓清風特操雅俗推服子本智由盱眙

令遷桃源河務同知

錢大昕墓志
參自敘

屈成霖字啟商祖欽字脊龕縣學生攻苦嗜學執經孫永祚之門楊燮顧夢麟輯四書講旨多資欽參訂其於性理經術務力行之不徒騁講說也父永清字國士歲貢生稟承家學疏節直腸不爲委曲之行屈氏自推官輜至永清九世儒業不墜楚蘄盧紘顏其堂曰九葉一經各志成霖中乾隆元年進士故事進士爲縣令吏部以次銓授是歲

上親簡數人以知縣卽用成霖居首初任盧龍有治聲擢景州知州濬惠民渠築運河月隄修輯州志振興書院政教丕著

癸亥畿南飢奉

詔發賑異時每戶率賑二口成霖計口施賑無漏澤者既引病歸益力行善事首置義田贍族設安濟堂收養男婦貧癯無依者百十人冬製絮袍給道路寒者夏具蓆帳以施囹圄年飢則貴糴而賤出之官築海城募人擔糶收遺骸凡五百七十四櫬埋廣仁局義冢倡修學宮規制宏整其他修復致道觀乾元宮維摩寺布金捨田前後捐貲不下數萬著景州志習是編經史叅同卒年八十四

邵齊燾墓志

子曾發字魯傳少負

幹畧舉京兆試隨父景州佐理幕務既歸以親老不復上公車凡父有營建命曾發董其役條約整齊工程完固人服其

常昭合志

卷之九

人物

四十七

精核性好施與克成父志需次得畢節令年六十矣初至黔檄署開州州有東臯書院曾發選士肄業躬自督課又自蘇郡購書籍貯院公餘輒爲講貫文風振起蒞畢節亦如之畢節爲三省驛路舊例差馬每匹給銀一錢民馬匿不出曾發四倍其值民樂受役郵遞無滯鉛廠運員多以稽遲挂吏議大吏檄曾發協運六百萬斤曾發念誤運由於短價佐以私財運遂速蕻嘗代理府事大定土酋安照兄死欲奪嫂志而據其產嫂陸以死自誓眾猶咸憤控之曾發懲照而獎其嫂照復以奸淫爲村民所傷所部將構釁曾發馳諭之事遂弭以疾告歸士民如失父母曾發精於六書句股之學輯九數

通考休宬戴震爲之敘又著萬言肆雅於字體異回精心搜

輯值

東巡赴行在獻之

家述

邵齊燾字荀慈號叔一先世休宬籍高祖鄉飲賓嘉祚始遷常熟祖甲臨年十二補諸生清姿玉立錢陸燦器重之早卒父
韓字鄂庭待次主事少孤能強毅自立受業何焯讀書務精
博書得二王法生五子燾其次也登乾隆七年進士選庶吉
士

駕幸翰林院錫宴齊燾與焉仿柏梁體聯句尋獻

東巡頌原道敷章研神敷采論者以爲班楊之亞性恬淡不省

常昭合志

卷之九

人物

四十八

揣合乃自署其門曰道山祿隱在翰林十年充書局纂修者
再充京兆分校者再以大考罷歸乙酉

南巡詔原官起用辭疾不赴貌清古眉目疏秀精章草人晉人
室著有玉芝堂文集六卷詩集二卷海內推有東京六朝之
風子培德進士麗水知縣次聖籍字子山幼穎異爲諸生常
以古人自期許每讀書必盥手肅衣冠始展卷謂不爾非以
對聖賢也袁牧一見呼爲小友與之言稱畏友甫弱冠卒

鄭虎

文墓志

齊烈字亶承齊兄乾隆乙丑與弟齊然同榜進士

朝考第一選庶吉士逾年卒詩文溫潤如其人

玉芝堂集

弟齊熊舉

人者授內閣中書熊子聖珪字錫禹天姿聰俊風神朗秀甫

弱冠舉於鄉年二十五遽卒

邵齊然字闇谷齊燾弟年十八舉於鄉明年會試中式以疾遽歸戊辰補

殿試選庶吉士散館授刑部主事進員外郎調兵部己卯分校順天鄉試遷戶部郎中出爲温州知府署寧紹台道調繁杭州所至專務惠愛化民而民亦愛之以母老乞終養未及歸卒杭州府志傳列名宦齊然幼聰敏與兄齊熊每夜課閱資治通鑑一卷一夕閱至劉道祥倣征西賦混雞犬而竟放二語父譁戲令補足齊然首用徐孝穆銅頭鐵額一聯譁笑曰此卽古人映帶之法因舉東坡匪伊垂之帶有餘故事勗之

常昭合志 人物 卷之九 四十九

後

朝考玉壺冰詩結云一片心如許期將答

聖朝卽從此悟入也書法類歐褚行書直逼眉山雖得自家傳

而風格一變矣弟齊鰲附貢生

梁國治墓志

孫夢達字莊九祖廷璋字麗公什邡令減耗羨招流亡墾田二萬餘畝教民築隄捍水民甚賴之數辨疑獄才能甚著邑產茶而奸商壅遏病民廷璋力持之民乃得享其利父爵昌性孝友績學工文以貢遊國學名噪六館夢達性尚疏簡氣度明豁游京師以副榜補宗學教習受業陶正靖器識日充旣成進士待次家居研精易蘊撰讀易揆方凡十卷乾隆十六

年巡撫莊有恭薦舉詞賦

召試行在授中書舍人軍機處行走以勤慎著稱尋除宗人府主事丁祖母憂服滿補原官分纂平準夷方畧夢達拙於治生以宦遊減產雖貧甚口不名錢卒於京觀察嚴有禧經紀其喪歸里

邵齊壽墓志

震字天威夢達從兄幼孤事母有孝行平

生淡泊寡欲鍵戶讀書終歲不入城市鄉舉後再試禮部未嘗一及貴人門幼子宗基善讀書震甚憂之下第歸已殤矣不勝悲鬱益縱意墳籍著噩夢錄其駁正史事牴牾援証今古義據精當書成旋卒廷標字元表夢達從祖孝友篤學寡言笑不問生產以選貢教習需次內閣中書工詩著拙存詩

常昭合志

卷之九

人物

五十

集二卷張遠序之

陶傳

顧鎮字備九祖應瑞諸生爲人易直子諒公正發憤無梗避歲稔田粟行糜活餓人無算父黃鉞增生好讀書六經子史皆手治丹黃於毛詩尤深少失恃終身哀慕父歿水漿不入口

有雙白燕飛舞苦次良久而隱朱榮之爲作白燕歌

黃叔琳墓志

鎮始爲名諸生鄉舉後同里蔣文恪溥保薦授國子助教登進士遷宗人府主事以年老引歸先是陳司業祖范主紫陽書院鎮往執弟子禮一切經解史義往來辨難穿穴詣微居京師遊黃崑圃陶晚聞門學益進以經師著名厯主金臺虞山白鹿鍾山書院所成就多聞人嘗佐蔣文恪撫湖南凡簿

書章奏兵刑錢穀皆司其成所著虞東學詩十二卷載入四庫全書又三禮劄記十帙古文十二卷詩若干卷他如支溪小志錢法考二書則皆水利食貨可見諸施行者

袁枚墓志

季學錦字近思號綱齋乾隆壬午舉人己丑成進士改庶吉士散館授職檢討充文淵閣校理入直上書房洊擢侍講出爲山西雁平道創建斗山書院於代州文風丕變修孫傳庭平反孟木成寃獄詳免所屬石壓地糧民懷其惠兩攝臬篆積牘一清遷河東鹽運使時商力疲乏請改課歸丁缺裁改補福建督糧道調興泉永道再調臺灣道加按察使銜甫下車擒治林爽文餘黨廖掛等丁巳臺郡猝被火風學錦飛章

常昭合志

卷之九

人物

五十一

告災卽請於閩督發藩帑二十萬先爲撫卹民賴以甦戊午冬卒於任學錦性孝友工詩古文爲翰林時所進應制文輒邀

睿賞及蒞外任所至有循聲未竟其用士論惜之兄美錦弟晝錦別有傳

列傳 治行

兩漢重循良之選班馬列傳可考明史循吏不過數人吾
邑仕宦自明以來或能於其地舉一二事而為民所尸祝
或宣勤致力克盡其職子若孫猶能道之是亦足為桑梓
之光矣其京秩之有以表見者亦並列焉

明

鄭金字公濟洪武中以明經授大理評事進御史陞廣東按察
使改福建左遷濟南知府為人英敏有操守能詩善書翰龔志
殷瓚字廷璧永樂初登進士仕建德知縣縣在萬山中其民儉
樸瓚問民疾苦平賦役敦教化秩滿遷岳州府同知士民垂

常昭合志

卷之九

人物

五十二

淚遠送尋遷臨江知府政尚寬簡為諸郡冠比歸行李蕭然
食貧以卒龔志 參府志裔孫濡字子霑隆慶初進士授南雄推官
持法不少假遷思明同知移雷州蜒戶為梗濡修巨艦練戍
卒備之陞工部郎中左遷陳州知州卒於官氏族考

沈洧字叔津父添祥字希臯好誦佛書以慈愛為心洧肆志力
學由鄉貢入胄監預修永樂大典授唐縣令調芮城南海皆

有美績 錢志

陶安字靜學舉於鄉任灤州知府持身廉慎撫字得宜調荆門
州歲大旱徵求育方民免他徙兩地言名宦者推焉孫成字

君美舉人

明一統志

繆政字尚仁永樂中以貢擢監察御史被命慰撫北京工役改
兗州推官鞫滋陽盜劫獄陞知雷州李賢受賅事得情令行
禁止改紹興府釐別軍伍賑饑治盜歲旱禱雨立應行縣有

伏虎之異

錢志

陳常字士恒宣德中以楷書貢薦授刑科給事中清勤舉職秩
滿將遷以父世昌年老遂乞歸奉養

錢志

顧以山字安道初爲吏員刻勵爲學登進士除監察御史會都
御史高明勦撫鹽寇以山同往運籌授策寇遂撲滅補河南
僉事均州盜劫官帑按者失實以山察其非辜卒獲眞盜賴
以平反者二十八家終陝西叅政所至以廉能稱

錢志

常昭合志

卷之九

人物

五十三

屈輜字良載以舉人授瑞州推官郡有冤獄將寘重典輜得情
釋之忤上官意遂拂衣歸子冲霄字梧岡諸生爲琴川十傑
之一有春音梅菊二集冲霄子必達字道夫歲貢生孝謹端
方羞勢利慎取與人多師之元孫坦之另傳

陳瓚志

劉竝字以規成化乙酉舉人任縉雲知縣廉明有爲考最陞定
州知州外艱歸卒從弟倬亦鄉舉

陳志

許昕字寅東除掖縣知縣政尚寬簡掖人懷之以母老請歸治
園圃奉養

周惠字元澤成化辛卯舉人授台州府通判陞紹興府同知嘗
攝州事裁決公明約已自守喜爲詩善筆札

鄧志

蔡宥字原錫以鄉薦入國學授袁州推官治獄有公明譽履官

謹畏不營一私

鄧志

顧巖字希邃除遂昌縣平獄訟釋囚幾千人補莘縣擒巨盜活

流民仕宦十五六年未嘗以家累自隨

錢志

沈鼎字端甫以鄉舉就選得處州通判屬邑遂昌民怨其令圍

令第欲戕之鼎行縣諭以禍福立散去攝郡篆庫有硝磺餘

銀爲中官物中官死或請入之鼎籍爲公帑改判南陽以母

老歸養杜門事學其文善述事理自號南洲居士

鄧志

曹文字孟章成化庚子舉人授福州府推官閩中稱爲良法吏

喜爲詩嘗做韓蘇賦石鼓人稱其工

鄧志

常昭合志

卷之九

人物

五十四

趙鉄字民威負意氣不能爲人下好直言人戲以鐵稱之由鄉

舉任山東澤縣知縣工詩錢仁夫稱之曰介如石直如弦氣

橫秋才湧泉從子勳字國勳亦以舉人官福建知縣雅志詞

翰與眾異趨

鄧志參錢東湖集

須震字民敬成化丙午舉人授齊東知縣有廉聲嘗浚白湖以

利民正逸盜殺人之罪遷南康通判遂歸知縣楊子器高其

節爲建北溪亭

錢志

蘇奎字炳文少好學授徒自給舉進士授新建令縣隸省治藩

府諸司督責叢委奎治有餘力以最聞厯知清遠上虞厭於

吏務解職歸治園居廣構書籍掇其要畧薈粹成書幾百卷

多雜聞舊事

錢志

呂祚字慶之五渠人以舉人知麗水縣以簡靜爲治其俗厚嫁以故產女多不舉祚痛禁之全活甚眾以年老乞歸年七十

九卒

錢志

姚奎字天章以舉人選湖州通判有幹濟才改調東昌俄召爲太僕寺丞奎喜言民利病在湖州奏請疏治白茆至是又論建置太倉州有數害事下蘇郡爲浮議所阻遂歸平生好交遊在官猶力學不怠有泰山詩一編

鄧志

王良翰字仲申高祖珙字廷珪勤家好義著有竹居集珙生惠吉惠吉生元元生乾世有厚德良翰舉進士授工部主事勤

常昭合志

卷之九

人物

五十五

於職業敝多釐革監稅於杭課額不虧當路有不悅者以疾歸重刻先世遺集事兄良輔和謹兄卒待其姪尤善

李傑志

子

卞字循甫以貢累遷考城知縣有考城詩集卞子玉汝字於成以監生官興國州判邵圭潔作三逸士傳玉汝居其一焉

氏族考

張鳳來字于庭正德十五年進士擢工部主事監稅於杭遷刑部員外郎慮囚福建事且竣會考內職當路不悅左遷其官當外補鳳來喜功名至是遂以疾請歸居數年而卒好文詞每有述作必久鍛後出其文敷腴無艱僻之習

鄧志

陸堂字子升舉進士任禮部主事晉郎中出知撫州府却苞苴

絕請託屬吏責大指而已至所執一定屹不可移故法令雖寬而吏不能鉤致百姓一錢陞江西副使嘗以便宜發粟賑飢全活甚眾再遷河南右叅政

沈應元志

鄧鏐字時美泰順典史嘉靖五年賊周六等流劫鏐帥師擒六獻俘闕下會有計阻之者特奉璽書晉秩加俸時泰順無城

鏐 議創築發倉賑饑遠近稱其忠勇祀泰順名宦

泰順縣志

錢應隆字光國官浙江按察司經歷遷判永州假守零陵署郡篆裁革耗弊累萬金移判承天陞雲南鹽井提舉舊井當澗河下流受墅鹵滲漉燥結以資熬煉鹺使用奸民策鑿新井上流高舊井四丈上流鹵脈斷下井漸枯應隆乃復舊甘滷

常昭合志

卷之九

人物

五十六

漢湧竈民懽呼擢楚雄同知錫場面勢痺濕火鑪礦烟觸喉立斃礦夫入洞爲廂木崩塌死者月數十人應隆乃卜東山地安壚高廠礦煙四達人得無恙立表架木束火縻繩進止如令礦人謳歌場利翔湧祀楚雄名宦

張仲孝字百原舉人任泰順縣值鑛差滋擾能令中璫斂戢居民安堵陞杭州通判攝令均徭役捕海寇政績卓著以泉州丞歸弟大受字君可舉人任息縣後遷弋陽修學築城百廢具舉

沈寅字伯恭少孤力學善大書邑人目爲奇童舉進士知進賢縣案無留牘治三載以課最陞工部主事

鄧志

倪潤字伯雨登進士知南城縣考最爲工部主事督蕪湖稅以疾歸稅餘二千金留蕪湖庫尋卒者有雲門集露葵稿

南城縣志

吳恩字仁卿初除松滋令捕治大盜毛爵爵獻金銀器二篋恩

怒擲之復賂郡守守遂釋盜而擠恩改嚴州教授遷廣東高

梁別駕陞睢州守囹圄火起無一逸囚其感孚如此

錢志

金汝礪字若金舉於鄉選永寧知縣以安集拊循爲事調陵縣

改衢州教授修輯郡志校趙清獻公集擢汝寧通判立保甲

輸錢等法民便之遷衡府審理歸事父以孝聞

錢志

鄧霆世廟時以明律授官遷判瀘州時捕治白蓮妖黨告訐連

坐囹圄皆滿霆廉多無辜被陷爭白郡守一日縱舍三百人

常昭合志

卷之九

人物

五十七

部使者來案霆以直對使者然之全蜀皆獲原宥

陳志

查光述字子孝爲諸生有盛名舉進士授寧波理刑屬倭亂奉

檄練鄉兵飭城守倭不敢犯擢監察御史列孝忠孝祠

錢志

陸枝字培吾舉鄉薦知桐鄉縣廉平爲浙省最陞彞陵知州稅

闖將抵荆爪牙吏恣爲奸利枝率州民追而沉之闖不敢問

彞陵勒碑記之遷平樂府同知致仕歸以孝友爲人矜式者

二十年年八十三卒

錢志

張世昌字盛允以鄉舉選南康推官值水災力懇巡按疏請借

修理龍虎山銀三萬以濟飢全活甚眾委覈河南鹺政設關

引法引到卽兌革去樣鹽手持囊挈者免稅私販息而官引

稱便轉知遼州卒著有舉一廢百篇二南拙政經世要旨西

江賑荒策等書

錢志

薛志學字希之博學善書由歲貢投高郵學正陞知天河縣時

四堡久沒於那彘馳片紙諭之侵疆來復年九十四卒

錢志

張履端字雲翎以舉人授鄱陽令初謁淮王卽白宗人害民狀

以是親藩斂威流寇猖獗履端糾鄉勇斬數百人復以計縛

賊首何應鰲等調守兵趨鱖魚寨賊盡解散時楚藩失利援

兵四集取道於饒履端厚犒之而嚴爲之備民以安

昭志

許孟卿字進侯少負文譽登進士授建寧府推官循謹有廉聲

卒於任貧不能辦棺同寮賻之始得歸葬祀建寧名官著有

常昭合志

卷之九

人物

五十八

艷雪集

舊志

國朝

朱元給字護仙曾祖士達官雲南昆陽州同父洪基邑諸生慷

慨樂施人稱其德元裕寄籍嘉定登進士授知蒲縣豁除前

令虛報田賦諸生以貧困鬻子女於富室者爲贖之山石可

成鐵募工鍊鑄民賴其利康熙辛酉分校張泰交鄭崑璽柯

榮庚 其所得士行取入京觀政刑部告歸卒子文龍字方

賡以舉人授內閣中書同知南陽府卒於官瑋字鳴之元裕

從父國學生順治時軍興貸餉瑋請獨輸五千金勿擾鄉里

子鴻勳字却塵讀書負氣時議加派折漕鴻勳以諸生奔懇

臺垣得損去浮價鴻勳子雲集字方來與弟雲昭勤學纘言
年皆不永雲集子王鉉字佑咸太學生博聞有識陳祖范修
昭文志嘗與編纂所著濬白茆議黃香墓辨識者咸推服焉
昭志文潮字信濤瑋五世孫儻豪俊以副貢教習八旗游京
師十餘年士大夫無不願與之交嘗主於解州署有年勤習
吏事及任富川知縣決獄精審爰書援筆立成人皆驚爲老
吏未幾以勞瘁卒官夢麟字玉書文潮從弟性敦厚爲學務
求實際年十六甫出試遂遊庠不赴舉者十年乾隆壬子一
試中式家甚貧不爲苟得艱於資斧未應會試不逾年以疾
卒年二十七士類惜之

常昭合志

卷之九

人物

五十九

馬廷桂字丹谷祖元俊以毛詩名家父兆聖號無競事親孝菽
水養志能得其歡其弟兆禎亡撫其子教養之終身如一日
兼通醫術破產施藥凡親族貧不能婚葬者仗助惟恐後十
舉鄉飲賓生二子夢桂字秋卿廷桂兄也登崇禎末進士任
鄞縣以廉能稱巡方御史夜呼城門欲入夢桂炳燭堂上曰
巡行與當遣馭如微行也須質明鑰啟御史遂去乙酉掛冠
歸庫吏進羨金斥去不顧廷桂舉順治四年鄉試歷任績溪
上海教諭所至學政一新諸生畏服久之陞翰林待詔遂歸
爲人爽朗有幹畧居鄉平心率物遇事是非無所回撓子尹
字莘叟登進士知昭平縣綜練時務善通變不拘一節交遊

緩急可倚賴爲遠縣不得展其才以卒

徐文蔚字宣采順治四年副貢授汝寧推官治獄明允案無留牘修學課士汝人稱之著有天中觀化集陶志

吳元穎字宗美以選貢知青城縣體卹民隱一以寬仁爲治民咸德之

金逢瑞字天符鄉飲賓增之子以歲貢授碭山訓導嘗抗言於碭令及上官直汪明珍之寃獄釋陳舜之盜誣却汪中岭之

酬金人稱樂飢先生祠於學宮

碭山志
參錢志

陳鶴徵字青田以貢授上虞知鼎初入境會大旱卽徒步四十里禱雨龍潭雨立澍境有虎患是日自斃吏民咸神異之除

常昭合志

卷之九

人物

六十

劇盜厲昶二及巨憝牛二四境得安歲餘罷任鶴徵不以罷黜爲愠顧以地方疾苦驛卒舖兵營債鹽引除害興利未竟厥緒爲愧作古言十四條以告來者昭志

郭學淮字簪源少受業於蔣御史伊有志聖賢之學立日省編以自勵伊卽令授經子弟焉年逾耆始以舉人授新津令以儒術從政而事大治趨事勤折獄明分校稱得士引年歸卒學淮家本貧父沒遺產悉推與兄而獨奉養其母兄斥產盡老而無倚復迎瞻之又婚嫁其子女置田宅以庇其生篤信朱子之說撰四書鎖鑰多所發明學者宗焉子兆蓀敏慧好學以廩貢官荆溪訓導有才識爲上官委任勘災給賑盡心

周察謝病歸卒

陶志稿

瞿孝春字青雷忠宣曾孫登進士爲縣令以廉靜得民初知餘干服闋補盜鄉縣貢黃絲絹歲糜千金請於上官奏免之監司泣任例求夾山馬卽屈產也無馬則納價孝春不子亦不納價事遂絕政事之暇未嘗釋卷日與諸生孜孜講論兩地文風興起攝介休厚給驛馬芻豆價紓驛卒之苦當代還兩邑民交爭之卒於任子士鑑字德操以老孝廉貧困以歿

昭志

瞿亮邦字敬六孝春族姪父人龍字公簡有深識明季瓜步戒嚴禁行舟無出京口眾或賄守者偷渡人龍勸欲渡者曰不可未幾江風暴發渡者舟盡覆諸從其言者咸慶瞿君生我

常昭合志

卷之九

人物

六十一

亮邦以例授山西萬泉令慈惠而誠慤樂與諸生講論六師西討軍行所需皆捐俸預備陞中書舍人假歸卒

昭文志

子朝

瑛字若虹考授州同嘗遊粵東遇顧李燦文欲以女妻其子朝瑛弗應閱二年李病急促議姻或止之朝瑛曰見人危疾而背之不仁竟諾之攜子就婚焉瑛子鈺字二如恩貢生小有文譽老彌好學著有周易通釋西征草黃山紀游粵東草閩遊草性孝友卯翼諸弟咸獲成立年八十二而卒鈺子濟字右曾能詩以諸生例任臺灣巡檢

家述

陸輅字載商明巡撫問禮從子父尊禮字季恭拘謹好古友愛昆弟薦授翰林待詔輅以例授陽曲縣丞擢知恩縣陞東昌

通判移撫州重建玉茗堂於故址落成集僚友及知名士張樂讌飲一時傳爲美談新城王士正嘗歌其事家居賑饑贍貧育嬰樁死小者獨爲大者倡舉九與賓筵年九十三而卒著有詩集若干卷子宸鎔字冶城旣登鄉薦不樂仕進家僮百數十人盡放遣且焚其券子國瑛字書宣乾隆戊午舉人恪守祖父家法讀書不與戶外嘗赴崑山遇暴風覆其舟適佃僕某救之得免國瑛卽以某所佃田償之子金鱗字丙嘉少孤力學性醇厚弗妄言笑舉人一上公車不第歸而教授里中斥賣其田以建家祠叔以遊蕩斥產與金鱗爭田金鱗讓弗較叔旣得田旋復蕩盡且死金鱗葬其叔迎其叔母奉

常昭合志

卷之九

人物

六十二

養焉年四十而卒陸氏自輅至金鱗以學行清修重於鄉里而卒不振人咸嘆息陶志孫績字允武中丞問禮孫父廷保以廕需次郡職值明季不仕孫績性疏坦不飾邊幅其師高某歿無子爲之營葬歲時輒瀆酒墓上旣舉於鄉未仕卒仲

子誠字省存久遊京師有儒才名籍甚早卒

陶志

魏士升字允恭明提學浣初曾孫由副貢教習除秦安令當事重其能文率命子弟師事之已而軍興轉餉自甘州至巴里坤五千餘里經涉大漠土馬陷砂磧中輒沒不得出土升獨最先至鞞袴握刀謁靖送將軍將軍嘉勞之凡輸運者三勤勞甚著當題敘會他帥至不果尋以俸滿行取至京卒子啟

萬諸生清貧恪謹年八十卒孫兆昌舉人

陶陳各志

陸士炳字胥仲父廷祉字萬舟少爲諸生強毅特立家世貴盛
恥因人熟士炳登進士令通江入爲文選主事稽勳驗封員
外郎風裁峻整繩舞文吏不少假意所不可往往與堂上官
力爭必伸已見乃已居家門無雜賓人稱其介

昭志

張瀾字斗南陝西蒲城令少年筮仕吏民望而易之不逞之徒
什伯爲伍橫行市上瀾廉其魁置諸法餘皆帖服

聖祖西巡上官檄治馳道瀾以地非孔道不宜先事騷動怵之
以威卒不應曰若有罪令請當之大吏嘗讌其屬卒然謂瀾
曰聞江鄉多產木棉未之見也出一素筆授瀾令寫其狀瀾

常昭合志

卷之九

人物

六十三

泚筆爲木棉二本令更題之瀾立成四句曰盡道木棉好還
愁地不肥關中百萬戶卒歲半無衣大吏嗟諷良久欲薦之
而瀾遽得病卒

曾陶陳志

龔克庸字叔度父大潛字雪航善填詞著蕉雪樓詩餘十三卷
得宋末諸名家遺意克庸好讀書丹黃讐校精整可觀家酷
貧晨炊常不屬得錢卽爲具留客共醉不爲明日儲也工駢
體文尤善爲詩貧益甚挈家之長安蔣文肅廷錫厚遇之由
教習任竹溪令嘗修廢堰爲民利邑人名之曰渤海堰卒於
官柩不能歸遺文散佚

陶志

邵大椿字履久少好學受業長洲何焯遊京師名噪六館登進

士選南陽知縣抵任數月卽謝病去性落拓不問家人生產以遊宦罄其貲坐客恆滿賙戚友之急甚於己無子邵氏自新安來徙科第自大椿始從子榮字持國受業大椿以舉人援例發雲南試用知縣署同知事雲南向有六河灌溉七邑民田年久淤塞榮建議挑濬前此荒區還爲沃壤補保山縣以造士愛民爲意上官重其才令兼署騰越州騰越爲漢津要衝關稅綦重榮綜理精覈奸吏惕息題陞威遠同知未任卒榮居官洗手奉公沒無餘貲同人襄助始克歸葬

陳珏成志墓

馬燦字次周詩人邵陵外孫少貧困不得志附舟遊京師抵揚州囊已如洗舟中顯者見燦在舟尾諭僕譙讓舟子燦更跼

常昭合志

卷之九

人物

六十四

踏適顯者接友人書倩人代答未卽至持書來促促之燦問僕云何顯者問附舟者知筆札耶燦答以能乃召入舫中示以原書燦操筆立就顯者大喜細審旅况語以無憂遂偕行途中相得歡甚至京又厚贈焉寄籍順天舉京兆試授內閣中書軍機處行走密勿清要謹慎緻密擢御史歷遷至府丞畿輔重坤勤於職守吏畏民懷攝京尹事以同官累降補中書陞侍讀時內閣侍讀學士無漢缺軍機大臣奏請添設一員爲燦陞階而燦以疾卒子重字伯厚年十七以宛平籍中式任清溪知縣重子鈺陝西籍解元

陶傳

謝晉字曰三祖爾綱父錫蕃歲饑爲粥食餓者時進五歲進曰

糜薄恐不飽又不得懷去不若易以餅祖父大奇之年十七
補弟子員及舉於鄉年五十二矣爲人和易篤於倫理侍母
病衣不解帶者經年與兄庠生毅弟舉人發友于式好終其
身後以明通除碭山教諭碭之諸生往往爲吏胥陵轢晉申
狀學政飭郡守按諸姦猾士氣爲振嘗受郡檄捕蝗晉默禱
於神次日蝗盡墮地死士民咸愛仰之歸里後矍鑠如壯盛
時請業者手披口講無厭怠年九十歲無疾令終邵齊燾墓志子
祖庚字韞輝幼承父教著有文譽魁京兆試選授雲和縣調
繁奉化植善鋤奸境內大治乾隆庚午壬申分校浙闈得士
稱盛旣撤棘迎父晉至錢塘祖庚率其門生謁見捧觴上壽

常昭合志

卷之九

人物

六十五

侍遊六橋扶攜登陟傳爲佳話孫雅唐廩貢

家畧

謝元陽字憲南以拔貢舉順天鄉試登進士觀政河南會有通
志之役當事屬以編纂元陽發凡起例正訛補缺人物志則
詳薛文清所以尙理學也名宦志則進盧忠烈而黜楊嗣昌
所以辨邪正也補載魚希直陳益吾所以表廉吏獎勞臣也
復奉檄移粟賑飢舳艫銜接無少虧耗嘗貽友人書曰修書
數萬言不曾駁壞一字一句運米數千石未嘗虧損一粒一
毫元陽無書不讀爲文穿穴經史光芒爛然見者愕眙嘗搜
輯邑人工於文而不遇者編虞山人文前後兩集各系小傳

寒窗宿齒賴以不泯

行畧參陶敦和傳稿

丁斌字維翰父湜典同志創建育嬰堂廣仁局力行不倦斌從吳士玉遊爲入室弟子公車人都同里蔣文肅延之爲師登進士謁選授知休寧縣時州縣爭尙操切斌以古法化導以事件上官罷歸僦居五渠家徒壁立卒年七十六幼子晉高邑諸生工詩貧困死

陶傳

王琛字匪石峻從父以監生

武英殿修書授內江令攝灌縣西陲用師洪雅與雅州相隣中隔崇山轉運者必紆水道數日始達舟行激湍覆沒者衆琛奉檄通餉按驗地圖鑿山開道旬日而功成自洪雅達雅州道止百餘里民甚便之署榮昌脫良民被誣爲盜者十四人

常昭合志

卷之九

人物

六十六

遷廣西全州有農婦陳氏孀居田主迫淫之不從自經死前官不爲理琛察其事出屍於冢按驗得實抵田主而旌婦州人大悅以老乞休卒年八十二著有愛景堂集四卷

彭啟豐墓志

子陸禔字介祉詩名噪於時遊長沙病卒袁枚序其集深爲惋惜

許炳字雍之通判借補慈谿令循聲惠政士民感德卒於任有

四松堂詩集

陶志

錢大鼎字用頤原籍吳縣順治戊戌進士編修中諧孫大鼎少遊庠屢困棘闈年四十五以歲貢任沙河知縣值歲祲以便宜發粟賑饑民全活無算厯官刑部陝西司郎中有殺人而

投諸河者時暮其主以疑似入阿林及莫爾呼罪大鼎以爲
疑覆訊具得實二人獲免醴泉縣某婦誤以殺夫坐罪大鼎
以未獲屍首持之未幾其夫歸事遂白雍正戊申保舉令下
部郎得各舉一人大鼎自陳同產弟洪文行優長試輒稱
旨以知縣用大鼎益感奮力圖報効出任順慶府復爲刑部員
外晉郎中昭獄雪疑獄平反甚著以老乞歸卒次子廷璽字
學海舉人洪亦籍吳縣孫策由進士任懃南道曾孫榮乾隆
辛丑三元

李纘字王緒由監生授元城縣丞陞永清知縣旗人耕占民田
事久不決纘按畝丈量復民田一萬幾千餘畝擢昌平知州

常昭合志

卷之九

人物

六十七

遷北路同知纘嘗邁疾甚劇民相率禱於神者數千人時纘
不語已數日忽甦曰百姓何洶洶頃夢神言吾疾且瘳已而
果愈旋調河間以老乞歸年七十三卒纘初與胡文伯寅好
及歸里文伯官糧道駐常熟欲一見之纘以足疾辭其歿也

文伯賻五十金始克殮云

胡文伯墓志

孫嗣孝字蔚庭諸生薦舉優行任葭州牧居官清操惠愛著有
循聲解組歸遇公事雖貧猶勉力如蠲賑修書院不惜解囊

鄉里重之

家述

程廷偉字儼山原籍休寧爲翁叔元贅婿因家常熟由貢生歷
任通判陞知廣信府清理積案玉山縣奸民聚眾爲匪廷偉

親督兵役搜捕擒治首惡餘眾散遣事遂定以老乞歸

陶志稿

錢以銓字揆敘父鵬翔字南池歲貢生有學行著有毛詩通解廿一史要義及經疑史畧諸書以銓少承父訓力學工制義登進士授霍邱知縣霍邱地僻多盜俗又好訟以銓至悉擒治如法邑西北濱淮河頻被水災以銓親歷賑卹復修築大壩水患以平其他治水販嚴拐逃提倡文風革除陋例莫不盡職越五年引疾歸卒年七十三著有崇雅堂詩集

陶志稿

方春熙字鱗伯本休甯籍曾祖兆始遷邑之梅里父恆益性好善歲飢施粥施衣以賑貧者春熙生而敏慧始入塾讀書數行下稍長博涉經史乾隆丙子丁丑聯魁釋褐授吏部文選

常昭合志

卷之九

人物

六十八

司主事以父艱歸起復授考功司奉職以清謹稱其居鄉也創建梅里書院延名師主其塾梅里有通海橋易木以石俾堅固可久素行醇茂氣度嫺雅與人交和易無城府中年喪耦終身不再娶卒官

陶志稿

王湘字庭如幼聰穎工詩文由明通任無錫教諭二十餘年就高才辨理塘工賑務以卓異薦補宜城令邑居衝要軍七民三歷任竭蹶不遑湘應以整暇供應滇省凱旋

禁旅尤合機宜歷署羅田蘄州廣濟棗陽所至昭雪疑獄體恤民隱調繁潛江邑濱漢江高家堰決不待報可趣築隄岸開倉貧災民安堵以勞瘁失明告歸年八十卒

家述

譚見龍字文升由舉人授粵東龍門縣後補直隸樂亭所至以忠信慈惠稱洗手奉職歸田無以自存晚連舉三子年垂八十卒遺孤孱弱人咸憫恤

張末後改名嘉慶字季野京江相國玉書從孫就婚常熟邵氏因家焉性敏慎力學工文以舉人教習得句容教諭句容令陸鈞廉吏也卒於官逋官帑纍纍未經理其喪傾囊資助士民感義共輸三千金完官項櫬得歸以薦陞江西興安令懲游惰清盜藪擢良摘奸百廢具舉署鉛山調署上饒所至有治績與太守忤去官未幾卒子虞字秀峰舉人官福建永安知縣工楷書亦善篆刻

陶志稿

常昭合志

卷之九

人物

六十九

張應曾字若谷由增貢例授蒲江知縣性穎悟謹密甫到任捕竊匪七十餘人竊案頓減蒲多山少水應曾相度地勢開濬龍爪等堰十六道塘二口灌田一十八萬二千餘畝又闢地八十二頃歲獲豐稔民食以充設立義學捐田以資膏火士始有登甲榜者虛心聽訟吏無所容其奸嘗有虎患爲文禱城隍神虎一夕渡河去俸滿解任蒲民追送至百里外以疾卒於家著荻洲詩稿若干卷子燮進士選庶吉士

趙貴斯傳署

蔣炳字師垣肄業成均以薦授大田令邑亢旱徒行數十里禱雨立應竟以是得疾疾亟口占以謝其民曰十年國子生八月大田令知我敢言遲促我胡太橫未展平生奇空辜

天子聖回首視爾民蔣炳其如命遂卒子重勳山西州牧

陶敦和傳

署

蘇汝礪字商弼少力學工詩古文精楷法善鼓琴以選貢授遠安縣以儒術道民三年民咸知向學嘗攝荆門州兼枝江篆以勘重獄冒風雨渡江舟覆幾殆疾作竟歿年未四十無子士論惜之先是邑久旱汝礪徒跣走禱赤日中歸途雨如注故其殮也民饋之榘其榘之歸也路祭亘六里著有操縵集其師陳祖范序之

孫鎬字豐謀祖祈福自休宐來徙鎬少穎敏喜讀涑水通鑑甫弱冠遵例授睢州牧適豫省水災中丞以睢州稍殺請賑不

常昭合志

卷之九

人物

七十

許鎬卽發常平穀六千石貸之中丞愕然曰爾不及待耶對以民不能待鎬得罪於公不敢得罪於民中丞躡之卽檄署歸德府丁祖母憂舊例祖在不得爲祖母承重鎬以奔喪請三上乃行遂著爲令服闋補保安牧量移奉天治中尋轉山西潞安府潞故三晉衝會稅入多贏裁去五十餘條商民兩便黎城令某能事上官虐其民民將爲難鎬先摘印而後上其事旋以失庇屬吏去官潞民傾城泣送左遷成都通判歷署宐遠嘉定眉州事值進討巴勒布總理軍需局從將軍出打箭爐口抵第哩琅古軍營聞母訃請奔喪不許奏留軍營哀毀勞瘁卒官年五十四將軍奏復原官鎬性豁達與人交

披肝露膈遇人緩急解囊倒篋無少吝書畫俱工子源潮汾

州通判

家狀

景如柏字東庭孝子流慶元孫例授兵馬司指揮俸滿轉都察院都事改刑部主事遷員外郎慎密有幹畧上官倚之如左右手乾隆四十六年甘肅逆回

特命馳驛前赴大學士公阿桂軍營辦事賊平補西寧道歷署臬篆民命田入常徹夜不寐期無枉縱而後止逆回田五作亂復隨軍營剿賊尋以病乞歸病瘞仍發甘肅補安肅道卒於任如柏貌豐偉外圓通而內整肅臨政寬猛咸宜家本裕以仕宦破產篤於友恭代兄椿繳官項數千金而宦橐固蕭

常昭合志

卷之九

人物

七十一

然也子八長莢增生少有文譽早卒

季學錦狀 蔭案甘肅逆回下當有闕文

吳省三字企曾例授延平府通判攝沙縣事民爲奸豪所殺母利其金不報省三廉得之親至其家謂母曰金易得耳忍使爾子啣冤地下乎遂啟棺檢視傷痕宛然乃抵豪於法以艱

歸起補金華府通判陞同知引歸

陶敦和畧傳

錢維錫字慶長以例授東城副指揮坊市肅然無報竊者陞任開州知州州有何氏謀殺其夫誣扳其子與媳併夫之妾同謀三人並坐極典而姦天凌亮邦從輕擬決屢經審駁迄無讞維錫平心推鞠實係亮邦同謀且又雇工立有文契遂照例加等與何氏同罪而其子媳與妾俱得昭雪旋丁父憂歸

服除補延慶州調保安州所在政績懋著以累罷官歸卒於家年七十有八子霑乾隆庚辰順天副榜先卒

家傳

錢大章字俊聞祖飛鵬年登大耋力行善舉如修尊經閣福城塔拯潮災難民咸命大章襄理舉順天試登進士授樂平令輸漕轉運弊清民悅振興翥山書院乾隆甲午分校多得名宿士歸里後絕跡公庭而於學宮書院平糶勸賑諸大事則又率先恐後引掖後進口講指畫掇科名如操左券待親族有恩紀訓子弟不少假質直樸素後起率能循其教子廷鼎

任蘭谿丞卓薦遷武昌縣知縣

陳桂森墓志

張敦均字仲絜明建寧守文麟裔孫父仁美字遷里附貢生博

常昭合志

卷之九

人物

七十二

學工文尤嗜書購藏萬卷手自讐校至老不倦敦均舉鄉試第四聯捷進士分部刑曹授福建司主事遷員外陞郎中詳慎刑紀勤於其官乾隆庚寅壬辰鄉會試同考官擢山西道御史條陳竊盜凡有再赦以前之案仍併計定罪部覆報可止辟安良深符律意以父病告歸未抵里聞訃比服闋遂懷疴不起年僅四十有二敦均雖席豐清約如寒素工制養弟

敦培進士踵敦均爲御史時稱競爽

蘇去疾墓志參陶志稿

周榮字肄三舉進士除直隸獲鹿知縣地當孔道又值甘肅逆回之役軍書旁午榮肆應裕如民有娶妻七月而生子者出之及榮至已二十四年矣婦守志不衰榮廉得其子足指有

異狀驗與父同民遂感悟帖服迎其妻以歸調任武清地多
水患田沒而糧存柴力請得免民以無累丁內艱歸服闋補
曲江縣卒於途初柴與同學爲詩社柴詩最工著有藝蘭詩

鈔參家述

席巽字仲權工制舉業其師陳祖范柏謙亟稱之例授廣順知
州地瘠民貧民夷雜處推誠撫輯民夷悅服委鄰邑修文清
理苗民爭田積訟三十年未決躬履剖斷遂俱釋然攝貴筑
首邑調繁黔西同官某卒積逋八千餘金孤嫠儼然巽爲措
辦得回籍陞古州同知署順安府篆釋疑獄摘贓吏循聲懋
著以勞瘁卒官年四十有二子汾舉人陽信令歸夢燿
哀辭

常昭合志

卷之九 人物

七十三

景椿字莊年例授福建布經署泉州通判盤獲洋匪擢知州發
滇署臨安府潔已率屬僚友傾誠留心民瘼循聲大著歷官
卅餘年家無擔石承辦銅廠缺額發新疆回籍後經壇復職
恭與千叟宴同產弟安肅道如柏子二長煜諸生

列傳 文苑

山川清淑之氣鍾爲人文言游氏首開運會自是以還代不乏人有明前哲如張止庵吳文恪諸人品卓而文亦粹其他志以遇抑詞以窮工執牛耳而登騷壇者正復不少邑人張應遴集海虞文苑王應奎集海虞詩苑搜羅頗廣夫苑者必名材異卉古幹新葩咸萃其中海虞片壤何遽不與長洲上林同其巨麗乎其間或振藻揚葩馳聲上國或荒江逸士孤詣苦心表厥姓氏亦樹之風聲云爾

明

傳著字則明文詞典則元季鄉試乙榜洪武初預修元史授常

常昭合志

卷之九

人物

七十四

熟教諭知府魏觀行鄉飲酒禮長洲教諭周敏侍其父南老著亦侍其父至皆降而北面立觀禮者以爲盛事厯官潞州知州

張恕字以行學優才博洪武三年被徵御試春山新水詩稱旨擢盧龍知縣厲操清口處事詳明有啜醜稿

鄒立誠字九思洪武初鄉貢授金州判官長於詩賦有金州稿

佳聲集

桑志

族有永年者字士能制行高潔不慕聲利喜讀書

年八十四卒曾孫穎字會原有清才能詩文書學趙文敏得意可亂真兼善篆隸以薦爲四譯館儒士穎孫察字明卿登

進士由部曹累官知府性至孝有復節姑墓事

錢陳志參
氏族考

鄒泉字子靜號嶧山立誠九世孫美風儀有聲庠序晚棄舉子業著書澗谷山中有宗聖譜尙論編經世格要四書折衷翼衷口義會粹詩經約說行世督學詹侍講顏其門曰名儒巡按御史甘士价造廬咨訪古禮稱爲吳與弼之流卒附言子

書院

先哲考

孫彥和世有隱操雅好音律自號枕流樵者洪武辛酉舉賢良方正以疾辭所著樂府名虞山樵唱林逢吉爲之序

錢志

陳璋字天章少以家累戍雲南老歸於鄉永樂中嘗進爲君難

大禹勤儉日謙二疏著古齋集

桑志

季箴字仲怡其先有名壽者字景仁洪武中御史藍勝臨縣羅

常昭合志

卷之九

人物

七十五

織平人鍛鍊成獄株連百餘家壽詣闕陳狀明祖卽遣張定來代勝伏誅壽年至八十三箴有文學精於纂述永樂末以經明行修薦授崑山學訓導遷曹縣教諭嘗預修邑乘物產不載韓墩梨謂收入郡志則歲當貢獻貽患百姓所著有友梅集崑山常熟崇明三志

崑新合志
參陳志

後有鶴者字聲遠治經學有名以講授爲業舉動有儀詩語亦莊麗有松雲稿鶴曾

孫允濟字德威以貢授餘姚訓導遷長沙教諭兩署縣篆俱有政績遷新喻王府教授著松雲續集又有儒者字席珍諸生好談民間疾苦每撰書累數千言白當事巡撫張鳳行縣儒以邑災傷陳鳳倦聽稍引卻儒升堂挽其裾請畢其說歲

歎縣督逋急儒與令辨府官前令詆儒狂生府官曰此志士
奈何詆爲狂酷令黃慶捶殺人亡算獄淹繫常滿則繫於倉
不數日死過半至聯舟載屍以出南臺御史鄒霧聞而欲治
之訪於儒儒以實告鄒曰此之謂國人皆曰可殺者儒有兄
遭外侮傾身赴之平居退然如不勝衣書法趙文敏錢志

邱方字仲野東海侯岳之裔性至孝博學宏文正統初應賢良
方正科授泰和縣丞居官廉慎夷坦歷二考辭歸少師楊士
奇贈詩云南平邱少府清澈玉壺冰可以想其風概矣其文
醕則無纖靡習著松濤集孫雲鶴字世騰以鄉舉知湖口縣
有治才文筆勁健有家矩人稱西園先生管志

常昭合志

卷之九

人物

七十六

張繼字克紹其先金壇人父寶洪武初任咸陽縣罷官徙邑之
湖南繼清修篤學與陳九疇齊名正統中有司舉懷才抱德
以母老不行詩律圓妥有正菴集

計嗣字蒙正屬詞有理致治涑水通鑑人有叩請輒舉之終篇
不遺一字行亦謹介縣俊多學其門著蓬菴集桑志

錢曄字允暉景泰問納馬助邊授浙江都司經歷能書真隸大
字善吟嘗闢南臯別業有山水花竹之勝日與騷人觴詠自
娛其詩有六朝遺恨晚山青之句傳誦詞林昭志

高德字以仁以鄉舉官寶坻教諭遷國子學正轉助教致仕歸
賣文自給其文整贍與邱方季箴相上下子巽字良順精於

治經鄰邑士多從之游以舉人授潼川州同民樂其簡靜卒於官從子鼎字良新在孕失父既長語及必感泣舉鄉薦擢知歸州有撫馭才母氏以節孝聞愛其女鼎迎致於家同居白首

馬儒字良佐父中字叔正肆志於醫日以濟人爲事不責人報儒由舉人官西官教諭擢知臨湘縣歸無餘貲自號元圃鹿奴筆墨富爛以通捷先人宏治間與修邑乘鄧志

陳九疇字公範號悅齋弱冠卽有志性理之學嘗讀周子通書疑其倫次無統因其通文九篇之語以意定爲九篇篇有解又謂聖學莫大於求仁述求仁至言憫東南數被水患而白

常昭合志

卷之九

人物

七十七

茆廢不治述水利事宜一書象緯占候方技之學無所不窺嘗入郡泊岸下命亟移舟曰此有火厄有頃火果作第九韶字公美記覽精博以讀書勤苦得目眚沈石田周賦壯丹詩所謂尊前花好客亦好指公美也韶子修字子身性狷靜通

五經

府縣志參
錢東湖集

繆伯雨工詩有虞山樵倡暨陽黃常爲之序其詠物詩二百餘首爲時所稱桑志

陳繼宗字復本篤志儒業詩長於古選著有筠坡集勗齋稿子表字世望克紹家學有司屢薦不就性豪曠善吟詠有詠史

集琴川新詠

桑志

陳符字原錫父繼善字從道嘗刊張修撰洪中庸講義符少嗜吟詠工選體從吳山吳文度遊吳歿無子符臨其喪盡哀葬之如禮養文度妻以壽終葬亦如之每歲登壟祭掃凡五十年有存誠齋集弟續字原嗣以孝稱續子蒙字允德博學工詩涵音探律務底和平一走筆連數十篇名動一時嘗游杭之西湖詩人皆會限韻以賦蒙詩成坐客皆奪氣有泛雪集

育菴集和唐音行世

桑志參杜瓊紀善錄沈石田集

李莠字永錫工詩著樵讀吟詞句清拔與弟樂字永和並隱居教授時放舟尚湖浩歌浮白兄弟自相酬和莠三子應夔字韶卿以舉人授磁州學正降鄆城訓導應麟字瑞卿與兄應

常昭合志

卷之九

人物

七十八

夔並以詩名應虞字仁卿亦舉於鄉官仁壽知縣應夔曾孫允熙字緝夫少有大志爲諸生治曲臺禮通天官壬遁家言

允熙子象璧字兆圖舉人

錢志

郎缶號懶菴攻苦讀書動以古人自期居石墩足未嘗入城市爲詩有唐人風預爲生志錢仁夫序之曰懶菴懶於趨時獨不懶於賦詩懶於應世獨不懶於後事實錄也

錢志

張煒字橫塘爲諸生博覽羣籍所著歌行詞曲才藻蔚然可觀弟熠字河陽亦工詩子應遴字選卿諸生輯海虞文苑二十四卷受醫學於繆仲醇著炎黃緒餘懸壺衣鉢

錢志

韋澳字思聚嘉靖中以貢除仙遊訓導著雅樂者二十卷自三

代迄今甚備臨終囑其子繼和獻之繼和亦善音律隆慶四年五月奏上命付秘閣今閩中有行本錢志

王授字元予父澄字文潔好行仁義歲祲施糶以斂道殍狄雲漢爲吏廉無立錐地澄買屋居之嘗拾遺還其主年八十卒授少負異才治經考核精詳爲文簡嚴能詩詞聲韻清遠著有遺子集十卷元州集二十卷行世授弟揖字元肅嗜學工詩與王寵善由國子監生累遷沂州同知王世貞諸名流稱爲史隱錢氏參氏族志授子伯稠字世周少有俊才父攜之入京師王世貞知之請與相見曰故是吾輩人爲諸生尋謝去肆力詩歌與王逢年爲中表兄弟遂移家居崑山卒年七十三崑新

常昭合志

卷之九

人物

七十九

合志

夏玉麟字仁甫幼聰敏中嘉靖癸未進士仕至黎平知府能古文邑中碑版多出其手

張書紳字思誠嘉靖癸丑進士八歲時塾師出偶句云鄉黨一篇無子曰卽曰邦畿五節盡詩云蓋絕對也與瞿文懿齊名謁選知上虞縣值倭入寇書紳以修築賈怨爲督府所罷後

仕至金華同知錢志

陸文字汝學性恬退素不耐俗聞叩門聲輒逸竹中以去嘗從沈石田游間作小畫善飲旣醉題險韻立就錢志

金澄字湘川爲諸生負經世志島夷寇吳越胡宗憲辟爲叅謀

以奇計誘降汪直徐海宗憲欲官之澄固辭督學耿定向倡
明道學郡守蔡國熙創立書院俱聘澄爲都講著有魯論測
微守城要畧東吳水利各若干卷管志

宋懋中號翠巖歲貢選授永嘉縣教諭爲人正直方嚴五與寶
筵著有詩緒一卷子奎光字培巖能詩詞古文工書法以舉
人選龍川縣改密海修密海縣志首增入方正學以表忠節
投簪後修天目徑山兩志著貽白堂緒箋等書錢志

陳以忠字含赤治春秋精熟三中副榜晚年日晡猶爲弟子講
解口誦四傳不誤一字年八十餘錢志

夏元玉性謙厚與物無忤館授於外開導懇至諸生悅服淹記

常昭合志

卷之九

人物

八十

載籍其詩婉麗有佳句錢志

沈冕字石邱著有止窩集管志

周師敬字彥冀詩文有典則教授里中多所造就人稱新菴先

生鄧志

徐漢稚字穀梁工詩與松江莫是龍遊是龍集客賦詩漢稚先
得竹下暮烟暝花間寒漏長之句一坐盡傾著有應游草朝

徹齋稿及塞下諸曲昭志

錢文光字純中少與江陰繆文貞昌期同硯席博聞強記所爲
敘記哀誌之作與當世文章家馳騁上下時有朱應鸞字玉

林攻古文詞造請者無虛日有清望兼工書法錢志

吳邦彥字士美熟於性理通鑑諸書著論詳瞻里中稱經師必

推邦彥

錢志

管一德字士恒孤苦力學有聞於時舉鄉試第二中丞顧益卿家居與一德縱談禦倭方畧一德謂今國家之患恐不在倭河道尚書楊後山與談治河一德謂古來治河無百年之計而持文墨議論者往往計成敗於歲月今明公雖有端緒第恐數年間河徙不常而議論者復持其後矣二公俱以爲知言修常熟文獻志著世家考瀝陽集經傳子史叅同四書閱覽詩經閱覽等書

錢志

徐貞卿字昌穀舉進士爲大理評事時逆瑾用事虐刑羅織昌

常昭合志

卷之九

人物

八十一

穀多所平反作猛虎行寄慨幾得禍調國子博士年三十九卒昌穀少爲詩清俊婉麗與文璧唐寅王寵齊名號吳中四才子入仕俊遇李夢陽又變一格所著有譚藝錄迪功集自常熟徙居吳縣蓋邑人也

陳志

孫本仁字惺如當隆萬之際與弟閻如迭主文壇門弟子執經問業多貴顯者晚年築室山中超然塵外題其楹曰大安隱子鏡字非臺亦好讀書爲隱士

陳志

秦四麟號景暘屢試督學第一多畜古書得卽鈔校工音律嘗以中秋夕登金陵長板橋歌大石調念奴嬌詞竟四五夕莫

敢有發聲者

陳志

孫忠字虞陽進士文龍之父由太倉州學貢少貧困與父同作苦儒賈雜奏而文學益嫺凡子史百家及天文地理內外典籍靡不博綜嘗言唐中丞所著左編駁雜不精因著二十一史纂又著歷朝捷錄諸子百家輯要

陳志

陳瑚字言夏先世本張氏自代州遷常熟瑚中崇禎壬午鄉試後與其門弟子唱道於荒郊寂寞之濱粹然爲居敬窮理之學所著聖學入門書四書講義求道錄切己錄同善會語講學紀事及詩歌古文若干卷開江書一卷

陳志

陳大亮字熙伯年十六選貢南畿第一才名籍甚與顧起元朱之蕃田垆

陳志

常昭合志

卷之九

人物

八十二

陸銑字孟鳧少有文譽以歲貢授無錫教諭除廣西潯州推官陞養利知州致仕晚年讀書樂道鄉里推爲長者兼精醫術

陳志

倪鉅字偉長稟性寡諧勤苦好學著有滇南紀亂錄補韻府羣

玉廣蒙求經鋤堂結繩蟲等書

陳志

張星六字晚菴師事楊子常顧麟士陳確菴通毛詩經疏與門弟子講道昆湖之南著六經闡微羣提集

陳志

周景星字岐雲少游太學有聲晚闢萬竹草堂清遠樓吟詠其中

陳志

何述稷字功藝邑諸生工詩賦明末倣香山樂府作寓言其文

曲其詞危已而其言多中自號晴簑道人性好山居無力買

山作山居詩百篇陳瑚爲之序子畋字道林亦能詩書學褚

河南有薇蘅集

陳志

呂庸字時中資敏博覽以筆墨治生爲應酬之詞瞻麗可觀性

簡率有所造留之不拒飲輒醉士皆愛厚之

陳志

秦蘭徵字元芳生而穎異喜讀書善談論著三上集二卷又天

啟宮詞一百首王士禎香祖筆記誤爲陳棕所作

舊志

湯日新字伯銘諸生爲人有志節屏居野外其詩與谷音爲近

詩苑

姚宗儀字鳳來博學多才輯邑志二十卷族以姓類敘搜採無

常昭合志

卷之九

人物

八十三

遺時有俞憲者字民度趣尙高雅以詩翰見推於時

縣志

郭際南字春卿喜讀書善填小詞著唐詩人姓氏里族官封考

藏漢書半部字體與今異每詫人曰此卽西晉過江時葫蘆

中本也卒以殉葬

錢陳二志合纂

陳三恪字象賢高祖紀字叔理父公浩有疾顛天求代紀二子

翥字鳳翔遊張修撰洪之門以貢官吉安訓導翰字鳳文嘗

爲父嘗惡驗疾翰生用錫用錫生士介字于石奉母至孝手

定宗譜尤留心經學三恪爲士介子早夜力學火燃巾角呬

唔弗輟旁通堪輿卜筮壬遁風角家言嘗游京師過孟津有

異風三恪筮之曰國有大火又當有大喪未幾乾清坤寧兩

宮災仁聖太后賓天天啟中私告所知曰歲丁卯聖人龍飛
水火薄射其猶剝復之交乎皆如其言網羅舊聞捃摭成書
名曰海虞別乘好歌唐詩以行酒鼻甑牙豁聲從齒縫中出
鳴鳴然如發蚓竅座客目笑殊自得也子德涵亦以博雅稱
錢安修字方明爲諸生七試皆第一好讀異書窮日夜靡倦游
於張溥之門稱高第弟子所爲詩古文詞堅古峭直一時名
士如呂雲孚華渚輩皆與之遊年二十九卒府志參依歸集
毛晉字子晉初名鳳苞邑諸生父清以孝弟力田起家楊漣爲
令時擇縣中有幹識者十人每有大役倚以集事清其首也
晉奮起爲儒好古博覽搆汲古閣藏書數萬卷刻十三經十

常昭合志

卷之九

人物

八十四

七史古今百家手自校讐行於世爲人孝友恭謹與人交有
終始又好施與推官雷某贈之詩曰行野漁樵皆謝賑入門
僮僕盡鈔書所著有和古今人詩野外詩題跋虞鄉雜記隱
湖小志海虞古今文苑毛詩名物考宋詞選明詩紀事詞苑
英華僧宏秀集隱秀集國秀集閨秀集共數百卷季子宸字
斧季精於小學最知名府縣志孫綏萬字嘉平工詩著有破崖

詩稿苑詩苑

盧儒字爲已博學能文善筆札文學韓柳書法歐顏自負甚高
以薦授中書舍人嘗被命作雪賦諸臣未就儒立成以進詞

林嘆服

通志

褚道潛字休菴副使圻之後通古今幹畧嘗謁史忠靖可法於
軍前甚見賓禮尋歸隱詩句如三年讀史胸多壘十載弋弓
臂不仁綱常自許人千古意氣聊歸酒一樽抑塞磊落塞是

奇士

昭文志

顧大韶海虞文苑序云大抵國初之業則宗海文恪導其源
成宏之盛則民懌夢羽揚其波隆萬之際則汝師元立振其
響至若忠義則黃叔揚蔣子修節俠則錢更生王元勳方正
則瞿學古清介則魚希直吳敬夫經濟則徐公肅陳原習陳
莊靖長厚則李文安嚴文靖韻致則錢士宏風雅則孫齊之
質直則陳良會滑稽則孫子虛強識則桑廷瓚鄧文度經學

常昭合志

卷之九

人物

八十五

則瞿文懿邵北虞雖業分三立品各殊途莫不託足詞壇流
芬藝苑等語能文家閱之亦足以自廣而不自局於雕蟲擊
悅間矣

國朝

楊燹字子常唐市人父準字耕莘侷儻有才幹明萬厯末士之
爲時文者喜倡新說畔違傳註燹與太倉顧夢麟思振其弊
相與講論辨難力明先儒之說天下翕然從風稱楊顧學弟
子著錄者數百人吳中名士興復社彝爲眉目屢試不遇以
歲貢爲松江訓導薦授都昌知縣移疾歸杜門不出性孝友
母歿嘔血數升斷酒肉終喪撫孤姪有恩少所師事死獨力

埋之且爲婚嫁其子終身力學晚歲目盲猶令人讀書其側
爲諸生講說無少倦年七十九卒子靜字定夫自少能詩文
爲諸生年二十二病卒爨哭之慟

府志

孫永祚字子長幼卽貫串經史爲諸生有名工古文詞門弟子
日進一時物望如董其昌鍾惺皆爲忘年交世稱虞山有兩
子長常長同音謂楊爨永祚也崇禎乙亥以選貢授推官不
赴隱居教授從學者傾郡縣每語弟子曰文章事業不從五
倫中出者總爲無本之學父母歿數年常思哭如孺子身長
八尺鬚眉如畫雖居處幽室氣體肅然品行端潔人望之如
陳實王烈也年八十餘卒門人私諡文節著有夜氣箴雪屋

常昭合志

卷之九

人物

八十六

詩文集

府縣志
合參

馮舒字已蒼復京子幼承父教家多藏書含咀經史穿穴百家
自爲馮氏一家之學爲人直腸快口不避權勢小人嫉之如
仇搆讐於邑令指所著懷舊集爲訛謗曲殺之著詩紀匡繆
一卷採入

欽定四庫全書謹按簡明目錄云糾馮惟訥詩紀之謬凡一百
二十條詩紀採摭浩繁不能無所牴牾一一校正於馮氏頗
爲有功弟班字定遠少爲諸生連蹇不遇遂棄去發憤讀書
專攻詩學自三百篇以下一一考其根柢明其變化爲人拓
落自喜意所不可掉臂去胸有所得曼聲長吟經行市中履

陷於淖衣裂其幅望望去之如無見一人者當其被酒無聊
抑鬱憤懣輒就座中慟哭人亦不知其何以行第二時稱爲
二癡云所著鈍吟雜錄採入四庫全書又有馮氏小集鈍吟
詩文稿班子行賢字補之弱冠能詩嘗舉博學鴻詞工書法
四體皆善尤精篆隸印章匹文三橋行貞字服之亦喜讀書
工填詞性倜儻不羈善射能以後矢落前矢投石百步外無
不中從休寧程打虎受槍法馳突如神康熙乙卯從康親王
南征有功當得官棄歸仍事筆硯間畫松石班弟知十子武
字寶伯亦工詩善書著書法正傳採入四庫全書又遙擲稿
十卷舒孫修字念修從陳瑚遊安貧自守亦攻詩著東村仙

常昭合志

卷之九

人物

八十七

源諸集

府志

陸貼典字敕先博學工詩其論詩謂法與情不可缺一言法者
如唐詩品彙吟卷文鑑之選非詩法也言情者曰詩主於趣
不必問學趣主於新不必合理此詩歸所謂情非詩情也原
本風騷別裁僞體著元要齋漸於諸集工書法漢隸尤勝其
至友張文鑣字以純亦善詩子道淙合鐫陸稿行世

府縣志

女貞節取說原律禮等篇

陳式字金如崇禎癸酉副榜行已謹敕文亦溫麗周緻子溯潢
進士

薛熙字孝穆游陳瑚孫永祚汪琬之門肆力古文詞著依歸集
謂遵守歸震川法程也湯文正斌撫吳時延之幕下與修江
南通志晚歲移家郡城得元高士陳惟寅淶水園居之四方
名士過吳者必造焉選刻明文在一百卷論者謂可繼姚鉉
呂祖謙蘇天爵繼娶王氏名蓀亦能詩有唱酬集

黃儀字子鴻運使門之曾孫熟精輿地之學凡郡邑建置沿革
與山川之險易脈絡畫圖著說縷析條分能補桑臚所未逮
徐尚書乾學修一統志聘入書局資其考訂多用其說詩學
晚唐著有紉蘭集二卷

府縣志
合纂

徐蘭字芬若號芝仙自少負才名善吟詠從新城王士禎遊得

常昭合志

卷之九

人物

八十八

其指授所學乃益超詣士禎序其詩稱其精悍雄拔高者似
供奉嘉州其次亦在樊川昌谷之間而浙水沈方州屈指虞
山詩人亦以蘭爲第一年甫弱冠卽出遊京師淹滯既久遂
占籍焉歷數十年僅一歸里故邑中罕有能舉其姓氏者

因蘭

祖瑩迷其處訪之墳戶留飲得墓
田册始悉作詩紀事載在雜記

雍正三年年已六十餘矣

以訟事牽連編管天津衛不許在外行走又越數年而卒蘭
嘗從安郡王出塞所見祈連山中花數十種皆艷絕不知名
一一圖之以歸京師好事者爭爲臨摹以識詭異蓋蘭素工
繪事在

本朝直可繼惲南田白描人物尤爲絕倫又不獨以詩擅長矣

錢良擇字玉友性倜儻與人交必出肺腑意所不可雖盡言招
過弗顧也遊歷幾遍天下所至以詩酒意氣與諸名士結納
為詩豪放感激仰攀昌黎平揖昭諫有撫雲集十卷出塞紀
畧選唐詩審體行世府縣志合參弟中樞字秋水邑諸生與兄良
擇並以詩名有虞山二錢之目無子女適海寧查氏遂依女
以居少精於禪著有楞嚴經注八卷海寧志
陳汝楫字季方世居常熟

國初遷吳縣

按汝楫傳已列吳縣今據海虞

係前明推官璨之後府志並陳譜歸入常熟

為諸生從何焯游研窮經史工詩古文後為國子監生李光

常昭合志

卷之九

人物

八十九

地撫直隸時汝楫隨焯往謁一見器之遂為入室弟子屢試
不遇康熙壬辰九卿應

詔以汝楫學行薦後又以光地薦分修周易折衷書成以母老

乞歸卒年六十二所著有周易禹貢四書史漢三國志諸劄

記及文集詩集若干卷

府志陰案原書注汝楫下有為常熟子游巷六字當有誤

邵陵字青門為詩風秀獨出多發天然自題集後云性情原自

無今古格律何須問漢唐其雅意在眉山劍南間也有詩集

十卷

府縣志合參

陳玉齊字在之詩品書法並經馮鈍吟指授鈍吟深器之詩學

晚唐工穩細膩亦類鈍吟著情味集何焯為付劄劄

府縣志合纂參

海虞詩苑

又周臺字雲書以詩名陳如鎔字子兼龔庠字鄞僧皆

攻詩窮餓而死府志

龔易字士居立本次子為諸生有聞瀟灑放誕易代後侍檠菴

志和尚於華山旅寄於香山之嶺村詩學晚唐後放而入於

香山務觀如云交遊偶入禽魚社種植聊沾雨露恩菜子黃

銷栖蝶圃蘆根青斷釣魚磯其寄託如此錢志弟齊行字列御

初名庸詩為馮班所稱子誠字白谷工詩性耿介克守家學

貧乏不能自存有餽以金者斥之窮餓以終有白谷山人詩

一卷陶志稿

鄧林梓字肯堂穀曾孫年三十作空谷詩見賞於程嘉燧人以

常昭合志

卷之九 人物

九十

鄧空谷呼之高才淹雅以博學宏詞被薦入都卒有集若干

卷府縣志合纂

沈卓字秋士邑諸生家貧居市廛超然物外有竟體芳蘭之致

詩格近孟東野李長吉有中峰東村諸詩集弟郎為諸生有

聲

陳協字鄴仙工詩詞阨窮潦倒家城西山麓日與馮班輩上下

巖谷清詞麗句下筆不能自休有鶴山曠谷諸集府志

錢嘏字梅仙陳瑚高第弟子學有原本不務詞章客游四方必

奉父母木主以往所至焚香上食事之如生有問業者必語

以分年讀書之法著鄉飲禮辨家禮彙叅三吳水利議昭志

羅美字澹生用遷固志傳體變左傳編年以便初學明究易理
晚歲醫術濟人又以堪輿家言勸人葬親貧乏者且飲助焉
昭志

陳文照字介英昆季多事生產文照獨聚書纘言喜爲激昂慷
慨之詞有劍浦詩集又陳中慶字容土著中州草西秦紀遊

諸集

昭志

瞿元綬字貫卿有寸心集翁然字燈傳有洛中集

昭志

王燾字聖交性聰穎經史淵源講論歷歷如貫珠詩清新雅麗

有江臯集

昭志

李德培字紫飛邑諸生有名山草奚囊集

昭志

常昭合志

卷之九

人物

九十一

邱園字嶼雪東海侯岳之後隱居塢邱山跌蕩不羈縱浪詩酒

善度曲被新聲歲寒松蜀鷓啼諸樂府畫仿石田從子崧詩

畫得其傳

昭志

姚倬字雲章邑諸生幼有宿慧著詩古文孫暘稱爲才子有東

郭留香諸詩集又有姚敬字武功赤貧無家日手一編著懷

逸集一卷

陳祺芳字子壽爲諸生客遊半天下詩文豪宕有逸氣著韜菴

鷗波諸集

府志

陸元浹字秋玉居邑東畢澤詩近長吉東野意趣清迥晚歲無

家流落吳門有長洲學博劉永錫貧困死元浹經紀其喪葬

之虎邱每歲寒食攜濁酒澆奠圖已像於水墨中自號水墨

中人亦名水墨廬詩

別裁集傳
海虞詩苑

戴元美字中黃少與從兄元威齊名元威字翔虞爲文操筆立就倜儻負奇登前明進士官臨淄知縣以廉能稱元美浮湛諸生中有司試輒第一其文膾炙人口修行義篤然諾里中有稅徭利病抗顏稱說郡縣有司前往往往引戴生云何以爲證據劉淙字稼梅元威孫爲諸生以例註誤後入國學舉京兆試少負才名振華落藻家有白醉樓圖書鼎彝充牣錯列四方名士過者輒盤桓不忍去詩以晚唐爲宗見賞於吳祭酒偉業嘗北遊燕趙南涉楚粵卒以客死著過雲集二卷白

常昭合志

卷之九

人物

九十二

醉樓集若干卷

錢曾
二志

師敦字魯直淙從子少有至性九歲大

母病割臂肉以進丁父憂七日水漿不入口終喪不御酒肉領鄉薦後家貧甚廉取與惟以文酒自娛好事者或招之造飲輒醉工八分書瘦勁得漢人法所著詩古文若干卷後有戴炅字占熊有文行著用愚草

陳新芝字徵靈少以才見知於楊子常由歲貢訓導安慶海寇臨江新芝鼓徵多士訓以大義士無從亂者事平論敘不受陞豐縣教諭

陳帆字南浦篤學好修詩宗晚唐畫宗梅道人字宗柳誠懸三

藝中書法第一

錢志

鄒元斗字少微天性孝友家貧篤學工詩畫康熙四十四年南巡召試授中書科中書隨圍喀喇河屯繪避暑山莊三十六景并詩恭進五十二年恭與

萬壽千叟宴雍正五年告歸卒年七十二子二家龍字乘六由修書議敘授福建大田知縣陞霸州知州任大田有德政程鳳字象六由順天籍副貢修書議敘授兗州府通判繼任沂州府子京生通許典史

凌竹字南樓性敏多技能少游顧修遠陳確菴之門陸貽典云晉字唐詩宋詞竹兼有其長又工篆刻嘗錄邑中近時人詩繫以小傳十二卷著南樓集十卷

舊志

常昭合志

卷之九

人物

九十三

黃庭字一經少從馮定遠父子遊詩律精細與尹耕野陳在之倡和無間書摹趙松雪篆章亦得元人妙處

昭志

顧文淵字雪坡吟詩工書畫尤以墨竹名其人清遠離俗著有

海粟集

昭志

錢龍惕字夕公諸生刻意爲詩原本溫李著有大充集五卷又箋李義山詩二卷弟龍躍字子飛從子興國字孝標亦皆工

詩有專集

詩苑

唐瑀字仙佩與汪琬爲友嘗和柳枝詞深爲獎許著有邱隅破甑竹西諸集

詩苑

張璘字岫民詩宗少陵多奇逸句欽聚三一見遂以小工部呼

之金俊民曾序其稿

苑詩

劉本沛字雨若諸生爲人寡兀有大志著自怡集二卷擬古樂

府一卷文集一卷

苑詩

蔣拱辰字星來詩宗樂天有吹劍集數卷年八十餘與康熙五

十二年千叟宴進柏梁體古詩一章

苑詩

周楨字以密從陳玉齊遊爲詩婉約秀潤體近晚唐

苑詩

仲是式著令儀賢裔歲貢早慧力學年十三補諸生食餼有年

獨不隨眾保結文宗隆萬法金沙王汝驤亟稱之秉性友愛

持身治家一準朱子家禮教子弟用小學規摻履端謹矜式

後進晚年手不釋卷逾七旬歿

支溪志

常昭合志

卷之九

人物

九十四

仲是保字友夔隱居讀書爲村塾童子師工詩神似温李有中

吳廣陵懷古詩各八首宮贊趙執信游虞見之特加歎異挈

歸訓諸孫爲刻其詩集遂終老焉後宮贊孫頤來攝邑篆訪

其族恤之重錁其集

昭縣趙頤序

顧瑤光字辛峯諸生專精詩賦有遙情勝致

昭志

沈遵約字文中隱居湖山怡情吟詠有可菴稿

昭志

吳鷺字鳳族邑諸生著讀易管見六卷博引羣書證明易理錢

陸燦序子宏緒諸生有詩名著竹嶼集五卷蔣文肅廷錫序

昭文志

宗來復字九初邑諸生思敏而秀於筆有春秋諸傳彙鈔

昭文志

顧天甲字輯侯邑諸生善飲酒酣掀髯抵掌間出新義不主故
常著學庸講義殊開悟人及門如嚴虞惇言德堅皆高足云

昭志

張一桂字文貽父溯夔字球一幼失母有至性每讀書至夜分
輒哭早歿一桂生不識父與人言輒稱母訓慎取與謹交遊
殫精嗜古試必冠倫佐曾倬修邑志以歲貢終士林借之

一志

陳溥字聖度歲貢生事親有孝行署夜讀書垂兩足甕中避蚊
以刻苦切劘子弟銳意舉場老不得志居中汪應銓諸人皆

出其門

陶志

常昭合志

卷之九

人物

九十五

單雲瑞字甸揚與嚴太僕虞惇趙庶常徵介同評選歷科墨卷

行世康熙己卯登賢書篤志發憤以痰疾卒

曾志

德棻字孔昭

雲瑞從孫家貧力學工詩文一介不取以窮餓無嗣死著春

秋辨旨律呂探微易圖說巖丁居詩二卷

邵齊序

徐淑字天英歲貢生選授贛榆訓導力振學規不責贄幣攝縣

篆有廉明稱奉檄賑饑豐睢兩邑家至戶給吏不得營纖毫

私居鄉里有行義人信服之詩文老蒼不爲纖艷尤邃於易

著易經叅解二十四卷天官書一卷焚餘草二卷

昭志

江聲字飛濤於骨肉有恩臨財能讓其翰墨與顧文淵相似有

匏葉齋稿

昭文志

子藻字挾庭亦能詩有墨露齋詩鈔

邵齊燾詩序

瞿駿字雲墀壯歲游京師屢試不遇僅中副榜雍正中有奉
詔密薦人材者駿以教習知縣需次名已在牘被

旨引見以疾辭同薦四人皆爲令河南駿喟然曰今河南大吏
其居位行事何若乃爲彼折腰耶後又被薦鴻博亦不就試
爲人狷介有守雖貧甚不肯干人居京師五十年未嘗至貴
要之門詩文古淡如其人所居晉陽菴僧每相謂他人求官
瞿居士辭官顧何年出此菴耶後竟死菴中弟驥監生預修
駢字類編扶兄柩歸葬府志

瞿世壽字贊皇其論詩謂未論工拙先辨首尾平生尤盡心於
春秋經傳折衷宋元諸儒之旨著春秋管見昭志孫昌熾諸生

常昭合志

卷之九

人物

九十六

忠宣式耜墓隙地有謀葬者昌熾同族人訟於官墓始獲全
朔建宗祠捐祭田刊行春秋管見友愛昆弟撫姪推產分贍
皆獨刀爲之年八十餘卒

周震生字洊雷歲貢生文辭富贍性儻易果於進取時有以多
篇售者卽爲多篇時有以五經舉者卽以五經後進平時執
弟子禮者多得氣去而震生瀟落自如同曾倬與修縣志長
子馬益登賢書不色喜季子沈志試輒冠曹每賞之曰是差
足繼吾緒者昭志

衛文豹字晉玉爲經義有清新雋逸之目食餼吳縣學名與同
時張景崧吳士玉相伯仲孫士模字德甫苦志力學試輒冠

軍屢薦不售病革時猶手一卷不輟友人挽詩有生已無兒
憐伯道死難及弟痛元英句

殷再巡字二南諸生詩學唐律魄力沉雄趙執信曾爲點定早

卒 別裁
集傳

宋顧樂字玉才居東唐墅生而穎敏五歲入塾受書一再讀卽
能背誦少長習舉子業天才秀挺出語無纖毫俗韻以吳江
籍補諸生第一學使者意其宿儒及進謁則翩翩年少益嘆
賞不置旋食餼蜚聲鬻序而顧樂枕經蒞史務以詩古文明
天下老宿咸斂手讓出頭地有咯血疾猶自立程限日課一
章寒暑靡倦年二十九遽卒其師陳祖范深惋惜之初顧樂

常昭合志

卷之九 人物

九十七

與同里王峻沈淑年相若才相亞亦最相善有沈宋王宋之
目後王沈皆登第顧樂不遇歿歿王峻序其遺詩稱其事親
孝與人交有始終該涉書史以風雅自任其可稱者不獨詩
也士林惜之 府縣志參王
應奎傳畧 又沈翀字石虹東鄉人工詩古文

天才挺拔從何焯遊不數月遣之歸謂我所能者子皆已知
之矣留此何必每語人以韓慕廬爲比歸家年少病歿深爲
惋惜選慶歷文中跋語引沈生石虹云云有目中豈易得解
人之恨邑人謝元陽搜其制義短篇刻人虞山集中虹卒年
二十二未婚聘妻楊氏守貞見列女 謝元陽
傳畧

汪沈琇字西京以歲貢授宣城訓導性行高潔文詞雅贍工隸

書詩文制義俱刻有專集歿於任張仁美存恤藐孤甚篤

陳祖

范傳

刁戴高字拱辰生而逸邁攻苦力學受經於孫瀧學書於趙廷珂爲名諸生再踏省闈遂謝去專肆力於古居市南一室環堵簡編錯列書法顏柳結體勁正詩學韓孟筆意縱橫事母病衣不解帶者半載授徒束脯皆以供親

張大受
刻集傳

王應奎字東淑居東鄉鳳塘橋諸生嗜學汲古至老手不釋卷古文博綜典贍中有修潔之致詩品更高不拾人牙慧同邑陳祖范王峻輩雅重之凡郡邑志乘之役必諮訪焉著有柳南文鈔詩鈔柳南隨筆續筆其所選海虞詩苑搜羅遺佚尤

常昭合志

卷之九

人物

九十八

見闡幽苦衷

別裁集參
柏謙序

徐灝字海若由拔貢肄業成均舉京兆試以經學薦授國子學正陞助教性坦直議論忼爽學問淵懿文章根柢經史古藻蔚然大司成觀保稱爲老友年七十八卒於官

胡維岳字駿天性至孝母疾衣不解帶後不起父又病劇苦次醫禱倍竭心力罹大故哀毀益甚年十九補弟子員旋食餼雍正元年拔貢與柏謙謝元陽稱吳中十子赴京彙試第一名噪六館歸里益研窮經籍肆力於古文辭從遊日眾選祁

門教諭未赴卒

柏謙
傳畧

湯愈字文起明祁州學正洪裔孫年十一爲福城塔賦有雋語

及長坐臥一小樓哀集圖史日夜討習不休從陳祖范遊領會益深盡通諸經於易書三禮春秋國語論孟辨論考證有經義解疑詩古文集若干卷舉於鄉京師前輩宿學聞愈名願得見見則以曲臺記中散事爲問愈條繫演說卒無以難與休宓戴震同里顧鎮交上下其議論成進士未謁選卒愈湛深術經更篤於倫理士大夫咸敬仰之其主梅林書院也邑令康基田造門敦請當事推重如此

陶傳

張大受字可之父文揚個儻好義夫受少穎悟年十二卽能詩益都趙贊善執信來吳許爲國士補太倉州學生貢入成均累試京兆無所遇歸里門從遊日眾造詣益醅通達治體撰

常昭合志

卷之九

人物

九十九

述甚富有蔚園文鈔七卷子應祥舉人父歿哀毀致疾卒

錢大

昕墓誌

盛元珍字寶巖梅李人性嗜學博極羣書具有才識雍正初鄂文端開藩江左以詩古文試諸生元珍爲之冠由歲貢薦授蒙城訓導兼主講鍾山書院制府黃廷桂深器重之及移川陝遂勸假任聘主蘭山講席甘省書籍既少又鮮傳授元珍乃精擇左國秦漢而下至六朝八家之文都爲一書俾士子日夕誦習諄諄相與講論文風爲之不變稱南方夫子以年老歸卒於家子士游字含章亦能詩以省父至蘭州得疾卒多士憫之葬於臯蘭山麓立石表其墓云

趙同翹傳

王繼良字眉哲折節讀書不屑與勢利馳逐一時文士如汪沈秀王應奎輩多樂與之遊詩律工穩細膩書宗唐人行楷兼善鼓琴母年八十有六孝養備至病亟時惟以不能終養老母爲恨有詩集陳祖范爲之序

王峻
小傳

姚大勳字受東少孤力學文筆雋爽旣壯棄舉子業一以讀書嗜古爲事素工書刻意臨摹晚歲益臻超詣間作山水小幅亦高雅有致子左 官吏部迎養至京名動公卿間爲人勳熱腸友人某將遠 以妻子相託大勳資助數年邑中遇有勸賑募修諸大事不憚躬爲倡導年八十無疾卒著有醒齋雜錄景熹字公安大勳從弟諸生性淳厚篤志經學尤究心

常昭合志

卷之九

人物

一百

三禮制義亦一稟先正同時邵編修齊燾湯進士愈咸與深契子宗城主簿

顧彬字武若諸生有文名兩薦不售絕意進取工詩著古照堂集陳司業祖范選定

王大椿字八千石谷曾孫勵志向學日夕不倦其詩中正端嚴體如平原書法將有成矣中道以瘵疾亡唐黼廷字章源諸生能詩與王大椿齊名遊京師蔣文恪延居客席惜不永年

邵齊
然傳

黃大復字我克父調元舉人大復專工詩古文辭兼善行楷爲德清談九乾孫倩與游多名宿詣益醅著有歎歎稿詩鈔一

卷

黃曾憲字式度品端學醇言笑不苟少時苦志下帷甫冠試輒高等由恩貢選青陽教諭罷歸屏絕世務日手一編至老彌

篤著文集若干卷

陶畧傳

王式金字聲谷乾隆壬申舉人博學多聞工制義王步青方絜如諸前輩皆稱之事親至孝友愛兄弟邑中名師當屈一指

成就及門甚眾所著文稿藏於家

支溪志

周安節字承五天姿敏悟年十八遊庠受業汪宮贊應銓周明經震生爲文章理法一宗先輩名籍甚試輒高等三薦不售情性恬淡意趣高遠春秋佳日攬勝林泉寄興筆墨不著色

常昭合志

卷之九

人物

一百一

相生趣盎然兼通地理闡發諸家辨論展親睦族有古人風

卒年八十有三

張敦均傳

許天錦字爾章重進子州同醕謹端方好學工詩著有字體辨景教質疑縮香芳洲等集子夔聚字寶君工詩精漢隸兼善丹青著有桐花書屋詩鈔

王庭銓字衡持戊子舉人幼孤露力學至性過人弟木呆庭銓撫之甚篤士林重其友愛同邑與庭銓共領鄉薦者是科有六人皆著文望庭銓與季美錦張應祥邵聖珪俱早卒應祥聖珪志中各附其家傳美錦字慎遠性倜儻家貧與同產弟學錦事母至孝淬厲幼弟晝錦得成立朋儕中得與美錦交

者至今追思之

江文虎字思駿恭謹力學工文章所交遊盡知名士舉順天試
三上春官不第會丁父艱旋卒先達於歿後稱其孝於親友
於弟信於朋友著爲哀辭

蔣侯字元康博學工詩好異書從人借鈔至老不倦家素貧親
歿悉讓遺產於弟爲郁氏贅婿郁無子又以田宅讓其甥而
課徒自結叔之翰父子相繼死無嗣爲經紀其喪葬之北郭
著有詩學金湯二卷爨門詩鈔補過齋襍著一卷雜說十二
卷續集二卷墨誌硯譜各一卷子德培廩生

黃存恕字勿之天姿穎異八歲能詩詞旨清雋經義一本先民

常昭合志

卷之九

人物

一百二

著二川詩草王鳴盛選人苔岑集書法宗歐褚爲蔣衡高弟

年二十九早卒

陶傳
畧

陳聲和字協宮進士士林子由廩生貢入成均試輒居六館士
先詩才雋穎婉而多風白門唱和時爲簡齋袁枚咨賞年裁
三十遽卒袁過虞哀挽云一代清才最汝憐無端騎鶴去遙
天傷心八十龍鍾叟又向人間哭少年著有紀遊北征等集
陶承恩字柳門性孤介少習制藝入北雍一應京兆試卽歸工
詩宗劍南石湖著有且住樓詩草王西澗邵青門序生平坐
臥一樓陳祖范銘曰且住且住各行其是或在山林或在朝
市不隱不現流行坎止還問陶子陶子曰如是如是其風致

可想矣子爾昌見篤行孫鎔舉人定遠教諭

常昭合志

卷之九

人物

一百三

列傳 篤行

周禮以六行教萬民族師書其孝弟睦婣有學者閭胥書其敦敏任卹者邑志所載孝子悌弟展親睦族以及義士耆碩諸人卽周禮族師閭胥所書六行遺意而統以篤行該之吾邑爲學道名邦舊志已登與目前見聞所採確核臚列彰往以爲敦行勸孝爲百行之原仍冠於首

明

瞿興嗣字華卿父達元初百夫長遷巡鹽大使轉怯憐口提領興嗣生而純慤母患癰當暑臭穢不可近興嗣燂湯洗沐執扇驅蚊靡晝夜月餘乃休又患積氣百葯不治刲股肉作羹

常昭合志

卷之九

人物

一百四

以進母不食已五日忽盡啖之氣銷如失一日母思芰食時芰始花求諸市不獲凡川有芰者解衣入水覓之雙脛皆赤腫俄得三芰人以爲精誠所感宅心仁厚單糞者必思賑給而不欲其知羶工王氏大雪凍卧病不能興晨往以錢二十緡投窗隙而去民有告糴者鶉衣百結興嗣受其值五千佯問曰吾性多忘若欲糴十千耶遂如數與之歲大儉來依者數十人擇旁舍處之會癘作病者相枕藉興嗣躬攜粥葯撫視卒賴以全嘗於道中拾遺囊又拾契券及白金悉偵其人還之興嗣雖不讀書其篤行雖鄒魯士不過也以子莊官贈

禮部員外郎

國朝乾隆五年追旌列祀忠孝祠

府縣志合參

願坤字心田母病割右臂肉作羹以進遂愈又二十年母卒廬

墓三年嘉靖間詔旌其門前明邑中孝子被旌者自坤始

龔志

馬廷試邑諸生天啟中以孝旌崇禎十一年建坊

前志遺雍正間陶志表出

坊在永寧巷

虞宗濟字思訓父德良與兄並有罪吏將逮治宗濟謂兄曰事

涉徭役國法嚴往必死父老矣兄冢嗣且未有後我幸產兒

可代死乃挺身詣吏白父兄無所預吏疑而訊之悉自引伏

洪武四年竟斬於市年二十二

明史

列祀忠孝祠

徐植字原芳父彥達掌鄉賦狃於元季弊政賦入後期法當刑

常昭合志

卷之九

人物

一百五

植時年十八赴所司自陳引爲已罪臨刑賦詩云父母恩同

日月高願將一死報劬勞三盃白酒濃如鳩七尺青絲利似

刀風送斷魂歸故里月移枯骨葬荒郊遙知親族偏憐我淚

洒西風濕布袍里人立祠於河陽山良福菴

府縣志合參

列祀忠

孝祠

錢迪甦之子洪武初父以督稅愆期當刑迪慨然詣執政求以

身代所司上其事許之死時年甫十八從子完感其孝立祠

祀之

府縣志合參

列祀忠孝祠

徐駿字叔大博綜典籍著有對類總龜詩文軌範又按文公家

禮及太祖孝慈錄間采先儒之論附以已見俾爲人子者習

之以知尊卑隆殺之道著五服集證六卷少時嘗畜鴿父撻之遂放去後父亡遇鴿飛鳴思親訓涕泣不已人稱泣鴿先

生鄧志

儲國本字首卿少時有嫠婦窺而悅之私餽以金國本辭金徙舍以絕之爲諸生都講所得贄修每日必具甘脆以奉父母夜伺父母既寢乃敢入子舍母嘗苦痢昧旦往禱周孝子廟得吉占從祝史乞紫蘇少許以進母飲之病良已其後母又病復禱忽見神左目流淚疾果不起其父歿未大殮天暴雷雨俗傳尸氣聞雷則腫國本跪中庭泣請雷卽無聲將葬身臥壙中以占燥濕廬墓終喪龔志

常昭合志

卷之九

人物

一百六

林德父爲倭寇所殺嗣知讐所在委身從之屈意善事久相親暱乃以飲饌誘之醉卧取其佩刀斷其首以歸挑燈集異

丁孺端字無膠至性純孝居喪哀毀踰節萬厯戊午舉人官岷縣知縣

吳琳字潤夫幼有至性事親以孝聞舉於鄉官東平州學正調霸州分校順天試陞汀州教授以母老乞歸與弟瑄友愛瑄

亦修謹士錢志

陳允中字道夫以選貢司訓建德陞安東教諭幼失母奉父素實盡孝撫後母弟極友愛謁選遇里人流落行丐載與俱南同舟郎亡金疑里人允中償之調護返里昭志

張巽字公遜洪武中兄公讓坐事戍貴州歿有司檄取戶丁補伍父命弟公豫往巽曰出應戎役易事耳居則養親立門戶爲難巽力頗強而志慮不及吾弟弟力寡弱而應事實其所長請任其易而遺之難者遂往

張洪墓志

顧憲字叔唐支塘人父落魄江淮間憲補諸生行訪父得歸倭亂負父母入城日市甘旨以娛之人稱顧孝子

錢志

孫道生字惺如爲諸生有聲性至孝嘗爲父母求葬地厚其直而主家猶靳不與道生長跪搏顙詞甚哀乃感而予之

徐明俊字千之爲童子時母陳病刲股肉如拳烹以供膳母強進一七箸覺其腴美遂愈邑令沈夢斗廉知其事將白監部

常昭合志

卷之九

人物

一百七

使者旌之明俊固謝無有且曰卽有之奈何幸母危殆以買名聲乃止母亡絕不火食飢則以水和糠咽之遂患嗝痛嘔

血而卒

錢志

郭尚賢字讓湖年二十母沈患膈疾刲股作羹湯進母尋愈直

指旌孝行

氏族考

黃家柱字汝石母病危甚家柱拜天默禱願用身代旋以刀割臂得肉掌餘烹於臥側陳問曰是何羹而香美若是噉之立愈邑令楊忠烈漣給以節孝天植之額子鶴算字來仙善事父母親歿時已老躬自擔土營葬築祠墓旁勒遺訓譜牒於

石

錢志

王暉字子潔兩割臂肉以療親疾血書梵經以祝親壽人稱苦

孝錢志

徐讓王永昇殷敏三人皆割股療親疾陳志

秦傑錫工也事盲父盡孝嘗割股療母疾縣令累表其門錢志

沈良字性本挾肝愈母疾張遵字孟循刺胸出肝以療父疾錢陳志

諸志

錢某南朱村人父七十割臂肉爲糜父病立愈再延十齡割肉時以血衣埋河澣家人不知逾年水漲衣浮里閭知之縣旌

其門顧德基集

顧璟字楚璠邑諸生有文譽母病劇嚙臂肉和藥以進母尋愈

常昭合志

卷之九 人物

一百八

葛潤字孟寬宏治閒人嘗剔肝療祖母疾有司以事上聞部臣

曰卽旌潤長輕生釣名之漸議遂格知縣楊子器重其孝行

旣歿爲治喪葬表墓復除其家洵志

龔松字惟貞三歲而孤問父所在輒痛哭母張忽患風疾松籲

天祈代一夕夢神許延母壽一紀遂甦然自此瘖松曲意孝

養歷十二年果卒松亦哀毀未幾卒錢志

殷庸家貧以治梳爲業得新味必奉母隣巷社飲穀核皆不敢

食必攜以歸奉焉冬温夏清人擬之黃香母患滯下穢汚必

親除滌他孝行多類此鄧志

周祿字介夫弱冠以館精瞻親對佳肴輒哽咽不食侍父疾嘗

惡以驗吉凶及殯於堂出入必告妻曹失歡於母立遣之母
亡廬墓三年島倭入犯合境奔竄祿守墓自若年九十餘卒

錢志

張一本字道生少孤時祭必泣過墓必哀性度冲和有長者風
薛道文字子明哭親失明時稱純孝舉鄉飲賓子召奎有義行

錢志

周文忠五歲見母汲井輒嗚咽不已問之曰不能代母勞也後
出就傅必早起先辦治勞苦事妻稍失姑意卽出之母命還
婦強而後可凡燕會必不與曰我事親缺甘旨而食之能下
咽乎

常昭合志

卷之九

人物

一百九

胡墳字章伯母疾顛天乞減已年以益母壽親終勺水不入口
訓徒於家雖暑不裸袒每日月食必率家人焚香拜庭復明
而後退其子姓世守之

昭志

王和父裕字均才仕國子學錄元末自江陰來徙和有高行兄
某以建言戍雲南卒下令勾丁和先後籍其二子以代弟姪

錢志

居璠字永美許浦人性醇樸自其高曾以來未嘗析爨總服既
盡猶會饌一堂尊卑之間愛敬各至尤以義聞

桑志

國朝

黃向堅字端木

府志載入吳縣孝友傳向堅爲邑人無誤自其父府學中式後始寓吳云

父孔昭字

含美崇禎癸酉舉人授大姚知縣尋罷兵阻不得歸流寓白鹽井教授自給音問隔絕向堅家居日夜涕泣順治八年十一月拜祖墓別妻子誓不得父母不歸攜一囊一盂獨行冰雪中自武岡而西從間道出洪江關歷鎮遠平越至貴陽爲孫可望戍兵所執其將程萬里詢知其故歎曰孝子也給以令符乃得前兵馬之虞幾死者數明年五月至白鹽井得見父母留五月明年六月始奉二親歸里門吳人以其事播之樂府世所傳萬里緣傳奇是也還家後孝養二十年而母歿孔昭優游林泉爲吳中耆舊年九十無疾而卒向堅年六十五矣猶孺慕哀號尋以病終著有尋親紀程乾隆四年由吳

常昭合志

卷之九 人物

一百十

縣請旌

堯峯文鈔

許珽字廷玉九歲父士驥從瞿式耜參贊軍務世辭道阻音問不通珽因母蘇久病不忍遠離母歿卽入粵始知父殉節本末墓已不可辨嚙指血遍瀝白骨竟不能得招魂營葬廬墓三年抱木主歸與母合葬終身不脫經帶同邑蔣伊爲題其入粵尋親骸序後邑令陳守創給匾獎之

昭志參家傳

殷鉉字明遠邑諸生初邑令張燮赦後斂租又增白糧折價鉉父元毓不平以其事聞於總督蠹吏石攻玉吳泰來陳堯夫等與燮合謀誣以罪斃之於獄鉉誓復父讐奔訴督撫燮執鉉拷掠復賄承問李分司者殺以滅口獄方急分司子忽暴

亡乃停鞫會鉉僕金恩王科控憲移獄得不死後解金陵與
吳泰來同禁俄迅雷起空中泰來震死獄遂定燮革職擬罪
石攻玉斬餘皆流鉉事母孝母歿廬墓三年督學魏學誠題
旌府志
王予齡諸生事繼母以孝聞父歿時予齡適外出兩弟慮分遺
產拒其奔喪齡泣告曰吾所重者父母餘不計也入幕盡禮
終喪後仍子身而出雍正九年旌

李象塚家貧父病塚甫八歲日鬻菜菓得錢供甘旨冬無完衣
族兄象翼勸其就學塚以謀養辭值隣火塚負病父出母亦
尋出萑不知也復入烈焰中哀號救母再被火傷卒崇禎十

常昭合志

卷之九

人物

一百十一

三年旌

省志

孫穀字君升家莫城里父應祺字吉甫舉鄉飲耆碩穀當雍正
末採苻竊發村民遠徙穀侍病母獨居滌穢驅蚊目不合睫
者兩月有白腰兵闖其門穀恐驚母距門求哀賊怒斫其肩
悶絕仆地賊直入執母穀少蘇匍匐抱母曰殺我無恨求釋
我母賊搜室中貧且詞氣愿欵相詫曰孝子也不可犯義而
釋之去乾隆二年旌

陶貞一傳

王世熙字亮臣宋忠臣堅之裔世居白茆父楨年臻大耋世熙
自幼善承親志迨父中年謝棄家務優游頤養三十餘載日
進所欲得其歡心平生尤好義急公乾隆二年以孝行旌

王之鳳性慈孝家貧棄儒業賈父早歿事孀母繆曲意承歡母病危割股調羹以進立愈母歿哀痛骨立廬墓淚盡失明遵母命力行善舉常昭兩縣給匾獎勵乾隆二年旌

潘潑字太液幼喪母父章宇游粵不返潑婚畢拜辭繼母黃子身徑行至粵遍訪不得夜夢神告以閩南武平語卽至武平境又不得見巷口顏武平里有老僧指示方袍朱履者曰非爾父乎方注視間已失老僧所在潑趨前跪而呼父父不識告之故父日記吾子左足心有赤痣驗不誣父子相抱泣束裝歸里父歿後又廬墓三載乾隆五年旌門

陳士林傳畧

王松齡字御凡父病卧鄰失大松齡叫天搏顙須臾反風滅火

常昭合志

卷之九

人物

一百十二

親終廬墓學院張泰交題旌

昭文志

李文龍字驤臣嘗隨父渡江中流颶作文龍泣血叩天俄聞異香風止浪息母病殆文龍禱天願減算代母尋愈乾隆間旌景流慶生十七日而孤及長事節母葉至孝母卒哭之哀廢一目雍正間旌

席永昇字向曙父扶九疾永昇侍牀蓐親滌溲溺器父歿哀毀骨立負土築墳皆自經理事母孫亦以孝聞母壽減租惠農并鐫斗斛之概製小量以入之人謂善承母志云乾隆間旌子祐智舉人祐哲監生以子球封理問俱能世其德

錢陸燦傳

呂漣諸生王樹聲錢邦憲陳模湯之仁程永祖方煥先劉振時

王宏綬夔臣

江可禧王尙祐俱奉旌表

蔭案夔臣以下原書空格

當有闕文

已上俱列祀忠孝祠

馬維仁字眉之父志鵬患背疽危甚醫曰脈模糊如有物覆其上欲定其死生庶爲之嘗惡乎嘗之告味苦醫曰可療但病已深毒將內蝕必吮之而後可卽力吮出稠膿數升神思漸清投以劑遂痊明年維仁病瘵臨死戒其妻勿哭泣傷親心又曰養子以防老也今吾先死有餘辜矣

昭文志

盧秉銘年十九父廷揚疾篤醫謂必死秉銘嘗父惡曰苦鹹可治也急求良醫治之得愈事繼母吳曲盡孝道年二十一卒

常昭合志

卷之九

人物

一百十三

吳長生梅李人紮扣爲業事孀母甚謹母患頭疽已潰膿血淋

漓穢氣觸鼻長生晨夕吮其毒數月而愈

陶志稿

鍾廷貴幼孤奉母病嘗惡嘗藥知縣陶濃表其孝

昭文志

程允元字最先年六歲見母病自呼號不食跪母膝上捧母目

舐之人稱孝童及長鄰火延及父寢父方疾篤冒死從烈焰

中負父出焦爛而卒

府志

許源其父爲人白冤忤知縣將重杖源哀泣求代不許迨杖以身覆護父知縣益怒并杖之血濺公庭憤懣致疾卒

張映昴字廣平父國璉廩生明季鼎革時城中人咸遠避父年老不能奔竄映昴藏父積薪中得免及城陷映昴仍被難年

二十九無子室王氏另見苦節

陸祿隨父公路夜飲冒雨歸路經洋塘望賢橋祿執燈前導至橋半公路失足墮河祿亟躍救不克而死次日撈得一尸父子猶緊相抱也

趙汝能父劍虞爲仇人所陷走京師擊登聞鼓汝能年十四當事持去加嚴刑十指幾落父戍雷州汝能以髻年養母撫弟不少懈越數年父赦歸汝能竭力奉養歿後葬祭如禮

張廷華字節泉父以冤誣繫獄廷華詣縣請代縣令不許廷華刺指血具狀泣訴上官上官檄邑令釋其父獄父歿終喪不食酒肉兄履道負官逋死爲之代償養嫂氏以營喪葬

陳汝楫傳

常昭合志

卷之九

人物

一百十四

譚延爵字子祿康熙十年秋延爵年十八隨父叔義刈稻田中虎突至銜其父去延爵一手持鎌一手握稻奮前擊之虎傷目躍去父獲免

翁謙字尊光旌門天申聘妻王氏嗣孫也生有至性四歲本生父客死金陵櫬歸秦坡丙舍母子相依中夕哀號祖母王邁危疾泣禱北辰夜夢至山椒斗姆閣楹聯云祈年願學周公旦割股心同介子推覺遂剔臂肉香附湯進疾竟瘥本生母錢患瘍于項謙吮其毒傳藥立愈年七十七卒子咸封舉人

吳卓信傳畧

屈坤字厚載諸生早失恃父貧甚坤藉遠館以養館中不苟葷

不臥褥憂父家中或斷炊無褥也父偶嘗病不起割臂肉煮湯進得痊人詰傷痕以疽對子振鏞諸生

陶志稿

譚文宯性至孝割股愈母疾父患不能小洩文宯親吮之居父喪盡哀後母歿哀毀致疾卒遺言以喪服殮督學曹秀先獎

之家傳

王寶南東徐市人父鹿鳴早卒母晏邁疾危甚寶南籲天禱神割股以進疾遂瘥母年九十四以壽終

鮑守義字天宜少孤業貨殖家漸起弟某弗恭厥兄誅求無厭每曲從之弟歿復經紀其喪撫孤如子母氏吳疾割股以愈立收埋局於縣西刊立條約年七十九卒孫晉高捷勳博學

常昭合志

卷之九

人物

一百十五

工文與修郡志涇溧陽訓導修學宮

屈成霖墓志

譚廷奎諸生割股肉療父疾愈兄負豪家金五百兩率諸弟代償之

程文魁性孝友力行施濟嘗割股療母事兄如父三世同居

家傳

張國紳兩割股愈母疾後兄病醫罔效亦嚙臂肉以療之以遺

產讓其弟

家傳

譚侃父懷早卒事母殷至孝嘗割股以愈母疾

許一鳴字曾如曾割股療母疾終身不自言勤於講授疾革莊

誦大學誠意章正衾而逝

昭文志

樊敦居邑西鄉之西河角赤貧業農事母至孝乾隆五十一年

母病敦斷小指一節爲羹進母病尋愈越九年母又疾勢危殆誓剖心以療握刀劃胸忽有肉如指從創孔中突出疾割取投沸湯以進退自裹其創旋暈於地不甦亦不死閱七晝夜始索糜粥又半月創自合母亦愈

錢用
棐述

沈敬文唐市鐵工其父以罪戍西安母同去敬文欲隨往父曰如祖宗邱壟弟妹衣食何乃止敬文思及父母必嗚咽飲泣後襆被往覲間關數千里抵西安母已前歿父適遇赦負母骸扶父歸里

程大猷字嘉甫父游閩而歿久始知之子身出門誓不得父不返夕夢父曰當訪天台洪吉洪開至台果得洪姓者指示櫬

常昭合志

卷之九

人物

一百十六

處脫衣裹骨歸與母合葬

何其旋字視元事親盡孝執親喪不妄言笑待諸弟以和勉其進業有過則艷然不悅諸弟亦敬憚之

陶志

沈鑑字秋輪歲貢生任來安訓導少時文譽藹鬱有司試士每延鑑品定高下性至孝親中裙廁踰入子舍親自浣滌讓產與弟門內雍如也

昭文志

周時行字進仲邑廩生少孤貧奉母至孝母或不怡輒長跪泣請母爲破顏鍵戶力學不逐時好有古人風

支溪志

王師淹字一范諸生少孤能固窮嘗謂士君子不能一介不取斷不能堯舜君民也奉母至孝母癰憂勞成疾卒

昭文志

平源字水心親喪廬墓士大夫多其孝行晚注陰符丹經陶志

徐櫨字月生邑諸生幼孤純孝籲旌母氏節祖墓為族人砍伐

不惜身命爭之得保全曾志

邵實字子吉父與豪家爭墓地豪家欲置之死實傾身號救直

旨李廉知其事為之申枉且旌其孝行令魏允升給蓼莪載

賡扁以表之創建廣仁局載入徵信錄陶志

顧勳臣字維周家支塘之顧涇以孝聞於鄉藩憲曾給獎額曰

德茂蘭陔從弟鎮為之傳支溪志

仲天樂家貧自少即以奉養服勞為己任撫四弟成立皆為婚

娶一家二十餘口歡愛無間知縣陳守創表之

常昭合志

卷之九 人物

一百十七

徐晟弟昂父含甫好遊二子必敬謹隨行在家以短榻為輿躬

昇出入父怒則叩頭流血色豫而後安後父目眚不敢一刻

離兄東旭早卒晟昂事寡嫂甚恭陳鼎傳

陸繩祖字紹廷母方早卒繼母蕭撫繩祖少恩繩祖既長偕婦

毛孝養二親不少懈及父同繼母相繼病亟百計醫治經營

喪葬以勞咯血死潘鎬傳

宗渭字南谷諸生父士縉游幕粵東歿時南谷年十五聞訃徒

步往迎旅櫬歸母病危旦夕禱天自代常恨不能事父感泣

成疾卒年三十二歲陶志稿

李時白七歲而孤稍長服賈孝養節母既葬廬墓終喪張國輔傳畧

錢建昭事母至孝遵母命往九華山鎔銅鑄佛像其他施舍皆

申母願也御史秦世禎表其孝

曾志

陸安節字貞士幼喪父性至孝念母苦節不得邀旌典徧徵詩文以表母節名念劬編錢陸燦爲之序年七十餘猶手是編

哀慕無已

鄭侍陞字履吉父有登自閩遷常熟侍陞年五歲卽知定省九歲父歿晝夜號哭哀動路人旣長竭力營葬然後成婚嘗奉母舟行遇風將溺泥首籲天母子獲濟母疾求醫茅山虎見之避去人以爲孝感母至九十五歲侍陞出入抱負頃刻弗

離中裙廁踰則洗滌年逾七十猶如嬰兒時

王峻傳

常昭合志

卷之九

人物

一百十八

方志貞字端吾小時戲母膝前母撫之曰兒今雖孝有妻子恐不復然卽悚惕不盜及娶孺慕不衰母歿哀毀幾殆夜聞父警欬必起父患痢嘗惡驗味時進參苓父憐其貧却之乃爲液雜酒糜中不使知也父老無齒以小嬰乞乳於鄰風雨無

間父年九十四卒志貞已六十哭之慟亦卒

府志

唐琉字荆山徐市人幼孤事母至孝貧不能娶躬操井臼以代母勞業賣烟每晨入市見出夫野老藝烟以進冀獲微息以養母風雨不能出則勉力爲母具飯而已枵腹母病琉抱母慟哭絕而復蘇者再竭蹶殮葬終日飲泣不久亦卒

葛光熹支塘傭工也襁褓中喪父母鄰媪抱而育於葛事繼父

母盡孝傭工得一壺一鬻必以奉親妻偶失舅姑意遂棄之
父沒光熹將賣身買棺鄰里義而助其終事每荷鋤長號路
人爲之感泣又以賃春銖積舉先世數棺並葬焉府志

張友誠松江人早失怙恃顛沛流離始至常熟爲人刺舟人愛
其誠信乃得婚娶於是遍求父母棺骸不得偶遇一老尼族
姑也爲言當年兩棺借停墻間破屋屋傾柩塌聞墮丁棄骨
河干墳丁亦不存矣友誠號哭奔赴其處躍身入水鄉人援
救得不死乃刻木爲兩親像飯必祭舉動必告久乃葬其像
於北麓廬墓哭泣感動路人府志

潘某梅里人以傭作養其父嘗詣市求鮮魚歸未酬值會市人

常昭合志

卷之九

人物

一百十九

過其門某方捧魚殮以進望見市人亟趨出曰明日得傭工
錢卽償汝勿貽吾老父憂也父問之荅曰農事忙某拉兒遊
故却之

華德如以字行祖廷瓚字襄甫有隱操工書法家藏墨蹟年九
十一卒父爾祥生三子德如最幼生時四十五歲矣嘗以酒
時一言以德如許婚於里人臨歿悔之德如旣服喪袖婚帖
還之女家叩頭流血誠感行路遂終身不娶人或詰之曰仲
有子矣纖嗇作勞竭誠以養母有姊亦截髮不嫁誓以奉親
飲食必潔行動必扶其兩兄恆羈游於外姊若弟持門篤行
里中感之著奇行傳母年至八十八歲乃卒德如子仲之子

崧崧生三子元陽元春封

蘇去疾傳

湯淵少孤事母至孝母沒蔬食三年娶妻期年生子未匝月而妻亡終身不再娶

已上孝行

明

劉昇字仲升少以開敏聞鄉曲縣庫災知縣某將歸罪於下昇白縣曰罪非已致固當順受奈何陷無辜於死地令某愧而止後令沒於官妻孥無所歸昇爲僦居營其途費而送之時人以爲義

鄧志

李栗字翼寬天順壬午舉人有蜀人陳清者坐當刑其子寵年

常昭合志

卷之九

人物

一百二十

甫十四請代父死繫獄栗憐之爲之營救後清爲崑山丞栗絕不往清願以女侍固却之後官處州通判子嗣賢字世英舉人湘潭知縣

錢志

余銘字新之周謹自好嘗議婚妻後喪明其家請罷婚銘曰娶妻豈以貌哉卒娶之

鄧志

沈鉞字世武文行籍甚需次當貢先讓二友後授弋陽王府教授在府時家人馳報失火惟問祠堂未焚卽向天稽顙而謝

錢志

蘇金字用之嘗賃舟蓬底獲布囊一中有金銀器各數事艤舟以俟失者至悉還之夜有盜踰墻足躡假山石仆不能去金

覺與之干錢俾事生理盜感愧卒爲善

桑志

王敷言字友麟一介不苟試於督學友人孫樓當餽廩以讓敷言敷言每受餽必歸諸樓嘗揭兩楹云俯仰不於天地愧卷

舒惟與聖賢親

錢志

陳宗祥居橫瀝塘嘗憫白茆淤壅徒步入京叩闕請濬世宗下其事於撫按撫按謂不先白而遽上聞命鎖誡於白茆之澣俟其工告竣始釋至今享白茆之利者必首稱說宗祥也

鄧志

郭元望字恆甫爲諸生持身若處女人有毆死其外家人者夜懷金請居間峻却之家有老僕無子而有厚貲瀕死以屬元望竟不取嘗夜讀有女奔之正色以拒子登賢字用章

嚴文靖集

常昭合志

卷之九

人物

一百二十一

袁方號墨津工於文爲諸生有聲家貧授徒餬口嘗夜行拾金一囊密記其數榜於里門叩領者凡三人津審其言與數合者畀之其人願割半爲謝不受孫樓作還金頌以美之

錢志參孫

樓集邵
鏊傳

楊福字德全教子伸成進士官刑部主事年九十餘卒又陳賢字善長操行篤實不尚浮僞年九十餘卒子寬官監利教諭

錢志

徐澤字德潤持已方介淹貫經籍好談兵畧舉於鄉官平谷教諭撰安邊策數萬言以干鎮守大臣時無知者艱歸補宜春學有文集從子甸字子服以舉人官增城知縣數從湛若水

講論嘗書齋莊中正四字以自佩甸子士元字順齋娶瞽女
偕老無間言友有負債者士元更以米贈之曰豈以區區絕
舊交也士元子耀祥諸生積學工文知縣楊漣表其門曰篤
行君子士族志云澤高祖忠字銘理精於推測占候之法官
欽天監中官正子景容字景福孫昫字存一堅字伯
溫曾孫佐字朝卿皆通天文地理有士行佐弟儀字朝瑞能
傳家學兼善詞章慎於取舍嘗浚井得錢盈萬以爲妻家所
藏也召妻
弟歸之

陳卿字祥卿讀書談道以禮法自閑與王忠文禕善禕過常熟
有贈陳徵君詩蓋諷之仕也卿終不出錢志

劉傲字以則父檄以資長鄉賦周文襄忱理江南財賦思得有
幹畧者用之知縣郭南白見檄等數人檄等每人見不通謁

常昭合志

卷之九

人物

一百二十二

周臥榻上與語若家人然檄已老傲任父事邑有水旱災未
上傲輒陳於官官素義傲多見從其寓舍臨渠上人有以貧
困喪葬及官累告者傲振財分給無虛日傲有田數千畝以
其人爲好事費常不足則稱貸以給心無伎害畏物議未嘗
掎取柔弱父客陳生贈詩云兩京冠蓋知名久百室飢寒感
惠多傲亦能詩嘗梓行楊維楨高啟諸人詩集時有張上良
者居近海擅漁鹽萑葦之利獨力修福山五嶽樓慧日寺鐘

閣鄧志

陳從相字章甫清介絕俗其壻錢侍御岱園亭絕勝去從相家
數武請之游徐曰老人不任走請以輿迎則又曰老人何遽

乘此卒不往知縣請鄉飲固辭曰我生平有何善而敢當此
盛典里黨益敬之

錢志

姚志禹居河陽里擇古忠孝節義各一人肖像供奉之萬厯丙
申忽詣秦直指舉故御史某過累千言直指曰汝與若何讐

志禹曰公惡難泯豈有讐耶

錢志

張大禮字立所品行端方出其門者無不束修自好能詩通禪
理著楞嚴翼註龔立木題其像曰人狂鶩子涼涼也人紛囂
子訥訥也觀其貌想其人允矣士林之端品清世之逸民

龔錢

二志
合纂

陳敬字性孚正統三年以賢良方正薦除江山丞非其志也懇

常昭合志

卷之九

人物

一百二十三

疏致仕送行者作虞山歸隱圖倪文僖公謙序而和之

蔡瑛字彥暉隱居自足釣於南村兄玖中式歸造瑛廬瑛一揖

後舉網如故

錢志

歸椿字天秀居常熟之白茆白茆在江海之壩高仰瘠鹵浦水
時浚時淤椿相水遠近通溪置閘用以灌田椿好施舍田又
日墾人稍稍就居之遂爲廬舍市肆如邑居吳中多利水田
椿家獨以旱田諸富室爭逐肥美椿獨取其礲者曰顧吾力
如何田無不可耕者築堡九浙俗呼歸家城云

歸太僕集

倪源父應春舉鄉飲寶源有高行濟南客某寄三百金越數年

某客死訪其子還之

唐市志

包福明字涵虛慷慨有志節博覽經史明季天下多故遂棄家
匿影三峯爲三峯監剝竿破產捐基地助田畝邑人嚴炳志
墓

王錦字日章讀書遇古人節義事輒慷慨雪涕見亂臣賊子必
厲殺叱咤之割田數十畝以濟族號爲義田嘗語其子曰斗
粟尺布得一分且做一分若必待有餘是終無時矣設義塾

集宗黨子弟躬爲督誨著有菜根集

舊志

周伯字懷堂質直好義嘉靖甲寅倭犯海上令王鈇命大戶築
城伯獨任鎮海門一帶鈇又選良家子訓練家屬爲民兵寇
至伯率家眾逐之獲三甲首辛酉大水輸粟千鍾粥道饑糶

常昭合志

卷之九

人物

一百二十四

溝皆憲旌尙義

昭志

嚴芸字允芳其先江陰人祖志道大理寺正父雍有隱節工篆
隸芸狷介寡儔訓徒室中巾服儼如縣營公廨強市其地令
召芸受價芸不可令笑遣吏以地價歸之後請爲鄉飲賓亦
不赴善大書篆隸得古法

昭志

周于京字鳳岐少以才畧著令段然遇大徭役及興利除弊事
必從于京條畫于京侃侃發杼不避嫌怨歲凶散私粟金錢
代輸官稅明年又大水府塘崩杠梁盡毀出私橐築隄捍衛
又明年復潦于京議停征改折段令以其言上之兩院俱如

所請

昭志

席允信字順懷萬厯間築福山城十之一築雲和塘十之二解
磚解銅輓運漕糧每代鄉民償補崇禎時荒旱載米數千斛
分貯城市半價糶以爲賑施粥成梁建閘諸便民事無不爲

舉鄉飲賓

昭志
省志

陳天麟字祥夫性孤狷家貧賣文養親親亦安之取舍辭受必
度於義知邑故事嘗預纂修之聘

昭志

瞿斗暘字道樞善屬文砥礪名節動以古人自期式耜爲立傳
謂如古人中黃叔度王彥方一流人

昭志

朱來士佚其名諸生文行卓絕里中咸執裾請業各出所爲文
是正來士丹黃甲乙落紙如飛無不折服甲申之變焚衣冠

常昭合志

卷之九

人物

一百二十五

以遺民終

支溪
志

吳正一字素風明季旱蝗催科愈急正一子身冒死叩閭陳四
載奇荒狀得旨許豆麥搭兌蘇松常鎮湖五府帶兌餘米捐

十之四

通志

錢汝爲字齊甫諸生周智字清隱歸雷字素琴陸祺字龜年顧
鼎輔字伯調諸生張國珍郁瑞卿徐思字彥誠陶叔厚徐際
雍殷泮陳璧諸人皆舊志所載耆碩悉錄之

蘇良字友直陸金字東溪年九十許景字文昭三舉飲賓時准
字心湖倪灼字守田殷源字不竭獨力重建唐市三塘橋蘇

呈茂字瑞溪兩舉賓筵

已上皆
唐市志

國朝

許德璠字荆生邑諸生父國賢居袁墅力行善事明末江陰無錫避兵來其鄉者國賢計口與之居食時僉大戶解白糧多破產順治二年國賢爲公正請於巡撫王國寶得奏改官運德璠繼父之志舅於爲善康熙初叩閭請減蘇松賦額每遭旱潦傾困施舍貧不舉子者出貲收養之邑之有育嬰堂自

德璠始

府縣志
合參

李臨字大宜許浦人曾祖登與弟望嘉靖中從知縣王鈇禦倭力戰有功父文遴隱居海濱爲德於鄉臨事親孝周恤宗黨急公好義每禦災捍患身爲倡導自少博學爲文高華典雅

常昭合志

卷之九

人物

一百二十六

學於鄉需次知縣卒贈武德將軍列祀鄉賢

陳煌猷字煥文諸生深衣布冠心貌俱古一絲半粟不苟取與面斥人過失望望然不諧於俗客日盱過其室煌猷臥榻上讀周易客問飯幾時矣曰今日偶未有米其色怡然

昭文志

徐鳳威字子期授徒得館穀卽佐寒士膏火某身無立錐地令居舍旁礪礪其文行遂有聲鬻序其所成就多類此生平負氣岸遇不平事髮上衝冠詬誶聲不絕口雖忤於人弗顧也

昭文志

衛一龍字浪公邑諸生說書貫通諸儒講義源流

昭志

孫以孝諸

生同族整理遠祖文節涇祠御史浩墓拒館室奔女曾孫茂

萱諸生醕謹守訓

顧賚仙字仙來生而喪母事繼母桑孝謹中順治辛卯舉人其

場屋之文爲學者式

昭志

王圖昌字龍士有聲文社會糧案註誤慨然曰我身可錮心不

可錮也年高賓於鄉飲弟子侍從甚盛觀者稱完士焉

昭志

錢訥字修立自少敦倫紀勤學問崇禎丙子舉於鄉謁座主問

鄉先達某譜系答曰某寒士也不敢附貴族其耿介多類此

人

國朝教諭穎上士類畏愛之里居規言矩行五舉鄉飲大賓年

八十卒

昭志

常昭合志

卷之九

人物

一百二十七

歸元俊字用章諸生少英敏與孫承恩作了閑文被黜後歛華

務實年逾八十手不釋卷舉鄉飲賓

昭志

何世貞字公介邑諸生康熙初水旱洊臻適少叅李來泰泣學

世貞進講年饑章兼陳民瘼時弊情辭愷切聲音鴻朗環聽

類百人有泣下者知縣汗流色變以爲謗已卽學官擒毆之

士庶譁噪頃刻衢滿少叅撫慰出之衆乃定其剛正之氣至

老不衰

昭志

李安期字天生邑諸生偕王孫蕃叩

聖祖行在上書請減賦反覆千言遠近傳誦

昭志

張汝璧字崑明力行善事子尚謙字而光克承父志飯飢絮凍

楷死窆櫬助人嫁娶修造杠梁俱不惜費爲之用博親歡謙
子國綱字立可肆力於學操筆立就宗工器重授休甯縣教
諭未任卒

唐墅志

許漣字遵王邑諸生爲人敦本尚氣節族姪穀早歿宗黨推可
託孤者莫如漣漣挈穀子朝歸教養成立之經紀其家事咸

有終始

昭志

陳新蓀字徵馨少孤力學秉性方格雖盛暑必肅衣冠撫孤姪
如已子有桂阿集

昭文志

錢象鼎字爾介事親敬謹精於易理應京兆試屢報罷不屑苟

就

昭志

常昭合志

卷之九

人物

一百二十八

馬捷飛字晉遴諸生祖獨授遺貲捷飛推與兄弟共之著梅莊

集

昭文志

邱源生諸樊隱制行敦厚買僕知爲世家子亟還其券不責值

著表微集記忠孝節俠事子崧字廣成行如其父以醫名

昭文志

志

張爾翔字集之歲遇荒歉輒行糜施楷嘗過陳涇聞破屋中哭
聲詢之以窮餓將鬻其妻周之以金俾得完聚闔入拾遠賈
遺金命速還之其人方思投河竟全其命倡建支川長橋以
便行者子九苞字羽臣老而務學喜爲詩

昭文志

周用賢字培初準愛日圖法歲時娛其親教育兩弟父母所遺

悉推與之居恆篤學尤邃於易著易象四卷

昭文

陳煜字贊元歲貢生積學勵行教授生徒必依於忠孝

陶志

張履祥字旋吉諸生敦本重氣誼與鄰人往江右鄰人客死經

紀其喪代養其母終身著鋤經堂集

昭文志

周王命字令侯邑諸生爲人嶽嶽方格好談當世大畧風俗利

病著田賦水利攷救荒策有恒可堂詩草及方書若干卷

昭文志

陳洪謨字九書爲諸生賦性介特其徒某以狂直忤時貴命學官捕笞之勢甚迫洪謨匿其徒而挺身與時貴抗卒得免家徒壁立不降色詞以求人子一本字師益亦狷潔之士

昭文志

常昭合志

卷之九 人物

一百二十九

戴兆箕字傅生與顧鈇顧鎧吳格相友善三人皆貧困兆箕亦止薄田數十畝鈇無子依壻以老格與鎧先歿鎧一子不能娶格惟一女流落爲豪家婢兆箕贖歸配鎧子且分以田屋鈇聞其事扶病往謝兆箕視其病將不起謂曰子無憂身後也吾妻死製兩棺者爲子地耳未幾鈇歿殮而葬之里黨咸

高具義

通志參府志

陶宗侃字晉英副貢生少力學讀書教子爲孝弟忠信四字隨時體驗隨事力行方識之不然雖登科入仕未得爲識字人

也

昭文志

程雲蛟字際騰自新安來徙家裕而好施子永祖字蔭武施德

益力有司屢給扁表其孝義列祀鄉賢昭志

王欽汝字仲諧邑諸生不問俗事與人交必盡肝膈子登朝西

華令昭志

王蕃錫字海宇厚重少文人稱長者舉鄉飲賓子堅字泰來明
經起家慷慨任俠孫樹名字實先發困賑貸有司濟有世先

徵之褒族孫楨字維周質行推於鄉里昭志

譚爾表邑廩生幼孤奉母課督諸弟為經師弟子多貴顯者昭志

席珽字廷玉琮字宗玉兄弟力田服賈兼有幹畧明末多盜鄉

閻資保護之力昭志

王正字介中郡庠生謹厚自守足不至公廷昭志

常昭合志

卷之九 人物

一百三十

范愷字忠侯能詩好遊紀遊成帙改建其先文正公祠於翼京

門外昭志

張日昇字蕃伯贛州守文鳳裔規言矩行處族黨間緩急必應

橫逆不校昭志

黃務木字立甫居黃土山慷慨好施元和塘之魏涇橋及徐涇

橋科橋大蕩橋皆其所修造昭志

龔文英字順心精軒岐業品行端飭年登九十四舉鄉飲賓昭志

李象翼字光度至性過人撫幼弟庇宗族周急賑飢閭里誦義

孫瀚以副榜任金壇訓導昭志

高用光字若抑庠生敦倫好學教授子弟務修實行毋競才華

王夢鼎與弟夢鼐俱出其門

志 昭

徐煌字克明家貧一朝舉內外十三喪殿元汪應銓銘其墓稱其律已甚嚴好以古義劘切人

志 昭

呂桓圭字公瑞安分循理閭里稱壽耆舉鄉飲賓

志 昭

王先字凌遠幼孤力學爲諸生事大父能盡孝養撫從弟成立待故人子曲有恩意

志 昭

錢上述字宗之居奚浦遇旱飢流人望食上述數傾廩賑之以其宅讓昆弟有司舉鄉飲賓

志 陶

邵甲鼎字柔上康熙丙子歲飢捐數百金賑粥於城中戊子又飢復捐金賑粥於周市周市人至今以爲德

志 陶

常昭合志

卷之九

人物

一百三十一

黃世隆農家子樸茂有行誼有告糴者輸直爲期去初不知爲誰也逾三月不至躬往推求其人已死矣亦未嘗爲家人言乃歸其直而賙之舉鄉飲賓固讓弗敢與知縣彭子將陳守

創皆獎異焉

志 陶

邵與泳字獨潛潘應元字立初王祚永字厲吾馬眉祝字白如孫學詩字爾言王際飛字升伯許中孚字孚吉黃士登字伯升平紹宗字待隱程怡字和甫黃懷李字柱源朱良璧字完吾翁成揚字子颺劉啟新譚允翹字叔楚胡芹字士藻祝汝昌字閻仙顧遴字彙征徐熙字子威周師字征吉孫建昭孫渭字九行王宏昌字益之王文鳳字瑞卿薛雲鳳潘世秀字

章宇陸曜字日華陸淵譚達行字讓卿花尚芳字含芝曹士
珍字我儒程鵬南字自溟錢士彥衛一稷季京張溯伊字莘
菴或以齒德與賓筵或以善行爲鄉里推重有司獎勵載在
前志采錄於篇

鄒聞望字名世重厚簡默博學尚氣節凡天官地理六壬太乙
奇門之書無不精討明亡棄巾衫焚筆硯足跡不入城市隱

於醫年八十餘卒

陳鼎傳

徐玉書字廷章母省女遇疾暴亡奔迎柩歸鄉人咸以不祥尼
之不顧也嘗夏月施帳一人獨後至卽撤臥帳與之里有羅
鳥者惡其術之不慎買舟令操改業後有羣鳥飛鳴繞庭數

常昭合志

卷之九

人物

一百三十二

匝而去

顧鎮傳

衛鎰字晉璋宋文節公涇後裔明訓導鎬十世孫孝友敦厚創
建宗祠兼好施與鄉里廢疾嫠婦月致錢米歲侵邑令委以
賑饑之役鎰盡力區處全活甚眾

言如洙傳

蔣光祖字一如年十七父歿二弟皆幼稚光祖撫育成立完娶
後遺產悉讓與弟一無私橐生平行義不倦

蔣棻傳

朱榮荃字香令爲人方質負氣人咸欽之弟榮芝字瑤秀博覽
善記問束修自好家貧或周之粟亟揮去不顧年八十餘卒

支溪志

周廷標字西國園學生少孤露遭難屢瀕危險依祖母成立及

壯撫兩弟皆授室延名師訓子最嚴為人慷慨好義膺封享

年七十三

支溪志

胡可大字與京邑諸生工制舉業規言矩行里中稱嚴師年八

十三卒

支溪志

嚴慎諸生性耿介言動不苟嘗撫育其孀女孤甥一家數口錢

陸燦引紀叔姬歸鄗之義以美之

支溪志

張景賢諸生有儒行其甥許席之早世妻顧苦節守志景賢老不能行每歲時必倩人扶掖至席之家爲甥婦下禮曰吾以

崇貞孝也

支溪志

錢璋字柔來讀書務窮旨要補諸生試高等晚年鍵戶不出著

常昭合志

卷之九 人物

一百三十三

治平補要年八十卒

支溪志

陶爾昌字載安祖時華康熙初以耆德聞邑令楊振藻扁旌急公耆善爾昌少孤孝友力學家貧借刑曹掾養親行善時勸同曹勿取不義財賢令知其謹密信任之路拾遺查某錢票三百千訪還無人知也子鎔鄉薦後查言及之僕張竊物逃迹之物固在飭僕改行絕口不言身後張號泣自述仁厚類如此年七十四卒

瞿禹傳畧

楊繼祖字兆昌太學生贈理問性孝友好施予親族多賴以舉火欲設義莊未果臨沒諄諄勗子岱承先志捐田一千二百餘畝以贍族兼設義塾二所延師訓族姓及里中子弟又設

義墓三處聽里族無力者就葬乾隆五十四年大吏題請旌門給好善樂施額建坊祀忠義祠

王元勳字含章母李守節撫孤自幼善承母志長於書疏採有明名人尺牘爲一編行世邑中忠孝節孝兩總祠勳率先呈請構基葺屋以漬於成築室湖田兼山水之勝課子學業有

成子來坤歲貢霍山訓導

張大受
刻集

張濺字禹甸諸生蚤夫怙事母孝讀書砥行受業陳祖范試輒高等年八十餘猶課讀不懈或勸阻之曰吾今讀來世書耳却族人餽金周旅士途困子杏奎恩貢

周霖字開周品端重不佻博學工制藝試輒冠軍設教里門詩

常昭合志

卷之九

人物

一百三十四

禮家敦請恐後苦心善誘及門掇高魁及爲高才生者多人

年逾七袞卒

嚴本中
傳畧

李銓字秉中年十五訓蒙究心詩學工書法善篆刻兼岐黃術佐理戚串蒲江令張應曾幕務昭雪冤獄應曾循聲大著實銓左右之歸里門嚴督子書吉讀書蜚聲鬢序臨歿囑子曰我生平食貧居賤專以濟人爲懷猶憶有陰隲三大事汝可望中雖然終在汝之善承吾志也汝識之子問何事曰安有行善事而欲人知并不必令汝知之遂趺坐逝著有蜀遊草墨癡小稿子書吉庚子舉人任宜良令

朱宗洛
傳畧

劉天立字惟中績學砥行友弟撫姪惠周里黨年八十一歲卒

著歷山詩稿子士秀孫文思刊行

陳桂森
小傳

張仁濟字敬堂建寧知府文麟裔孫少有聲庠序咯血棄舉子業終日靜坐讀書年逾七旬無情容性友愛字庶弟妻及子無間族有官逋危迫裁自給爾慨助千餘金生平不言人過恬受人欺訓子孫恪守家法

長子光基附生事繼母孝六旬外先母歿母慟甚幾暈絕

李之琳字千木性醅厚事母終身孺慕撫弟友愛有所善友臨歿託孤翼而成之爲名諸生工詩陳桂森序之

唐墅志

倪桐以好義傾家日不舉火人贈以金笑而却之年九十餘卒

唐市志

王朝肅字敬廷性孝友與人交誠信勤儉起家遇公事輒急公

常昭合志

卷之九

人物

一百三十五

爲眾倡乾隆乙未秋西鄉飢饉朝肅首輸米百斛四旬喪偶不再娶家訓嚴子姪悉謙謹卒年八十一

陶志稿

宋孔徵字文獻隣邑旱災求賑開堂官符四出難民扶老攜老來依孔徵授廛給糜閱數年本村旱災傾貲以助縣令給扁曰吾方以不能徧及爲愧也撫養孤女讓產幼弟獨力建祠

置祭產年七十五卒

錢大章傳畧

潘瓚字子安由徽籍遷虞父桂字瑞芳以篤行享大年膺

資典立願捨腴田百畝爲三峯寺齋田桂歿後瓚年逾七旬率曾孫廷獻遵遺命呈縣永作寺產知縣深爲嘉獎嘆爲三世孝義立案通詳後廷獻亦言上壽

沈崢字尊三沈市人母某氏守節一弟三妹家貧不能給日販布得微息以養爲母請官給扁弟撫其妹婚嫁以時

范春林傳畧

溫文毅梅李人秉性孝友曾割股愈親疾里中逢旱豪棍築壩截潮眾莫敢誰何文毅首先撤壩俾水利均霑因負重傷遽

卒繼妻徐氏守節另傳

陳瑩傳

陶承勛字季牧編修貞一次子性孝友不惜典質以盡色養父病禱於周神願以身代父亦絕愛憐之析產時另授田十七畝零父歿仍推讓於兄以作祭產興兄同居三十年無一語相齟齬家本寒素嚴於課子以勉力延師遂大困同祖兄敦和方任龍溪縣以書相招勛曰此去定有生色然諸子無人

常昭合志

卷之九

人物

一百三十六

管束或以遊蕩廢學所得小而所喪大吾不願也其卓識類

如此

子廷墀廷堦孫貴鎮貴銘兩世同登鄉薦墀堦同仕教諭居官盡職恪恭居家孝友質直並紹家風

吳天英字遇吉明賢裔吳文恪後也文恪尊經閣碑樹閣下南華堂天英曾祖振珩紹珩昆季列名刊額至天英以名諸生工制義邀薦不售宗匠陳祖范陶正靖序刻專稿行世勗子汝襄字殿賓脩復祠墓倡設祭田凡邑中脩學助賑濬河諸事皆仰承先志云

陳斌字令宜附貢助興福齋田設義冢二著綱目贅言工書法陸丕揚字叔武忼爽好義扶危濟困家亦不貲善行多端子湛

恩庠生

鄭鐘字履中少游陳司業祖范門得其指授困於諸生策貢後
試京兆屢薦不售需次光祿寺署正性孝友好善鄉居張墅
建社倉首捐米百斛力勸里中伙助以成善舉雍正壬子潮
災罄家米麥濟貧全活甚眾總督旌仁者之風額子士泰以
布經揀發雲南從子鑒字天倬幼孤事大父有至性居鄉敦
善行具幹才知縣康公在任振興東鄉濬河水利得力贊襄
深器重之

劉毓英字耀廷孝友樂善會官築海塘境內塘亘六十餘里收
遺骸貯甕捐地掩埋里黨雀角出貲暗中排解冰釋兩造不
知其他善行悉類是乾隆庚寅協濬白茆總督高公閱工問

常昭合志

卷之九

人物

一百三十七

道旁耆老曰爾鄉有善人乎僉曰無過劉某以故有劉善人
之稱而毓英方跼蹐不遑也知縣康公宰昭文特加優禮擢
任後凡遇兩邑人猶惓惓垂問云

屈洪基畢節知縣曾發次子性仁孝幼時遇母疾顛天願減己
算以益母壽儉歲父平糶洪基潛納錢於米中以施貧者或
遺筐米於其門外不告以所自他行類是弱冠遽卒人咸惜
之子保鈞通判

列傳 武畧

邑稱文學邦亦或以武功見蓋皆出入鋒鏑之餘非徒屬
有天幸毋敢畧也舊志或判武科軍功爲二夫矢石之間
不辨貴賤論勳之際何有等差矧科第具年表中無事複
出矣

梁

言文達梁武帝六年隨大將韋叡將兵救鍾離受曹景宗節度
文達爲軍士叡命文達賫勅入城文達潛行水底得以入城
城中知有外授援勇氣百倍

通鑑 胡三省註云言子
游吳人今吳中有言姓

明

常昭合志

卷之九

人物

一百三十八

尹二吳元年屬魏國公徐達麾下洪武四年從征北平有功充
小旗十四年征施州陞羽林右衛總旗征金山垓納給黃河
百眼井還京除昭信校尉世襲百戶孫剛宣德八年襲職正
統十四年以彰義門殺賊功陞千戶征廣東有功陞指揮僉
事天順五年征兩廣有功陞驍騎尉指揮同知成化二年從
尙書白圭至荆襄殺賊有功陞指揮使子鉉襲

錢志

尹福六大河衛從軍洪武二十一年征盜夏充本衛小旗三十
二年戰白溝河陞總旗回京陞本所百戶征遼東陞千戶戰
槐家莊有功陞永平衛指揮僉事永樂十四年以從駕功命
與原籍給俸孫澄襲職

錢志

于榮其先長淮衛軍吳元年從康都督征潼關有功陞橫海衛
小旗洪武五年征金山等處奏功陞總旗尋陞安東衛世襲
百戶調密雲中衛錢志

于清原襲百戶洪武三年立功陞本衛世襲副千戶子慶襲
殷良洪武二十一年充富峪衛軍三十五年征進有功陞本衛
世襲百戶孫昇襲援例輸粟進千戶錢志

張桂字文馨市橋人其先明初時戍遼東征討有功累陞廣寧
中屯衛指揮僉事成化間推桂襲職錢志

唐彬永樂間從軍與弟淵并孫鏞等節次殺賊有功陞至懷遠
衛指揮同知孫鎬襲職錢志

常昭合志 卷之九 人物 一百三十九

張閱字惟簡以擒劉七功授勇義七品官

李能白字見雲經生嘉靖中捐資募士三百助督撫勦倭錢志

袁世忠字海門武力絕倫中萬曆丙戌武科一甲第二名進士

歷南京左軍都督府僉書祖倫父奎贈如其官錢志

張景房字四槐中萬曆己丑武進士歷任狼山總兵征白蓮賊
有功陞左軍都督出鎮四川松潘治軍嚴整有將畧錢志

顧達字達甫長身善射萬曆時招選將才隸撫標天啟時部給
冠帶崇禎初以考選補蘇州陸營領兵官駐狼山著勞績

陳黃道字震芝幼而膂力過人精弓槊尤諳火攻法從軍留都
會東事告警入海偵探至旅順適

大兵破總督王某軍黃道救護總督敕印登舟颶風大作同舟
無人色黃道奮然曰馬革魚腹惟天所使僅而免達於留都
上總督之敕印爲信後隸兵部尚書范景文管水標營事時
兵不滿千艘不滿百黃道駐札水西門調度有方從景文擊
闖獻兩賊血戰安廬潛六間閣部史可法知其功授御標營
勇衛右營中遊擊加銜授部劄福王監國以扈駕功贈封三
代國亡後隱居福山以終

錢陞
燦傳

國朝

錢嘉字麟圖少孤貧奮欲樹立會討臺灣仗劍從軍署都司累
戰立功官廣東春江協鎮嘗以二十五人射退峒黎署順德

常昭合志

卷之九

人物

一百四十

總兵官卒於任今子孫寄籍長洲

曾陶
二志

周允揚字爾觀習騎射爲兵備道材官以擒太湖劇盜張三制

府郎公列狀聞當得營職會丁父艱歸

陶志

顧四失其名字支塘人康熙初海賊犯江甯制府郎公率舟師
討之募習水性者四在募中會賊以佛郎機擊制府倉卒無
以禦四挾制府過別舟得免賊平以功授遊擊隸督標移家

江甯

支溪
志

錢邦彥任廣東叅將捕盜歿海奉

旨贈一品振威將軍子鐘襲雲騎尉以通州歸常熟原籍

隋

補遺

管宗煬帝大業九年崇志氣倜儻隱居常熟羣雄相與奉之時
帝在涿郡命虎牙郎將趙六兒將兵萬人屯揚子以備南賊
宗遣將陸顛襲破其營收其軍資器械眾至十萬

通鑑

列傳 藝學

藝成而下前民利用亦先聖之緒餘也周禮教國子六書疾醫瘍醫隸於冢宰墓人隸於宗伯所謂授之兆者其卽青烏家之說乎考工記有設色之工其畫史之權輿乎吾邑載書畫譜中者如繆仲素黃子久其人固不徒以藝名近代王馬余周諸人恭邀

睿賞洪奉

內廷何其盛與馮補之書法正傳編列四庫繆希雍精通醫術附入明史嚴氏松弦有譜尙留正聲外此堪輿星卜雖之殊尤能事未嘗絕也至如圍棋爭奇角勝玩日愒時

常昭合志

卷之九

人物

一百四十二

鄧氏概從其刪舊志載有時乘爲給諫敏子天下莫敵然忘親玩物以致殞身亦可不錄

書畫

元

后輿至元間人善篆隸致道觀李烈士紀績碑篆額其蹟也

謝伯成畫得董北苑意作瀑布圖楊廉夫題賞之

錢志

謝庭芝字仲和號雪村家任陽善寫山水竹石詩亦工

錢志

陳圭字伯珪元大孫務學有清思師米氏父子寫山水筆意高雅頗自愛不輕爲人作嘗夜拒奔女邑有朱蝦蟆者謀爲亂

圭設策擒之子允文有隱德能詩亦善寫主

陶志

明

顧困仕於元季明初遁跡隱居北山善繪事每見奇山水及佳樹石卽心與境會揮灑得意尤工設色亦自稱大癡

繆佚字叔明嘗寫林塘圖楊維禎倪鎮並爲題詠

陳志

陳儀字羽伯通篆隸能鑒古器物弟仔字時佐著四裔考異蛩

吟續饗集子佑字惟孝精篆刻有小篆千文

陳志

朱天宥字洪恩正書學沈度草書學解縉

陳志

周澣字時顯書入能品爲吉安府訓導卒於官

錢志

鄒謙字仲撫書得鍾王法亦善吟詠

陳志

薛章字大章孫詡字甫卿俱學張雨書共善雜文

陳志

常昭合志

卷之九

人物

一百四十三

金黼字用文工山水墨竹嗜吟詠自號竹泉生

錢志

吳偉字小仙幼自江夏來以畫名後供奉畫院

虞山記

朱祺字孟祺作山水能兼諸家之長子佐字廷輔侃字廷直並

精於人物佐隸畫院佐子蒙亦以畫名自號癡雲子祝允明

志其墓

錢志

盧景春字以和繞屋植梅善寫花竹翎毛梅花入妙品

錢志

曾耆年與華亭曾大中齊名並工小篆

陳志

范禮字宗嗣山水師馬遠錢復隱居五渠畫師董源

瞿杲字炳暘自號醉漁花鳥蘆雁入高品里人錢祖蕭完傳其

法

蔣宥字朝恩善寫人物畫家推爲高品

吳麒字瑞卿從沈石田游宋元名家舊蹟多所規倣臨筆尤精
楊楊士廉善草書能斲琴

王鳳字舜儀師於蔣宥亦精人物兼工雜畫時有張宏儒畫學
趙千里

張翬字文翥畫宗馬夏法年八十餘猶揮灑不倦

張維字叔維與兄季俱以畫名善吹洞簫詩亦落落清泚已上錢志

周康字叔常陸履謙字道卿王載仕字浮玉顧叔潤俱工山水
陳志

戈汕字莊樂畫能鈎染細密雖巨幅長卷石紋松針了了可辨

常昭合志

卷之九

人物

一百四十四

嘗造蝶几長短方圓惟意所裁疊則無多張則滿室自二三

客至數十皆可用亦善吟錢志

王維烈字無競游於周之冕門得其指授善花鳥

徐峽字石臣善書畫品孤介張彥材畫學盛子昭

蘇先字子後善畫人物士女詩亦艷麗俱錢志

陸昞字華甫書畫兼工朱士謙工人物俱陳志

張撫字琴虞書法黃蔡張起字瑞巖工書尤長漢隸

沈崱字子山其畫蒼潤不苟作喜吟詠

王維密字古臣畫得黃子久筆意俱陶志稿

沈春澤字雨若諸生蘭竹得文敏筆意亦工詩支溪小志

李子安善寫真子文奎奎子躍能傳其業

陶志

嚴雍善篆隸持身謹厚不喜近俗士

陶志

張端字肯堂官中書舍人善畫竹石亦能平遠

陶志

國朝

盧佐字觀揚詩才敏捷書摹董文敏可亂真

陶志

許從龍字佐王自嘉善來居工摹古仙釋像爲人繪五百阿羅

漢藏廬山

昭志

何適號白石從嘉定李流芳遊傳其書法善寫蘭竹詩有宋元

風致

伍柳字柳門倣古篆刻八分書得唐史維則筆意

俱錢志

常昭合志

卷之九 人物

一百四十五

沈世龢字石民鐫印章得文國博正傳

徐牲字行來書畫兼正

俱陳志

馬眉字子白善寫生蘆雁入神品子元馭字扶曦作沒骨法久

而不脫與王翬山水齊名子逸字南坪女荃字江香能傳其

業荃授筆法於曹淑字素雲適徐早卒曹湘字素蟾適錢蘇

端純字季蘭適錢姪俱工畫圖繪實鑑載吳來玉字清映未

詳所適姿才穎敏能詩畫陳結璘字寶月適瞿伯申畫工山

水

王翬字石谷號耕烟幼嗜畫太倉王鑑游虞山見其所寫扇大

驚異卽請相見載之歸王奉常時敏邀致西田別野悉發所

藏相與探尋翬逐一臨摹自董巨而下至黃王倪吳諸家盡得其用筆之法由是其業遂冠一時武進惲壽平亦以山水自負及見翬畫度不能過乃改寫生以避之嘗奉

詔繪南巡圖公卿題贈卷軸如牛腰年逾八十猶縱筆揮灑四方爭走金幣冀獲其真者自號耕烟子題跋亦古雅同里楊晉字子鶴受筆法於翬尤工畫牛亦與同繪

南巡圖晚年兼能寫生傳神其後有唐俊字石耕明忠臣天恩裔畫山水花鳥亦以鮮妍稱府志曾孫玖亦著名

黃鼎字尊古寫山水蒼古秀潤自成一派號獨往客通志姜漁得其指授

常昭合志

卷之九

人物

一百四十六

吳歷字漁山吳文恪後裔號墨井道人書法東坡彈琴詠詩寫山水皆有高韻晚年泛海不知所之陳志

余省字曾三父珣叔璜以畫稱陶志省承家學工寫生同里蔣文肅薦入畫苑同直九人省

恩遇最優

賞賚頻數在苑三十年以年老歸周鯤字天池同時值苑工山水梅花兩人畫稱

旨御製集中有標題余省周鯤畫詩省弟穉隨兄直苑鯤弟鵬亦以丹青稱

周祥鈺字南珍乾隆十一年內府與纂九宮大成南北詞宮譜

譚紹隆字道興康熙壬辰武科進士工書法得圭峯碑筆意

楊丹山善寫真沈峯字衡山工畫野仙人物潘是稷字南田工寫生

林臯字鶴田精篆刻名播海內

王瑾字亦懷閩縣籍遷虞畫學直入古人之室王翬亟稱之作福州王氏墓圖不忘其先陳祖范爲之記兼善篆刻有印譜

行世

汪應銓序

溫裕字子裕得何適之傳蘭竹瘦勁有致

徐方字鍊山善畫馬許益字晦菴精草篆善畫

許天牖字六如工詩賦亦精繪事許穎字逸人學畫於獨往客

常昭合志

卷之九

人物

一百四十七

繪雪景追跡輞川

黃達字石儔性孝友工繪事尤精花鳥子步昌字信生以能書稱潘鎬字肇豐廩生書法遒勁

呂元暢字愷君父承渭字其相拔貢生工詩文兼善詞曲高才
個儻坐累被黜元暢幼病聾工人物早卒

劉松字石亭畫法蒼勁劉愷字鶴山善畫山水

蔡遠字天涯工山水姚匡字石村工山水嘗供奉畫苑

顧晟字鈍伯善畫蘭

戴樸字莊士法東坡墨竹能三折葉許淳字古初能詩墨竹法
管夫人吳仲圭之意尤於尺幅中善作小竹子栴善蘭

林俊字見山山水能規撫諸家之勝晚年尤精人物

王廷音字大成諸生蘆雁入高品

俱參陶志稿

徐州字南徐工於晉唐小楷凡六書篆籀之學無不通習又以

古人碑碣多自鐫刻每臨摹法書刻石精工

府志

張大白佚其名善畫馬得子昂遺法後有沈昂字漢倬亦以畫

馬名

陳典字玉先寫牡丹能用墨法

時大來字來復給諫敏之姪善花鳥

馮學字悅之精山水

俱支溪志

戴肇先字伯昌蘭得二趙法蘇來字受益蘭竹師顧晟

常昭合志

卷之九

人物

一百四十八

徐鈞字東表胡墉字金藩善傳神

琴

明

陳禹道字錫賢瓚之姪善品茶尤善琴萬厯中古調不彈嚴天

池集天下琴師講論數年今所行嚴氏松絃館琴譜皆禹道

所參訂也

錢志

季國瓚字蓮礪嚴栝字大年單嘉孝字臻屢程伯垣俱善琴

陳志

趙應良字雲所善鼓琴

陳志

顧恪字文徵善琴

陶志稿

國朝

陸亮字友桐工吟詠尤長於書善撫琴故以友桐自字云陳志

譚清字冰仲善琴得李蓮礪之遺兼通醫工畫蘭亦能詩著有

臥游齋稿小溪志

宗室字爾藩精於琴亦善吹簫

蔣傳銓字宮瞻生有夙慧年十三即通琴理並工詩文未冠卒

醫

明

房伯珪字東野有醫名鄭東為之傳陶志

朱澄字彥清時稱良醫郁性字繼善醫有名砭炳之妙得之鳳

陽劉伯淵授蘇州府醫學正科孫蒙貞曾孫宗亦以醫名錢志

常昭合志

卷之九 人物

一百四十九

顧容字昂夫供事太醫院通儒書有士望閒事吟咏尋乞歸遇

有求者輒予之孫樸字太素樸子昱從弟恩字榮惠恩子宗

陽凡五世俱精其業楊儀為作五明醫傳錢志

周煥文世業醫其術盛行於世

凌伯川號中和老人以儒醫鳴淮上

張思字成學兄恐字淵學弟恩字榮學連山字志道同時並以

針灸稱俱錢志

夏寅字賓暘善幼

瞿奉字希董以鍼灸稱俱鄧志

王沐字春泉通太素嚴文靖幼時診脈知其必貴荒疫施藥全

活甚衆部使者上其事授太醫院吏目旌其門曰義醫

顧暘號愛杏診脈能決死生於數年之外

郁宗字宏本善醫

邵啟南工瘍醫

李原字庭堅得劉氏金鍼法

慮志號丹谷徵入太醫院愈貴妃疾大被寵眷俱錢志

繆希雍字仲醇貫穿醫書而尤精本草之學嘗謂神農本經譬之六經名醫增補別錄朱墨錯互譬之註疏本經以經之別錄以緯之作本草經疏本草單方等書東垣以來未之有也

明史

常昭合志

卷之九 人物

一百五十

周侍虞以醫名吳中兼工度曲張又淵方汝化丁崑壁皆善醫錢紹禹字九河少時得脈經直指書善診脈其言人以心爲主心脈治病危篤猶生心脈絕膚理雖生死刻日計時無不驗

馮復京事 子振以醫名郡中

榮之遷號仁所得指授於繆希雍察脈奇中時號脈仙俱錢志

陳鏡字叔明陳驥字千里皆有醫名

匡忠精醫術子愚字希顏以能醫從中使使海外諸國陶志

陶士奇字特夫自其先世錦於嘉靖時由崑山遷常熟以醫著子純孫聞詩皆紹其業聞詩於痘症尤有名至士奇稱一邑冠夜分造請無不立應未嘗責報也貧者輒施藥以濟戒子

孫儒醫二者之外勿徙他業所著歷驗心法授太醫院吏目陶植至正中以醫爲學錄子甄孫宗義能世其業

徐鵬字仲鵬學於繆仲醕每言上醫治未病及遇小病輒不予藥曰用藥如用兵不得已而後用耳著脈學傳燈陶志

李弘初善醫陶志

國朝

唐明所字台明孫仍台翊台世傳幼科錢志

李維麟字石浮精於察脈決人生死多奇中著有內經摘粹補註醫宗要畧等書子顥亦善醫府志

陸經學字聖宣善醫治痘尤驗子襄漢孫介石皆世其業

常昭合志

卷之九 人物

一百五十一

王嘉賓字鶴汀善醫吳仁孚字壽先精鍼灸

蔣師仁字公威學於喻嘉言著內經必讀孫昊培亦名醫

錢漢字天來注素問一卷闡發張仲景傷寒論著溯源集十卷陸璣字在衡學於李士材能起危疾俱陳志

張太素字白民診脈能決死生多奇中濟人緩急時稱其義子又載工書法支溪志

王家瑞字玉麟世業醫得藥資悉奉母甘旨邵恆字道久上虞人蔣文恪薦入太醫院爲御醫因舅氏家於邑之支塘

周浩字治平少從葉天士游治病頗著奇驗人稱爲周怪陶志稿

邵鴻達字文雲舉人樹德之父也叔靜公傳外家沈氏接骨醫

術鴻達性和粹端重有品幼習於叔精其理厯著神效

陳稔椿字樹滋四歲而孤事母盡孝博涉羣書靡不研究尤精醫術兼通內外科及古鍼灸法專以濟物爲心富者不責酬貧者恆予之藥或以急疾告雖中夜必往診視近則徒步遠亦棹舟居平好善樂施惟恐不至持功過格長齋爲母祈壽縉紳贈額曰誼高儒行年四十以嘔血卒臨終惟睞母不置陰陽術數

元

趙元行精於星命取人之生年月日轉數至時得五行之數併以安命所屬水一火二木三金四土五日六月七過七五除

常昭合志

卷之九

人物

一百五十二

過九七除用零數所配一星爲用斷人壽夭休咎多驗錢志

明

徐堅字伯溫習天文洪武初徵入欽天監兼通陰陽地理之學

鄭秋澤金松隱星卜皆奇驗舊志

馬天用字遂良精青烏術洪武初薦入京試藝居天下第一成

祖在藩邸天用進見應對稱旨賜以睿翰同時蕭鳴鳳亦以地理術聞

楊藝字碩甫吳江人其師松仙鬼谷子之流藝以術數行常熟人有問焉輒書隱語以答後必奇中或匿其所問事不使知對亦如響從瞿式耜於廣西式耜殉國藝收屍付其孫歸葬

術士以高義著府志

國朝

錢守宏字子怡精星學著難經藥性諸書亦善琴錢志

丁鷺字鷺洲吳邠字岐山精堪輿術陰陽宅推測奇驗

周永年字修齊善天文陰陽推算之學

汪宏道字閻賓遊金華遇異人授其術以陰陽五行推人性情

氣質知其太過不及者而諄諄導之於正不專言吉凶壽夭

使人廢人事不修年九十八卒俱陳志

全嘉元字維岳諸生幼喜讀易好五行卜筮之學多奇驗著占

說二篇陶志稿

常昭合志

卷之九

人物

一百五十三

列傳 游寓

舊志凡始遷而未仕與已仕而遷者均爲寓公其遷而後登第筮仕者比諸邑人

國家有分土無分民功令入籍二十年卽同土著并禁岐籍則證之古者別子始遷以賓禮禮之再世始爲邑人則有間矣宋元名臣如崔敦詩周虎邱岳王萬諸人舊志尚列游寓陶陳各志以久祀名宦後人均已著籍歸諸邑人今從其例惟名流此間盤桓最久及往來無定流傳人口則列游寓焉耳舊志載太公望爲流寓龔頤正中吳紀聞始謂太公隱虞山之北嶺石屋相沿以尚湖爲尚父湖圖

常昭合志

卷之九

人物

一百五十四

經註尚與上同按太公避紂居東海實齊地龔氏所云不足爲據又舊志載東漢書高獲隱居江南石城前志以邑之宣化門外有石城里疑卽其地考古人所居必書邑或繫以里如軹深井里之類未有舍邑而書里者漢書地理志丹陽郡有石城縣而金陵石頭城亦稱石城安得以邑之石城里當之惟章懷注後漢書高獲所居石城謂在蘇州西南一語今郡西南有靈巖山一名石硯山吳越春秋云石硯山又名石城山越絕書云硯石山有石城今山下地名巘村出硯村疑巘村本作獲村因獲居此得名後訛爲巘然無他證未敢據章懷注定指在蘇也又按江南通

志據水經石城縣在牛渚東宋白續通典云池州貴池石
埭二縣皆漢石城縣地高獲遁迹之所或在是耳而於常
熟總無涉也

晉

夏統按晉書隱逸傳云夏統字仲御會稽永興人以孝聞母病
詣洛市藥後歸會稽不知所終邑北三十八里崇德山舊經
云晉處士夏統所居殆自洛歸隱居茲邑者也

瞿硎先生字碻子廣川人晉太和末隱居宣城文脊山桓温嘗
造之見其鹿裘坐石室神無忤色温異之命從事伏滔爲之
銘贊後徙居海虞歿葬東陵武邱寺重岡之原武邱蓋直塘

常昭合志

卷之九

人物

一百五十五

廣安寺舊額也直塘今屬太倉州晉書隱逸傳失名

宋

繆朝宗淮人慷慨負氣常爲常熟邠氏客後知梅州精練幹事
空坑之敗自經於山谷文天祥哀以詩曰空荒跑熊羆摧殘
歿藜莠平生江海心其人骨已朽

劉元善汴人元末爲仁和知縣棄官居常熟結廬罟里村其堂
曰稼軒

明

陳基字敬初臨海人從黃潛學至正時薦授經筵檢討爲人草
諫並立后疏幾得罪謝歸教授吳中張士誠網羅元時名士

延致幕下授學士士誠就俘從入京特宥免預修元史書成歸卒於鳳凰山河陽里所著燹白齋集其文雄傑高邁仕不遇主不得與宋文憲輩相頡頏亦其所遭之不幸也

龔詡字大章崑山人因父訾謫戍守金川門燕兵逼金川谷王櫛開門降詡夜走常熟之任陽投馬陳二氏匿大囤中卽囤中讀書焚膏繼晷多所纂述越二十餘年仍歸故里巡撫周

忱高其品薦爲學官不應年八十八卒

崑新合志

孔克良字仲良裔出山東父思進避亂來虞

浦大治字君鎔無錫人父應麟官翰林歿後來徙工詩文好法書名畫古器所交多韻士

常昭合志

卷之九

人物

一百五十六

周詩字以言崑山人其稱於時由皇甫子安子安謂詩雜文多超朗其人曠以疏行已有恥或聞其名造之輒避去妙於方藥作內經解與孫艾善老於孫氏死葬之吾谷表曰虛巖山

人周君墓

程嘉燧字孟陽休寧人往來嘉定常熟間讀書不務博涉精嚴採掇深排剽賊比擬之習善畫山水曉音律

宋珏字比玉莆田人少得程孟陽荔枝酒歌行求七年以兄事之能詩畫時來虞山與瞿忠宣遊爲人豪放八分書特爲精妙

顧夢麟字麟士太倉人與唐墅楊燹善久居燹所說經選文兩

人如合符契以析理正辭確守傳注變萬厯末年剽竊無稽
影掠禪宗之習所謂楊顧之學也

吳棊字去塵新安人客死塵山毛晉爲收葬之棊有不寐詩云
莫怪故人消息斷誰教金盡見牀頭尤爲淒切其製墨用易
水法人爭重之

胡復祖字源之新安人讀書負氣謹然諾慎慎與從其舅程孟
陽遊虞山遂好之弗去種菊千本多異種灌畦之暇觴詠閒
作陶然自得也子孫家虞並以醇謹著復祖有藝菊贈言三
冊皆

國初諸大家真蹟元孫培庚珍藏

舊志

常昭合志

卷之九

人物

一百五十七

國朝

歸莊字元恭崑山人太僕丞有光曾孫善書畫工詩文亦時來
虞山嗜酒跌宕見者指明之遺獻斂手推之

雪呼不知其姓氏或云桐城人方姓亦自號方井井布袍氈帽
盛夏不脫髮鬢鬢被領狀貌奇古似麋鹿不可接時混跡市
井與俗子伍遇士人輒言誠意之學尤喜道前人氣節事惟
不自明其何許人子來勸之歸五六日不得接一語而去死

葬鐵佛寺旁

昭文志

喻昌字嘉言江西選貢與陳際泰爲友崇禎時曾上書言事順
治初至常熟少遇異人授內養法明禪理精醫術著尙論篇

醫門法律寓意草等書又好弈與國手李元兆對弈三日夜
斂手而逝

嚴宏字公偉餘姚人從鎮將楊承祖來虞仕至彝陵總兵善山
水近文敏派具裘帶流風

周象明字懸著太倉人康熙壬子舉人志行高潔僑寓邑中著
七經同異錄性理發微尚論編田賦備考團溪雜言

顧炎武字寧人崑山人乙酉之夏奉母避兵於常熟之語瀛涇
十年而歸

亭林集與館
中諸公書

顧祖禹字景范世居無錫宛溪隨父柔謙徙常熟父歿寓釣渚
渡依范鼎九後居膠山黃守中家祖禹博極羣書尤精地理

常昭合志

卷之九

人物

一百五十八

之學好遠遊足跡幾遍天下歸而閉戶著書成讀史方輿紀
要一百三十卷其書於都邑形勢山川險要歷代戰守事跡
以至河渠水利皆能上下古今貫穿精密有裨考鏡前此所
未有也與密都魏禧交最善禧嘗言吾之文雖爲海內所推
求實學如顧景范萬充宗輩則瞠乎其後南昌彭士望服其
爲人走數千里挈其子厚本師事之晚客都門崑山徐乾學
奉

詔纂修一統志延祖禹主其事欲薦之朝出矢言謝乃止

府志
參金

匱志魏
禧集

陸隴其字稼書平湖人起家進士歷官御史自少卽志於聖賢

之學貫通洛閩諸書於學術是非反復辨正身體力行粹然
爲儒宗爲政務去其害民者先德化而後刑罰居諫垣未久
直聲震朝野再起再躡其罷嘉定令歸席工部啟寓延致虞
山令二子受業後罷御史歸復主席氏其卒也席氏爲梓所
著三魚堂文集雍正二年從祀孔子廟庭陶志
張遠字超然侯官人幼孤苦力學避耿逆亂來遊爲何氏贅壻
遂家焉詩文書翰匠心獨運自有遙情逸氣人亦頹然天放
遊四方所交皆當世名人高士康熙己卯舉福建鄉試第一
授雲南祿豐知縣卒於官著無悶堂集四十卷子孫已著籍

陶陳
縣志

常昭合志

卷之九

人物

一百五十九

翁元登字岸甫福清人由歲貢任將樂訓導父罷部郎挈家歸
里阻耿逆之亂寄居虞山元登因與嚴熊薛熙王譽昌張遠
諸人爲詩社著深柳堂集今子孫已著籍陶陳
縣志

趙執信字伸符號秋谷益都名進士官贊善高才被放遊吳門
生本服馮氏定遠之學稱私淑弟子與陶貞一昆季爲執友
數往來虞山邑中題詠甚多歿後數十年孫頴孝廉爲昭文
令瞻謁馮定遠墓建坊墓前尙存乃祖餘韻卒於吳縣任別
裁

集參陶
傳畧

吳道配字浩然休寧人明末避亂來虞有隱操昭文
志

周翥字甸威太倉人父式字右序順治辛丑進士以好施家落

翥初贅來虞因家焉遂迎父就養翥承父教其經義詩歌駢體之文皆豐腴流暢得春夏之氣人亦坦然無疵舉康熙己卯鄉試教諭山陽卒

陳志

張文鉞字以弢新安人好聚書畫有白鶴下庭不去因顏其堂曰來鶴名人題詠吳偉業爲之序子道浚字廷先學晉人書鼓琴畫竹翛然修潔之士

昭文志

俞健說字剛巖仁和人好學能文嘗丞監利峽江及吳縣僑寓虞山遂家焉

陶志

葉樹蓮字石君洞庭東山人僑居城南嗜蓄古書精於讐校書經石君手人爭寶之著有論史石說史記私論集金石文樸

常昭合志

卷之九

人物

一百六十

學齋集

昭志

王材任字子重黃岡人禮部尚書澤宏子康熙己未進士官至左僉都御史初澤宏自金陵來遊常熟樂山水之勝遂命材任卜居焉性好吟詠與詩人王譽昌輩結社倡和詩文信筆立就清真樸老不事雕飾著作甚夥刊有尊道堂集若干卷晚歲家益困年八十七竟以窮餓終越二十年守道嚴有禧始捐金賈山并其家九榭葬焉孫雲鵠字武緒刻苦績學終歲貢生

徐景嵩字中崖德清人曾祖尚介官廣東靈山令闔門殉難卹蔭長孫兆琦授東光知縣景嵩性剛正明達能詩工書法以

縣丞効力書館奏對稱

旨超授山西潞安府同知時方領辦軍需西出嘉峪北越瀚海
前後五年往返七度勞績甚著遷建昌知府丁艱服闋補肇
慶府以廉能稱乾隆二年卒於官先娶邑錢氏遂家焉長子
藻博學多才次子英鳳山知縣

柏謙字蘊高先世由句容遷崇明父萃諸生嘗夜行見一幼女
爲賊所掠奮挺追逐奪還其家謙登雍正庚戌進士入翰林
乙卯分校順天丙辰戊午連典福建試甲子

聖駕幸翰林院謙與陪盛典以母老乞歸遂來徙謙生有至性
曾祖母沙好食炒豆年八十無齒常嚼而哺之父嗜鳧雁一

常昭合志

卷之九

人物

一百六十一

日從遠道獲鳧手自烹治以進爲文工敏絕倫善楷書得歐
虞兩家之妙主游文書院多所成就有詩文集若干卷後人

已著籍

邵齊燾
撰墓志

薛芬字祥蓀吳縣諸生遷居邑之珍門涇中歲出游足跡幾半
天下卒以客死商邱宋犖筠廊二筆云丙辰丁巳間遇薛東
濱於長安頗極文酒之樂其和阮亭尚書諸什大有少陵風
格別去三十載訪其踪跡不可得卽吳下亦無一人知者因
錄其詩四首東濱芬別號也有詩數卷薛熙爲之序稱其思
如出月穿天氣如具海涵地

詩苑

蔡德晉字宸錫號敬齊無錫舉人爲人渾淪元氣精通三禮著

有三禮本義秦蕙田吳鼎諸人皆折衷焉設教宛山及門甚眾尚書楊名時薦舉經學補國子監學正遷工部司務充三禮館纂修致仕歸

侯銓字秉衡世爲嘉定甲族父開國熟於累朝掌故有詩文雜著百餘卷秉衡稟承家學來館於席氏爲陸當湖弟子與陳祖范汪沈琇詩文倡和骨幹開張波瀾壯濶爲宗工鑒賞

昭文

志參海
虞詩苑

華日新字聲倍無錫人歲貢以經師來教授遂家焉論文一宗先輩品亦端重從游益多皆脫穎而出子景崧舉人主游文

書院補常學教諭

參陶志稿

常昭合志

卷之九

人物

一百六十二

呂琳字幼輿太倉人自少以能詩名稍長問業東江唐吏部得其指授受知學使者尹會一莊有恭詞賦爲兩郡冠壬申己卯省試薦不售遂不復與試事飢驅浙江楚北金陵間歸囊如洗館於常熟與柏東臯以詩文結契尤深卒年七十著有愚畦詩八卷長子梁廩生

支溪小志

蔣德字敬持秀水人孝廉寓邵齋燾家數載與其徒讀書中峯爲游文書院山長卒焉齋燾爲誄詳德行誼載玉芝堂集爲人清古逸放性愛山水善屬文尤工於詩大興朱筠朱珪皆其弟子

蘇去疾傳畧

何忠相字罕勳崇明人僑居邑之支塘蔡涇受業柏謙由優貢

中乾隆庚午副榜教習期滿以知縣用坐場事除名歸里歷
主古瀛正修和陽書院以詩古文制義擅長卒於和州有二

山說詩楚詞定論

支溪志

朱光發字蓮塘郡城人乾隆辛未進士禮部主事主游文書院
詩文超卓具有根柢教澤多所成就士心悅服歿葬於郡子

豫晉皆舉人

陶傳畧

吳敬字文止其先休甯人世有厚德父宏祖以商籍爲錢塘名
諸生遷居松江敬天資敏達於古今事理物情世故靡不通
曉素業鹺於兩邑遂家焉居平教子孫一以勤學積善爲先
務晚歲疊膺封典益好行其德邑中賑饑開濬諸事皆慷慨

常昭合志

卷之九

人物

一百六十三

樂施躬爲之倡子蔚光進士選庶吉士改禮部主事熊光舉
人戶科給事中已著籍

支溪志

徐慕隆字耕南崇明歲貢生僑居昭文之支塘博學工詩奇詭
似李昌谷而淡宕處又似孟襄陽遇人高談雄辨四座盡驚

支溪志

張準字允平先世徽籍祖象文南康守父鋹牧鄭州卒於官遂
家焉準少穎悟家貧借書鈔讀以豫籍登丁卯賢書揀發滇
南補蒙自縣遷麗江倅所至有馨以母老乞歸母歿哀毀備
至慕虞山水僑寓以終生平工制義喜吟詠近南宋諸家

列傳 釋道

釋道者本古神道設教祝史巫咸遺意唐宋有祠觀元明設專官

國朝用喇嘛以撫馭外藩龍虎山張氏襲封號歲朝覲載在

會典皆政教所兼及也吾邑招真治破山寺叢林道院錯列虞山高僧道流散見於傳記志乘落落有人近代叅禪養性通神者雖不概見而建立功業崇尚風雅亦節取附列

釋

常昭合志

卷之九

人物

一百六十四

唐

惠旻字元素河東人梵行方嚴隱居虞山從學者嘗數百人

懷述字體如吳人學涅槃伊字沙門遭武宗沙汰大中間仍復

僧衣

懷述常達彥偁
晤恩稱四高僧

常達字文舉俗姓顧邑人講南山律鈔通老莊百家善書居破山寺咸通十五年聚衆告别合掌而逝

五代

貞誨俗姓包氏邑人十三出家於龍興寺唐元祐元年至東京相國寺講導法華經及梁貞明二年宋妙師孔公知其道行置講堂於西塔院從此翕然盛集至後唐清泰二年二月十

一日望空合掌云勞眾聖相迎滿百徒侶爾日皆聞天樂之音頃刻而卒

彥偁邑龔氏子居破山戒行清苦虎中獵夫箭彥偁爲拔之年至九十九

宋

晤恩字修己邑人姓路氏年十三出家投破山興福寺受訓後唐長興中往崑山慧聚寺學律晉天福初從攜李皓端師習經論後微聞天台三觀六卽之說冥符意解歸建宗教院於破山宋雍熙三年八月朔於中夜覩白光自井而出謂門人曰吾報齡極於此矣至二十五日爲弟子說止觀指歸及觀

常昭合志

卷之九

人物

一百六十五

心大義端坐面西而化院僧皆聞空中絲竹嘹亮久漸遠西去焚獲舍利無算

道一俗姓陶居智林寺化於淳熙壬寅踰月荼毘舌根不壞宛如蓮花七葉朝散大夫李念祖有道一火蓮記

了通智林寺僧也嘗晝寢寺僧呼之覺曰通州火吾適救之明日人渡江云狼山寺火有僧於烈焰噴酒滅之火有酒氣狼山人來謝了通衣猶焦灼

希辯吳越忠懿王子出家居寶巖寺太平興國中隨王入觀賜號慧明

空山興福寺僧始居功德院被太宗眷賚欲官之一日逃歸山

中晦迹不出寺廢壞爲力新之

元

清珙字石屋邑人溫氏子得西峯及菴指授居霞霧山三十載
有山居吟石屋語錄至正間朝廷降香幣賜金欄袈裟壬辰
示微疾而逝閣維五色舍利不知其數年八十一其詩頌法
語刊行於世

法海奉異成教作普賢堂於虞山之陽至正庚子八月夢觀音
大士顯化於水濱得梅檀像遂盛飾殿宇事之有靈感
寶安姓夏氏風神爽拔性行誠淑專習禪門年一百十八歲乃
卒身不散壞加漆布供養於寺

常昭合志

卷之九

人物

一百六十六

明

妙聲字九臯景德寺僧也後居常熟之慧日寺戒行爲時所重
有九臯錄傳於世

僧偈字日章邑張氏子洪武初以高僧選奉旨就天界山說法
鼎用新居慧日寺洪武六年倪雲林來訪作虞山圖贈之

慧秀字孤松邑蔣氏子出家游我嶺天台雁宕栖仙巖之休糧
菴歸老虞山有秀道人集十二卷富於詞藻無蔬筍氣

海舟慈邑錢氏子出家破山寺聽講楞嚴至但有言說都無實
義歎曰卽今言說如何愈多後叅東明昆公嗣法闡化

法乘字洞聞吳江李氏子少侍達觀大師退居維摩卒老破山

漢月嘗從請益牧雲其所剃度

無著昱蜀人居破山興復寺宇人崇信之

明河字汰如揚之通州人陳氏子十餘歲剃度究心大乘方等諸經兼工詞翰年十九依一雨潤公住鐵山繼住中峯既而說法於杭之臯亭吳之花山白門之長干寺嘗於講期見羣鶴遶空飛鳴圍繞未幾示寂所著有華嚴十門眼法華楞嚴圓覺解續高僧傳若干卷

鉢菴信嘉興人堅持毘尼晝夜禮誦繼無著住破山

廣潤字等慈吳興人姓錢氏少負文藻耿介重氣削染於雲棲游虞山瞿元初延居拂水老焉

常昭合志

卷之九

人物

一百六十七

大寂字鶴林嘉定趙氏子從雲棲宏得法乃縛禪於廬山遊少林禮五臺來虞山遁跡藤溪株守經律晚歲住福城成浮屠七級著金剛疏義合頓漸而一之

截流策奉雲棲法念佛修淨土力矯狂禪之弊

法藏字漢月錫山蘇氏子幼讀書聞師講浩然之氣卽投袂而起神思慨然出家來居三峯晝夜參究立百日死關忽昏眩嘔痰斗餘放身熟睡五日後聞窗外折竹聲遂大徹悟得天童密雲悟印證道法隆盛兼通儒書有材畧老於鄧尉山康熙四十四年

聖祖南巡追諡鏡通三峯自漢月薙草開林繼其後者頂目徹

大樹澄漢月弟子也豁堂岳中輿範槩菴志碩揆志漢月法孫也漢月十二弟子莫著於具德禮繼起儲槩菴嗣法於繼起者也碩揆嗣法於具德者也

國朝

讀徹字蒼雪滇南呈貢趙氏子幼從雞足水月道人爲沙彌年十九遠遊受戒雲棲叅雪浪於望亭浪歿依一雨潤於鐵山與明河並爲入室弟子徹博涉內外典賦詩亦多警句以華嚴經爲法海非精研疏鈔不能涉其津涯窮其奧窔遂與河訂分講之約河卒遂獨力荷擔雖病弗輟住中峯建殿買田伽藍一新順治丙申應寶華山見月請講楞嚴至山中病劇

常昭合志

卷之九

人物

一百六十八

作解嘲詩辭世偈而逝

通容世費隱閩人從密雲叅學有得道法大行屢主名刹晚住常熟維摩寺化後茶毗舍利無算弟子隱源能承其學日本國來請國師

世祖命往國王敬事之乾隆間四世法孫實青字雨田無錫人中興維摩有功許進益銘塔

正志號槩菴姓熊氏原名開元嘉魚人登進士歷任吳江崇明知縣擢給事中論時相周延儒廷杖戍杭州衛鼎革後披薙得法於靈巖繼起儲委住三峯著諸方誤錄槩菴別錄魚山

剩稿

原志字碩揆鹽城孫氏子天性高明豪邁不可羈勒父陞任俠
爲惡少所害志泣血行遁數年卒手刃其仇祭告父墓遂辭
母出家依具德禮叅究有省歷主徑山三峯靈隱祖庭康熙
中

駕幸靈隱

御書雲林寺額賜金二百兩圓機慧辨孤行側出嗣法弟子鍊

飛量明巖照青雷震等三十八

賜諡淨慧著七會語錄

通門字牧雲少投洞聞乘出家得法密雲歸住破山能詩文善

書著懶齋集

常昭合志

卷之九

人物

一百六十九

通琇字玉林江陰楊氏子初至磬山薙髮繼住武康報恩寺宗

風大著母繆亦出家琇立草堂終養焉順治戊戌

召入內殿問如何是孔顏樂處琇云憂心悄悄愠於羣小封大

覺普濟禪師遊虞山樂拂水之勝建藏海禪院爲塔葬母

道源字石林婁江許氏子居郡城北禪晚歸虞山禪講之餘博

極經史嘗注李義山詩吳江朱長孺作箋注多採用之

行演字洪濟聞喜張氏子甫離嬰襍卽不如葦五歲出家十歲

學毘尼精持木义二十受具徧叅諸方嗣法大覺普濟國師

隱春秋山數年順治戊戌隨國師

陞見奏對契合

賜衣四襲演拜受而謹藏之曰非道人飾也後國師命住藏海
足不踰戶十有二年率眾有儀說法無滯康熙庚申十月二
十三日焚沐更衣端坐以手加額而逝世壽六十八僧臘六
十三全身塔在本山

契德字鶴如幼與牧雲同投洞聞出家又叅天童和尚歸破山
自大殿外種種興建契德一人力也晚年退居焚香染翰邑
中名流多與往還又有破山僧本旭字東升苦行朴魯人多
易之後自知時至無疾坐化

源遠號自勗山塘王氏子十八出家於石梅尊勝菴徧參叢席
皆以德器重之退居靜室題其龕白青山白業

常昭合志

卷之九

人物

一百七十

道冶字雪爐邑陳氏子十九歲薙染於三峯侍檠菴和尚杖錫
又參碩揆和尚於揚州久之還檠和尚華山位下機鋒迅捷
道器沉敏付發隨住黃山又數年和尚命住持邑之白雀寺
鑑堂圓孝豐許氏子初參徑山雪嶠信又從瑞光頂目徹參究
有省卓錫三印菴

雪鑑意平湖張氏子依繼起儲參究後承古雲傑記剝開法秀
水樓眞繼主破山廿載年逾六十猶腰包行脚疲於津梁而
化入破山北崗塔

雲漢滿姓張氏邑諸生嗣善權浮石賢在福城提論楞嚴建大
法幢嗣法數人

覺滿盈剝度於三峯大樹後居長壽菴兼通內外學曾爲豁堂
座首其徒重恒工畫

浣風智邑蘇氏子說法於福山大慈寺退老於北麓寶華菴栽
蘭種竹蕭然自得也馮班序其詩云浣公詩不爲偈頌語未
嘗非偈頌歿入梅坪塔

律然字素風邑王氏子出家長壽菴不慕貴游不儲鉢資坐石
經室六十年人品高故詩亦不落禪門偈頌體也柏謙許以
穆如清風靜似止水有息影齋詩鈔行世

聖通字貫一邑王氏子少薙染於長壽菴事素風和尚隨三峯
川回唱道維揚上方寺後繼席三峯建大殿築山門力保寺

常昭合志

卷之九

人物

一百七十一

前山地不爲豪富侵占東城方塔爲一邑鎮火燬應紳士請
力完勝果侍御王峻紀其事聖通願力深重緇索宗仰兼善
詩文說者謂祖庭有中興功世壽七十而逝徒化葦字蓮溪
邑西陽陳氏子幼穎敏讀書一目輒成誦年十三脫白於福
山大慈寺歷金山龍華安隱後主三峯建藏經閣羅漢堂善
書畫工詩退居石室趺坐而逝世壽七十二

陳士林
塔銘

徒妙言

字中倫繼席赴京具呈恭請

龍藏全部貯閣亦善繼志者

九方印唐市人住廣福院後謁雲林受記主吳江接待寺奉
敕繼席報恩寺方丈通內外典能書工詩兼善繪事有聽松窩

詩鈔

別裁集小傳
叅唐墅志

道

漢

淳于斟字叔顯陶隱居真誥云斟上虞人漢桓帝時徐州縣令
靈帝時大將軍辟掾少好道明術數服食胡麻黃精後人吳
隱居烏目山遇仙人慧車子授以虹景丹經

梁

張道裕字宏真漢天師十二代孫梁天監二年來居虞山感異
夢卽於山下建治號曰招真剎寥陽殿虛皇壇手植七檜簡
文帝改爲乾元宮道裕嘗煉大丹鑿井藏之至宋淳熙中道

常昭合志

卷之九

人物

一百七十二

唐

士李則正浚井得丹石礮啟之化爲雙紅鴿飛入尚湖

單以清邑人元陽觀道士大厯中嘗至嘉興遇異人贈以藥丸
服之約至期入山相尋以清紀其事

宋

申元道泰陵人師事徐神翁得修煉之道將南遊請於翁翁曰
逢虞卽止遇雪則開過江居福山建潛真觀寓梅李建頤真
館後來虞山問山名曰虞乃築室爲招真治插竹以居遂成
林因名竹林菴山峭無水艱於取汲一日大雪獨菴前一簣
不積遂掘地得美泉名曰雪井後不知所終人以爲仙去

周道信周孝子之孫修真於集福經堂能入定出神人呼爲仙翁

李則正嘉禾人道行高雅好以藥物濟人住持乾元宮沈垌有

碑記

應錫智字子信仙居人咸淳間來吳愛虞山之勝建致和院以居精於道法尤善辭章

邱禾字少穎號霸蓑東海侯岳之從叔任兩浙運司酒庫官棄儒學道法於湖州趙彥能以符咒著

鄧道樞字應叔綿州人端平中從魏了翁出蜀居於吳以齋法精嚴際遇理度二宗後居吳城會道觀別號山房家鉉翁爲

常昭合志

卷之九

人物

一百七十三

之記工詩善琴有東遊集嘗往來於常熟致道觀今觀中三清殿址有石記其道游之勝

元

周隆孫雙鳳人至元間賜號清寧抱一凝妙真人住持普福宮提點平江路道錄嘗遊武當舟次儀真風逆不可行乃書一符於帆檣獨乘順風而往

明

席應真字心齋號子陽子學老氏法經籙丹法靡不洞究尤邃於易釋典方術咸能旁通奉母至孝曰世間豈有不孝之神仙哉始提點常熟致道觀遷郡之白鶴觀及相城靈應宮與

釋道衍爲忘形交衍師事之或云衍之兵法半是應真所傳也洪武十四年三月卒年八十一

周元真字元初嘉興人身寓方外事母至孝元高道莫月鼎法裔道行修潔狎雷致雨聲聞朝野明初授領神樂觀事元真平日亦好興建利物嘗造安里橋重建報恩道院修致道觀丹井卒葬於莫月鼎墓次

林復真字剛伯號梅雪大同子授常熟道會博學能文詞寄跡老子法中用以禔身養親永樂初舉往龍虎山校正道書又預纂修永樂大典勸善書道藏經籍洪熙改元以老辭歸住來雲堂有止菴集吳訥銘其墓

常昭合志

卷之九

人物

一百七十四

王志元總角資穎悟人目爲奇童隨林復真龍虎山校正道書禱雨輒應

鄭心淵號碧潭有道行行五雷法每歲旱請禱必驗

金竹字子虛號默齋爲邑諸生有才名性好道夢遊山寺桃花遶徑兩楹揭紅日半梁僧寺晚白雲千古洞門秋之句嗣後與世益泊遂棄家遠遊不知所終或云曾見之大茅峯於時年百有四歲矣或云邑人有解戍滇南歸時借宿草菴菴主卽竹也其人告以卽君遊庠竹曰何足道卧後見竹張蓋手轉不停厥明促之起乃在京口以此駭異

劉黑黑本山東人萬厯壬寅由泰州渡江至常熟棲泊無定衣

冠極敝不爲整狀若狂途人因目爲垢仙後不火食者累月
忽一日不知所往遍跡之見其坐柳灘上眾挽之黑黑折蘆
掠水而去眾咸異之

國朝

潘鏡字不二號還陽老人一號元陽子浙人康熙間來居邑自
言生於景泰丙子年計已二百廿歲矣所至多奇驗

常昭合志

卷之九

人物

一百七十五

